

衷中參西錄增廣第四期

藥物  
講義

## 衷中參西錄四期序

今之研究醫學著書立說者多矣而其所著之書誠能推之四海而準傳之千秋可法者原曠世不一見也吾師張壽甫先生鹽山名儒自弱冠研究經學於書無所不讀而又兼通醫學初志本期以註疏五經名世後慨醫學頹廢人多夭枉遂專注重醫學以振興中華醫學爲己任著衷中參西錄一書出版三次每次增加已二十餘萬言不脛而走風行海內遠至臺灣香港亦多有購此書者宜山西醫學雜誌稱爲醫書中第一可法之書也近時各省所立醫學校多以此書爲講義各處醫學社會所出誌報又莫不以得登先生撰著爲榮卽農編如泉醫學報亦蒙先生時惠鴻篇若先生者誠執全國醫壇之牛耳者也近因四方學者見先生醫學迥異恆流而函催四期衷中參西錄者日益加多先生感同人熱忱鳩集數年撰著約三十餘萬言卷帙浩繁付梓不易乃分爲三種曰藥物講義曰醫論曰醫案今先出藥物講義爲四期版於中西藥物皆備其要而於中藥尤能獨闢新義發千古所未發於生平得力之處盡情披露無遺足見先生嘉惠醫林之意至爲深切矣農也不才自慚失學每一思之輒覺汗顏幸祖遺薄田數頃躬耕餘暇時研究書畫

詩文醫學多泛覽無師承邇來書師鄭先生海藏畫師林先生畏廬詩師吳先生東圖醫  
卽師我壽甫先生然詩文書畫卽不佳亦無甚關重醫學則人命所關故又三致意焉幸  
蒙我師時惠教言因得稍識醫學門徑他日有成終不敢忘先生之賜也農愧不文勉爲  
之序

癸亥季冬如臬門生李慰農敬序於如不及齋

## 例言

- (一) 此書爲四期衷中參西錄因專講中西藥物是以又名藥物講義
- (二) 衷中參西錄共出版四次其二期三期版皆卽原本增加故三期之中一期二期皆備至此四期則各自爲書不增加於三期之中而實於三期互相發明
- (三) 此書中藥於常用之品亦多未備非略也蓋凡所載者皆自抒心得於尋常講解之外另有發明其不能另有發明者雖常用之藥亦不載
- (四) 此書中藥未詳地道及成色優劣因諸家本草於此等處皆詳載之此書非爲初習本草者設爲精研藥性者設故不載也
- (五) 此書於西藥無多發明以愚原非西醫專家不過於緊要之藥略錄數十味間附以論說思爲中醫欲兼學西醫者之嚮矢
- (六) 此書無論中西藥品凡所言之氣味與他書不同者皆自嘗試而得以求藥味之實際非敢妄爲改易也
- (七) 中藥大抵宜食前服西藥則皆宜食後服以其性多劇烈之品故不宜空腹服之

(八)西藥爲其劇烈所以少服少服又恐藥力不能接續所以皆宜日服數次至藥下未明言者亦應如此服法

(九)用西藥卽宜用西藥分量書中所謂瓦係中量二分六厘四毫其作(一、○)式者一瓦也作(一○、○)式者十瓦也作、一○○、○)式者百瓦也點上爲整數故皆足一瓦以上之數至不足一瓦之分數則皆在點下其作(○、一)式者十分瓦之也其作(○、五)式者十分瓦之五也(卽半瓦)作(○、○五)式者百分瓦之五也蓋按算數之定式原點上爲整數點下爲分數也

(十)葦澄茄中西藥中皆有之而此書載於西藥之中因西人論此藥功用與中說不同且其所論之功用又確實可以徵信至購此藥時又必購於西藥房中用之方效蓋此藥在中藥爲背用之藥皆陳腐不堪用而西人最習用之且所製之末又精工也

(十一)斯書前曾出版於民紀十三年今已盡售因卽原版增加藥味講論若干出再版故名爲增廣衷中參西錄四期所以別於初出之版也

第一卷目錄

石膏解

人參解西洋參附

黃耆解

第二卷目錄

山萸肉解

山藥解

地黃解

甘草解

硃砂解

鴉胆子解

龍骨解龍齒附

牡蠣解

石決明解

玄參解

當歸解

第三卷目錄

芍藥解

芎藭解

大黃解

朴硝硝石解

厚朴解

麻黃解

柴胡解

桂枝解

三七解

牛膝解

滑石解

遠志解

龍胆草解

半夏解

括藎解

天花粉解

乾薑解

生薑解

附子烏頭天雄解

肉桂解

知母解

天門冬解

麥門冬解

黃連解

黃芩解

第四卷目錄

白茅根解

葶藶蘆根解

鮮小蘆根解

大麥芽解

茵陳解

萊菔子解

枸杞子解

海螵蛸茜草解

罌粟殼解

竹茹解

沙參解

連翹解

薄荷解

茯苓茯神解

木通解

蒲黃解

三稜莪朮解

乳香沒藥解

常山解

山查解

石榴解

龍眼肉解

柏子仁解

大棗解

胡桃

五味子解

葶藶解

鷄內金解

穿山甲解

蜈蚣解

水蛭解

蝎子解

蟬退解

羚羊角解

血餘解

指甲解

第五卷目錄

西藥

阿斯必林

安知必林

別臘蜜童

安知歌貌林

弗那攝精

撒里矢爾酸那篤  
儂謨

撒魯兒

規尼涅

烏羅特羅賓

鹽酸

鹽酸歌魯菌

旃那葉

蓖麻子油

硫苦

甘汞

食鹽

抱水過魯拉爾

貌羅謨加儂謨

貌羅謨安母紐謨

貌羅謨那篤儂謨

依的兒

哥羅芳謨

實芟答里斯葉

斯獨落仿斯精

斯獨落仿斯丁幾

安母尼亞苗香精

安息香酸那篤儂謨

含糖白布聖

石炭酸

硼酸

單寧酸

單那爾並

硫酸亞鉛

幾阿蘇

過滿俺酸加里

百露拔爾撒謨

麥角

醋酸鉛

沃度仿謨

沃度加儂謨

沃度丁幾

重炭酸那篤儂謨

骨泮波拔爾撒謨

華澄茄末

白檀香油

西藥新出品

滅痢仁

碍疴好司

雷佛奴耳

蘇潑拉來寧

盧蜜拿

加德明

阿爾細林

握姆納丁

庫阿可斯

育維甯

巴畢那兒

克利西佛

佛里霜

得福兒

愛服寧

撲瘧母星

凡拉蒙

強巴苦諾恩

# 衷中參西錄第四期第一卷

## 石膏解

石膏之質中含硫養是以涼而能散有透表解肌之力外感有實熱者放胆用之直勝金丹神農本經謂其微寒則性非大寒可知且謂其宜於產乳其性尤純良可知醫者多誤認爲大寒而煨用之則宣散之性變爲收斂（點豆腐者必煨用取其能收斂也）以治外感有實熱者竟將其痰火斂住凝結不散至一兩卽足傷人是變金丹爲鳩毒也迨至誤用煨石膏僨事流俗之見不知其咎在煨不在石膏轉謂石膏煨用之其猛烈猶足傷人而不煨者更可知矣於是一倡百和遂視用石膏爲畏途卽有放胆用者亦不過七八錢而止夫石膏之質甚重七八錢不過一大撮耳以微寒之藥欲用一大撮撲滅寒溫燎原之熱又何能有大效是以愚用生石膏以治外感實熱輕證亦必至兩許若實熱熾盛又恆重用至四五兩或七八兩或單用或與他藥同用必煎湯三四茶杯分四五次徐徐溫飲下熱退不必盡劑如此多煎徐服者欲以免病家之疑懼且欲其藥力常在上焦中焦



而寒涼不至下侵致滑瀉也蓋石膏生用以治外感實熱斷無傷人之理且放胆用之亦斷無不退熱之理惟熱實感虛者其人必實熱兼有虛熱仿白虎加人參湯之義以人參佐石膏亦必能退熱特是藥房軋細之石膏多係煨者卽方中明開生石膏亦恆以煨者充之因煨者爲其所素備且又自覺慎重也故凡用生石膏者宜買其整塊明亮者自監視軋細（凡石質之藥不軋細則煎不透）方的若購自藥房中難辨其煨與不煨迨將藥煎成石膏凝結藥壺之底傾之不出者必係煨石膏其藥湯卽斷不可服

附案

長子蔭潮七歲時感冒風寒四五日間身大熱舌苔黃而帶黑孺子苦服藥強與之卽嘔吐不止遂單用生石膏兩許煎取清湯分三次溫飲下病稍愈又煎生石膏二兩亦徐徐溫飲下病又見愈又煎生石膏三兩徐徐飲下如前病遂全愈夫以七歲孺子約一晝夜間共用生石膏六兩病愈後飲食有加毫無寒中之弊則石膏果大寒乎抑微寒乎此係愚初次重用石膏也故第一次止用一兩且分三次服下猶未確知石膏之性也世之不敢重用石膏者何妨若愚之試驗加多以盡石膏之能力乎

同邑友人趙厚菴之夫人年近六旬得溫病脈數而洪實舌苔黃而乾聞藥氣卽嘔吐俾單用生石膏細末六兩以作飯小鍋（不用藥甑恐有藥味復嘔吐）煎取清湯一大盃恐其嘔吐一次止溫飲一口藥下咽後覺煩躁異常病家疑藥不對證愚曰非也病重藥輕故也飲至三次遂不煩躁閱四點鐘盡劑而愈

同邑友人毛仙閣之三詰嗣印棠年三十二歲素有痰飲得傷寒證服藥調治而愈後因飲食過度而復服藥又愈後數日又因飲食過度而復醫治無效四五日間延愚診視其脈洪長有力而舌苔淡白亦不燥渴食梨一口卽覺涼甚食石榴子一粒心亦覺涼愚舍證從脈爲開大劑白虎湯方因其素有痰飲加清半夏數錢其表兄高夷清在座邑中之宿醫也疑而問曰此證心中不渴不熱而畏食寒涼如此以余視之雖清解藥亦不宜用子何所據而用生石膏數兩乎答曰此脈之洪實原是陽明實熱之證其不覺渴與熱者因其素有痰飲濕勝故也其畏食寒涼者因胃中痰飲與外感之熱互相膠漆致胃府轉從其化與涼爲敵也（卽講子平者棄命從煞之理）仙閣素曉醫學信用愚言兩日夜間服藥十餘次共用生石膏斤餘脈始和平愚遂旋里隔兩日復來相迎言病人反覆甚劇

形狀異常有危在頃刻之慮因思此證治愈甚的何至如此反覆既至（相隔二里強）見其痰涎壅盛連連欬吐不竭精神恍惚言語錯亂身體顫動診其脈平和無病惟右關胃氣稍弱愚恍然會悟急謂其家人曰此證萬無閃失前因飲食過度而復此次又因戒飲食過度而復也其家人果謂有鑒前失數日之間所與飲食甚少愚曰此無須用藥飽食即可愈矣其家人慮其病狀若此不能進食愚曰無庸如此多慮果係由餓而得之病見飲食必然思食其家人依愚言時已屆晚八句鐘至黎明進食三次每次擰節與之其病遂愈

西藥有安知歇貌林又名退熱冰究其退熱之效實遠不如石膏蓋石膏之涼雖不如冰而其退熱之力實勝冰遠甚鄰村龍潭莊張叟年過七旬於孟夏得溫病四五日間煩熱燥渴遣人於八十里外致冰一担日夜放量食之而煩渴如故其脈洪滑而長重按有力舌苔白厚中心微黃投以白虎加人參湯方中生石膏重用四兩煎湯一大盃分數次溫飲下連進二劑煩熱燥渴全愈

又瀋陽縣尹朱靄亭夫人年過五旬於戊午季秋得瘟病甚劇先延東醫治療所服不知

何藥外用冰囊以解其熱數日熱益盛精神昏昏似睡大聲呼之亦無知覺其脈洪實搏指俾將冰囊撤去用生石膏細末四兩粳米八錢煎取清汁四茶杯約歷十句鐘將藥服盡豁然頓醒甯亭喜甚命其公子良佐從愚學醫

又友人毛仙閣夫人年近七旬於正月中旬傷寒無汗原是麻黃湯證因誤服桂枝湯汗未得出上焦陡覺煩熱惡心聞藥氣卽嘔吐但飲石膏所煮清水及白開水亦嘔吐惟晝夜吞小冰塊可以不吐兩日之間吞冰若干而煩熱不減其脈關前洪滑異常俾用鮮梨片蘸生石膏細末嚼咽之遂受藥不吐服盡二兩而病愈

石膏之性又善清瘟疹之熱奉天友人朱貢九之喆嗣文治年五歲於庚申立夏後周身壯熱出疹甚稠秘脈象洪數舌苔白厚知其疹而兼瘟也欲用涼藥清解之因其素有心中作疼之病出疹後貪食鮮果前一日猶覺疼又不敢投以重劑遂勉用生石膏五錢各六錢薄荷葉蟬退各一錢連翹二錢晚間服藥至翌日午後視之氣息甚粗鼻翅煽動咽喉作疼且自鼻中出血少許大有煩躁不安之象愚不得已重用生石膏三兩玄參麥冬(帶心)各六錢仍少佐以薄荷連翹諸藥俾煎湯三茶盅分三次溫飲下至翌日視之則

諸證皆輕減矣然餘熱猶熾其大便雖行一次仍係燥糞其心中猶發熱脈仍有力遂於清解藥中仍加生石膏一兩連服二劑壯熱始退繼用涼潤清毒之藥調之全愈

石膏之性又善清咽喉之熱滄州友人董壽山年三十餘初次感冒發頤數日頷下頸項皆腫延至膺胸復漸腫而下其牙關緊閉惟自齒縫可進稀湯而咽喉腫疼又艱於下咽延醫調治服清火解毒之藥數劑腫熱轉增時當中秋節後淋雨不止因病勢危急冒雨驅車三十里迎愚診治見其頷下連項壅腫異常狀類時毒（瘡家有時毒證）撫之硬而且熱色甚紅純是一團火毒之氣下腫已至心口自牙縫中進水半口必以手掩口十分努力方能下咽且痰涎壅滯胸中上至咽喉並無容水之處進水少許必換出痰涎一口且覺有氣自下上衝時作呃逆連連不止診其脈洪滑而長重按有力兼有數象愚曰此病俗所稱蝦蟇瘟也毒熱熾盛盤踞陽明之府若火之燎原必重用生石膏清之乃可緩其毒熱之勢從前醫者在座謂曾用生石膏一兩毫無功效愚曰石膏乃微寒之藥本經原有明文如此熱毒僅用兩許何能見效遂用生石膏四兩金線重樓（此藥須色黃味甘無辣味者方可用無此則不用亦可）清半夏各三錢連翹蟬退各一錢（爲咽喉腫

甚表散之藥不敢多用。煎服後覺藥停胸間不下其熱與腫似有益增之勢知其證兼結胸火熱無下行之路故益上衝也。幸藥房即在本村復急取生石膏四兩生赭石三兩又煎湯徐徐溫飲下仍覺停於胸間又急取生赭石三兩萸仁二兩芒硝八錢又煎湯飲下胸間仍不開通此時咽喉益腫再飲水亦不能下病家惶恐無措愚曉之曰我所以亟連次用藥者正爲此病腫勢寢增恐稍遲緩則藥不能進今其胸中既貯如許多藥斷無不下行之理藥下行則結開便通毒火隨之下降而上焦之腫熱必消矣時當晚十句鐘至夜半藥力下行黎明下燥糞數枚上焦腫熱覺輕水漿可進晨飯時牙關亦微開服茶湯一盃午後腫熱又漸增撫其胸熱猶烙手脈仍洪實意其燥結必未盡下遂投以大黃六錢芒硝五錢又下燥糞兼有溏糞病遂大愈而腫處之硬者仍不甚消胸間撫之猶熱脈象亦仍有餘熱又用生石膏三兩金銀花連翹各數錢煎湯一大碗分數次溫飲下

日服一劑三日全愈

按此證二次即當用芒硝大黃

石膏之性又善清頭面之熱愚在德州時一軍士年二十餘得瘟疫三四日間頭面悉腫其腫處皮膚內含黃水破後且潰爛身上間有斑點聞人言此證名大頭瘟其潰爛之狀

又似瓜瓢瘟最不易治懼甚求爲診視其脈洪滑而長舌苔白而微黃問其心中惟覺煩熱嗜食涼物遂曉之曰此證不難治頭面之腫爛周身之斑點無非熱毒入胃而隨胃氣外現之象能放胆服生石膏可保全愈遂投以拙擬青孟湯（方載三期七卷係荷葉一個用周遭邊生石膏一兩羚羊角二錢知母六錢蟬退殭蠶金錢重樓粉甘草各錢半）方中石膏改用三兩知母改用八錢煎汁一大盃分數次溫飲下一劑病愈強半翌日於方中減去荷葉蟬退又服一劑全愈

外感痰喘宜投以金匱小青龍加石膏湯若其外感之熱已入陽明之府而小青龍中之麻桂薑辛諸藥實不宜用曾治奉天同善堂中孤兒院劉小四年八歲孟秋患瘟病醫治十餘日病益加劇表裏大熱喘息迫促脈象洪數重按有力知猶可治問其大便兩日未行投以大劑白虎湯重用生石膏二兩半用生山藥一兩以代方中粳米且爲其喘息迫促肺中伏邪又加薄荷葉一錢半以清之俾煎湯兩茶盞作兩次溫飲下一劑病愈強半又服一劑全愈

又邑北境于常莊于某年四十餘爲風寒所束不得汗胸中煩熱又兼喘促醫者治以蘇

子喙氣湯兼散凡青火之品數劑病益進診其脈洪滑而浮投以拙擬解寒湯（方載三期五卷係生石膏一兩知母八錢連翹蟬退各錢半）須臾上半身卽出汗又須臾覺藥力下行其下焦及腿亦皆出汗病若失

用生石膏以退外感之實熱誠爲有一無二之良藥乃有時但重用石膏不效必仿白虎加人參湯之義用人參以輔之而其退熱之力始大顯者茲詳列數案於左以備參觀  
傷寒定例汗吐下後用白虎湯者加人參湯者用白虎湯亦加人參而愚臨證品驗以來知其人或年過五旬或壯年在勞心勞力之餘或其人素有內傷或稟賦羸弱卽不在汗吐下後與湯者用白虎湯時亦皆宜加人參曾治邑城西傅家莊傅壽朋年二十身體素弱偶覺氣分不舒醫者用三稜延胡等藥破之自覺短氣遂停藥不敢服隔兩日忽發喘逆筋惕肉動精神恍惚脈數至六至浮分搖搖按之若無肌膚甚熱上半身時出熱汗自言心爲熱迫甚覺怔忡其舌上微有白苔中心似黃統觀此病情狀雖陡發於一日其受外感已非一日蓋其氣分不舒時卽受外感之時特其初不自覺耳爲其怔忡太甚不暇取藥急用生鷄子黃四枚溫開水調和再將其碗置開水盆中候溫服之喘遂止怔忡亦

見愈繼投以大劑白虎加人參湯方中生石膏用三兩人參用六錢更以生懷山藥代方中粳米煎湯一大盃仍調入生雞子黃三枚徐徐溫飲下盡劑而愈

又邑北六間房王姓童子年十七於孟夏得溫病八九日間呼吸迫促頻頻欬吐痰血相雜其欬吐之時疼連胸脅上焦微嫌發悶診其脈確有實熱而數至七至（凡用白虎湯者見其脈數至七至或六至餘者皆宜加參）搖搖無根蓋其資稟素弱又兼讀書勞心其受外感又甚劇故脈象若是之危險也爲其胸脅疼悶兼吐血擬用白虎加人參湯以生山藥代粳米而人參不敢多用方中之生石膏仍用三兩人參用三錢又加竹茹三七〔搗細冲服〕各二錢煎湯一大碗徐徐溫飲下一劑血卽止諸病亦見愈又服一劑全愈用三七者不但治吐血實又兼治胸脅之疼也

寒溫之證最忌舌乾至舌苔薄而乾或乾而且縮者尤爲險證而究其原因却非一致有因真陰虧損者有因氣虛不上潮者有因氣虛更下者皆可治以白虎加人參湯更以生山藥代方中粳米無不效者蓋人參之性大能補氣元氣既而上升自無下陷之虞而與石膏同用又大能治外感中之真陰虧損况又有山藥知母以濡潤之乎若脈象虛數者

又宜多用人參再加玄參生地滋陰之品煎湯四五茶鍾徐徐溫飲下一次止飲一大口防其寒涼下侵致大便滑瀉又欲其藥力息息上達升元氣以生津液飲完一劑再煎一劑使藥力晝夜相繼數日火退舌潤其病自愈曾治一鄰村劉姓童子年十三歲於孟冬得傷寒證七八日間喘息鼻煽動精神昏憤時作譫語所言皆勞力之事其脈微細而數按之無力欲視其舌乾縮不能外伸啓齒探視舌皮若癩點作黑色似苔非苔頻飲凉水毫無濡潤之意愚曰此病必得之勞力之餘胸中大氣下陷故津液不能上潮氣陷不能托火外出故脈道淤塞不然何以脈象若是恣飲凉水而不滑瀉乎病家曰先生之言誠然從前延醫服藥分毫無效不知尙可救否曰此證按尋常治法一日止服藥一劑卽對證亦不能見效聽吾用藥勿阻定可挽回遂用生石膏四兩黨參知母生山藥各一兩甘草二錢煎湯一大盃徐徐溫飲下一晝夜間連進二劑其病遂愈

仲景治傷寒脈結代者用炙甘草湯誠佳方也愚治寒溫若其外感之熱不盛遇此等脈卽遵仲景之法若其脈雖結代而外感之火甚實者宜用白虎加人參湯若以山藥代粳米生地代知母更佳有案詳人參解中可參觀

從來產後之證最忌寒涼而果係產後溫病心中燥熱舌苔黃厚脈象洪實寒涼亦在所  
不忌然所用寒涼之藥須審慎斟酌不可漫然相投也愚治產後溫證之輕者其熱雖入  
陽明之府而脈象不甚洪實恆重用玄參一兩或至二兩輒能應手奏效若係劇者必用  
白虎加人參湯方能退熱然用時須以生山藥代粳米玄參代知母方爲穩妥蓋以石膏  
玄參本經皆明言其治產乳至知母條下則未嘗言之不敢師心自用也鐵嶺友人吳瑞  
五精醫學尤篤信拙著衷中參西錄中諸方用之輒能奏效其姪文博亦知醫有戚家延  
之治產後病臨行瑞五囑之曰果係產後溫熱陽明胃府大實非用白虎加人參湯不可  
然用時須按醫學衷中參西錄中講究以生山藥代粳米玄參代知母方爲萬全之策審  
證確時宜放膽用之勿爲羣言所阻撓也及至診視果係產後溫病且證脈皆大實文博  
遵所囑開方取藥而藥房皆不肯與謂產後斷無用石膏之理病家因此生疑文博辭歸  
病家又延醫治數日病勢垂危復求爲診治文博携藥而往如法服之一劑而愈  
又滄州友人董壽山曾治一趙姓婦產後八九日忽得溫病因誤汗致熱渴喘促舌苔乾  
黃循衣摸牀呼索涼水病家不敢與脈弦數有力一息七至急投以白虎加人參湯以山

藥代粳米爲係產後更以玄參代知母方中生石膏重用至四兩又加生地白芍各數錢煎湯一大盃分四次溫飲下盡劑而愈當時有知醫者在座疑而問曰產後忌用寒涼何以能放胆如此重用生石膏且知母玄參皆係寒涼之品何以必用玄參易知母乎答曰此理俱在衷中參西錄中因於行篋中出書示之知醫者觀書移時始喟然嘆服

又鐵嶺門生楊鴻恩曾治其本村張氏婦得瘟病繼而流產越四五日其病大發徧請醫生均謂瘟病流產又兼邪熱太甚無方可治有人告以鴻恩自奉天新歸其夫遂延爲診治見病人目不識人神氣恍惚渴嗜飲水大便滑瀉脈數近八至且微細無力舌苔邊黃中黑縮不能伸其家人泣問此病尙可愈否鴻恩答曰按常法原在不治之例然予受師傳授竭吾能力或可挽回爲其燥熱又兼滑瀉先投以衷中參西錄滋陰清燥湯（方見山藥解）一劑瀉虛熱稍見愈繼投以大劑白虎加人參湯爲其舌縮脈數真陰大虧又加枸杞玄參生地之類煎湯一大盃調入生鷄子黃三枚分數次徐徐溫飲下精神清爽舌能伸出連服三劑全愈衆人皆曰神醫鴻恩曰此皆遵予師之訓也若拘俗說產後不敢用白虎湯庸有幸乎特用白虎湯須依汗吐下後之例加人參耳予師衷中參西錄中

論之詳矣

在女子有因外感之熱內迫致下血不止者亦可重用白虎加人參湯治之鄰村泊北莊李氏婦產後數日惡露已盡至七八日忽又下血延醫服藥二十餘日不止其脈洪滑有力心中熱而且渴疑其夾雜外感詢之身不覺熱舌上無苔色似微白又疑其血熱妄行投以涼血兼止血之藥血不止而熱渴亦如故因思此證實夾雜外感無疑遂改用白虎加人參湯方中生石膏重用三兩更以生山藥代粳米煎湯三鍾分三次溫飲下熱渴遂愈血亦見止又改用涼血兼止血之藥而愈

痢證身熱不休服一切清火之藥而熱仍不休者方書多誤爲不治夫治果對證其熱焉有不休之理此乃因痢證夾雜外感其外感之熱邪隨痢深陷瀰漫於下焦經絡之間永無出路以致痢爲熱邪所助日甚一日而永無愈期夫病有兼證卽治之宜有兼方也斯非重用生石膏更助以人參以清外感之熱不可

曾治邑諸生王荷軒年六十七於中秋得痢證醫治二十餘日不效後愚診視其痢赤白膠滯下行時覺腸中熱而且乾小便亦覺發熱腹中下墜並迫其脊骨盡處亦下墜作疼

且眩暈其脈洪長有力舌有白苔甚厚愚曰此外感之熱挾痢毒之熱下迫故現種種病狀非治痢兼治外感不可遂用生石膏二兩生杭芍八錢生懷山藥六錢野黨參五錢甘草二錢此卽白虎加人參湯以芍藥代知母山藥代粳米也「此方載三期三卷名通變白虎加人參湯」煎湯兩茶鍾分二次溫飲下日進一劑兩日全愈而脈象猶有餘熱擬再用石膏清之病家疑年高之人石膏不可屢服愚亦應聘他往後二十餘日其痢復作延他醫治療於治痢藥中雜以甘寒濡潤之品致外感餘熱永留不去其痢雖愈屢次反覆延至明年季夏反覆甚劇復延愚診治其脈象病證皆如前因謂之曰去歲若肯多服生石膏數兩何至有以後屢次反覆今不可再留邪矣仍投以原方連服三劑病愈而脈亦安和

按此證兩次皆隨手奏效者誠以石膏得人參之助能使深陷之熱邪徐徐上升外散消解無餘加以芍藥甘草以理下重腹痛山藥以滋陰固下所以熱消而痢亦愈也又此證因初次外感之熱邪未清後雖經屢次服涼藥清解其熱仍固結莫解迨蓄至期年之久熱邪勃然反覆必俟連次重用生石膏始能消解無餘因悟得凡無新受之外感而其脈

象確有實熱屢服涼藥不效卽相效而後仍反覆者皆預有外感邪熱伏藏其中均宜重用生石膏清之或石膏與人參並用以清之也不然則外邪留滯消鑠真陰經年累月而寢成虛勞者多矣志在活人者何不防之於預而有採於芻蕘之言也

又表兄張申甫之妻高氏年五十餘素多疾病於季夏晨起偶下白痢至暮十餘次乘燭後忽然渾身大熱不省人事循衣摸床呼之不應其脈洪而無力肌膚之熱烙手知其係氣分熱痢又兼受暑多病之身不能支持故精神昏憤如是也急用生石膏三兩野黨參四錢煎湯一大盃徐徐溫飲下至夜半盡劑而醒痢亦遂愈詰朝煎渣再服其病脫然

右所載痢證醫案二則皆兼外感之熱者也故皆重用生石膏治之非概以其方治痢證也拙著衷中參西錄中治痢共有七方皆隨證變通用之確有把握前案所用之方乃七方之一也愚用此方治人多矣脈證的確用之自無差忒也

嘗觀丁仲祐所譯東人赤痢新論有醫案二則一爲宮野某女一爲田中某女皆痢而兼瘟身發劇熱心機亢進脈搏百一十至神昏譫語若投以拙擬重用生石膏之方皆可隨手奏效乃東人不知治瘟但知治病致二證皆至不起夫著赤痢新論者爲志賀潔係東

人著名醫學博士能於痢證中攷驗出阿米巴赤痢謂起於熱帶而漸及於溫帶寒帶其痢毒爲動物之菌寄居人腹爲其爲慢性之痢且爲動物之菌故其治法與尋常赤痢不同『治法詳二期三卷』其研究痢證可謂精矣而竟於痢而兼瘟之證研究未到誠以東人崇尚西法不善治瘟且不知用石膏故於痢證兼瘟者猶一聞未達也

瘧疾雖在少陽而陽明兼有實熱者亦宜重用生石膏曾治隣村李釀泉年四十許瘧疾間日一發熱時若燔卽不發之日亦覺表裏俱熱舌燥口乾脉象弦長重按甚實此少陽邪盛陽明熱盛瘧而兼溫之脉也投以大劑白虎湯加柴胡三錢服後頓覺清爽翌晨卽瘧未發又煎服前劑之半加生薑三錢瘟瘧從此皆愈至脈象雖不至甚實而按之有力常覺發熱懶食者愚皆於治瘧劑中加生石膏兩許以清之亦莫不隨手奏效也

且重用石膏治瘧亦非自愚昉也袁簡齋曰丙子九月余患瘧飲呂醫藥至日跌忽嘔吐頭眩不止家慈抱余起坐覺血氣自胸憤起性命在呼吸間忽有徵友趙藜村來訪家人以疾辭曰我解醫乃延入診脈看方笑曰容易命速買石膏加他藥投之余甫飲一勺如以千鈞之石將腸胃壓下血氣全消未半盂沈沈睡去頭上微汗朦朧中聞先慈語曰豈

非仙丹乎睡須臾醒君猶在座問思西瓜否曰想甚卽買西瓜曰憑君盡量我去矣食片許如醜翻灌頂頭目爲輕晚食粥次日來曰君所患者陽明經瘧呂醫誤爲太陽經以升麻羌活二味升提之將君妄血逆流而上惟白虎湯可治然亦危矣詳觀此案石膏用之得當直勝金丹誠能挽回人命於頃刻也

石膏之性又善治腦漏方書治腦漏之證恆用辛夷蒼耳然此證病因有因腦爲風襲者又因肝移熱於腦者若因腦爲風襲而得其初得之時或可用此辛溫之品散之若久而化熱此辛溫之藥卽不宜用至爲肝移熱於腦則辛溫之藥尤所必戒也近治奉天大西關溥源醬房郭玉堂得此證半載不愈鼻中時流濁涕其氣腥臭心熱神昏恆覺眩暈其脈左右皆弦而有力其大便恆乾燥知其不但肝移熱於腦其胃亦移熱於腦矣恐其病因原係風襲先與西藥阿斯必林瓦許以發其汗頭目卽覺清爽繼爲疏方用生石膏兩半龍胆草生杭芍玄參知母花粉各四錢連翹金銀花甘草各二錢薄荷葉一錢連服十劑石膏皆用兩半他藥則少有加減其病遂脫然全愈

又治奉天測量局護兵某得此證七八日其脈浮而有力知其因風束生熱也亦先用阿

斯必林瓦許汗之汗後其鼻中濁涕卽減亦投之前方連服三劑全愈

本經謂石膏能治腹痛誠有效驗曾治奉天清丈局司書劉錫五腹疼三年不愈其脈洪長有力右部尤甚舌心紅而無皮時覺頭疼眩暈大便乾燥小便黃澀此乃伏氣化熱阻塞奇經之經絡故作疼也爲疏方生石膏兩半知母花粉玄參生杭芍川棟子各五錢乳香沒藥各四錢甘草二錢一劑疼愈強半卽原方略爲加減又服數劑全愈

又愚弱冠後出遊津門至臘底還里有本村劉氏少年因腹疼臥病月餘晝夜號呼勢極危險延醫數人皆束手無策聞愚歸求爲診視其脈洪長有力蓋從前之疼猶不至如斯爲屢次爲熱藥所誤故疼益加劇耳亦投以前方惟生石膏重用二兩一劑病大輕減後又加鮮茅根數錢連服兩劑全愈蓋此等證大抵皆由外感伏邪竄入奇經久而生熱其熱無由宣散遂鬱而作疼醫者爲其腹疼不敢投以涼藥甚或以熱治熱是以益治益劇然證之涼熱脈自有分卽病人細心體驗亦必自覺臨證者盡心詢問考究自能得其實際也

石膏之性又最宜與西藥阿斯必林並用蓋石膏清熱之力雖大而發表之力稍輕阿斯

必林之原質存於楊柳樹皮津液中味酸性涼最善達表使內鬱之熱由表解散與石膏相助爲理實有相得益彰之妙也如外感之熱已入陽明胃腑其人頭疼舌苔猶白者是仍帶表證愚恆用阿斯必林一瓦〔合中量一分六釐四毫〕白蔗糖化水送服以汗之迫其汗出徧體之時復用生石膏兩許煎湯乘熱飲之『宜當汗正出時飲之』在表之熱解在裏之熱亦隨汗而解矣若其頭已不疼舌苔微黃似無表證矣而脈象猶浮雖洪滑而按之不實者仍可用阿斯必林汗之然宜先用生石膏七八錢或兩許煮湯服之俾熱勢少衰然後投以阿斯必林則汗既易出汗後病亦易解也若其熱未隨汗全解仍可徐飲以生石膏湯清其餘熱不但此也若斑疹之毒鬱而未發其人表裏俱熱大便不滑瀉者可用生石膏五六錢煎湯沖服阿斯必林半瓦許俾服後微似有汗內毒透徹斑疹可全然托出若出後壯熱不退胃腑燥實大便燥結者又可用生石膏至二三兩許煎湯一大盃〔約有三四茶杯〕沖阿斯必林一瓦或一瓦強一次溫飲數羹匙初飲略促其期迨熱見退或大便通下尤宜徐徐少飲以壯熱全消仍不至滑瀉爲度如此斟酌適宜斑疹無難愈之證矣石膏與阿斯必林或前後互用或一時並用通變化裁存乎其人果能息

息與病機相赴功效豈有窮哉

西人東人治熱性關節腫疼皆習用阿斯必林而關節腫疼之挾有外感實熱者又必與石膏並用方能立見奇效奉天陸軍參謀長趙海珊之姪年六歲腦後生瘡漫腫作疼繼而頭面皆腫若赤遊丹毒繼而作抽掣日甚一日寢至周身僵直目不能合亦不能瞬氣息若斷若續呻吟全無其家人以爲無藥可治待時而已閱兩晝夜形狀如故試灌以勺水似猶知下咽因轉念或猶可治而彼處醫者哉皆從前延請而屢次服藥無效者也其祖父素信愚因其向患下部及兩腿皆腫曾爲治愈其父受瘟病甚險亦昇至院中治愈遂亦昇之來院（相距十里許）求爲診治其脉洪數而實肌膚發熱知其夾雜瘟病陽明腑證已實勢雖垂危猶可挽回遂用生石膏細末四兩以蒸汽水煎湯兩茶杯徐徐溫灌之周十二時劑盡脉見和緩微能作聲又用阿斯必林瓦半仍以汽水所煎石膏湯分五次送下限一日夜服完服至末二次皆周身微見汗其精神稍明了肢體能微動從先七八日不食且不大便至此可少進茶湯大便亦通下矣繼用生山藥細末煮作稀粥調以白蔗糖送服阿斯必林三分瓦之一日兩次若見有熱又間飲汔水所煮石膏湯又以蜜

調黃連末少加薄荷冰敷其頭面腫處生肌散敷其瘡口破處如此調養數日病勢減退可以能言其左邊手足仍不能動試略爲屈伸則疼不能忍細驗之關節處皆微腫按之覺疼知其關節之間因外感之熱而生炎也遂又用鮮茅根煎濃湯（無鮮茅根可代以鮮蘆根）調以白蔗糖送服阿斯必林半瓦日兩次俾服藥後周身微似有汗亦間有不出汗之時令其關節中之炎熱徐徐隨發表之藥透出又佐以健補脾胃之藥俾其多進飲食如此旬餘左手足皆能運動關節能屈伸以後飲食復常停藥勿服靜養半月行動如常矣此證共用生石膏三斤阿斯必林三十瓦始能完全治愈愚用阿斯必林治熱性關節腫疼者多矣爲此證最險故詳記之

丁仲祐西藥實驗談載東人用阿斯必林治愈關節急性癱麻質斯（卽熱性關節腫疼）之案甚夥而其證之險皆遠遜於此證夫東人治痢之夾雜瘟熱者不知重用石膏生（東人治痢二案在前）（若遇此證豈能放胆重用乎不能重用生石膏尙有何藥能與阿斯必林並用以挽回此極險之證乎彼欲廢棄中藥者尙其詳觀此案也

右所錄諸案其爲證不同然皆兼有外感熱實者也乃有其人純係內傷臟腑失和而前

哲具有特識亦有重用石膏者徐靈胎曰嘉興朱宗臣以陽盛陰虧之體又兼痰凝氣逆醫者以溫補治之胸膈否塞而陽道痿羣醫謂脾腎兩虧將恐無治就余於山中余視其體豐而氣旺陽升而陰不降諸竅皆閉笑謂之曰此爲肝腎雙實證先用清潤之藥加石膏以降其逆氣後以消痰開胃之藥滌其中宮更以滋腎強陰之藥鎮其元氣陽事卽通五月後妾卽懷孕得一女又一年復得一男

近治奉天南市場俊記建築公司經理王海山其證亦與前案朱宗臣之病相似愚師徐氏之意亦先重用石膏以清其痰火共服藥十餘劑全愈海山年四十餘爲無子納寵數年猶未生育今既病愈想亦育麟不遠矣

吳鞠通曰何叟年六十二歲手足拘攣誤服桂附人參熟地等補陽以致面赤脉洪數小便閉身重不能轉側手不能上至鬢足蹠曲絲毫不能轉側移動細詢病情因縱飲食肉而然所謂濕熱不攘大筋軟短小筋弛長軟短爲拘弛長爲痿者也與極苦通小腸淡滲利膀胱之方用生石膏八兩飛滑石一兩茯苓皮六錢桑枝防己各五錢晚蠶砂龍胆草各四錢穿山甲胡黃連洋蘆薈杏仁地龍各三錢白通草二錢煑三盃分三次服日盡一

劑至七日後小便紅黑而濁半月後手漸動足漸伸一月後下床扶椅棹能行四十日後走至簷前不能下階又半月始下階三月後能行四十步後因痰飲用理脾肺之藥收功

「楊華軒（南皮人清同治時太醫院醫官）曰同邑某氏室女周身拘攣四肢不能少伸年餘未起床矣診其脉陽明熱甚每劑藥中必重用生石膏以清陽明之熱共用生石膏四斤其病竟愈觀此二案石膏治外感兼治內傷功用何其弘哉

窮極石膏之功用恆有令人獲意外之效者曾治奉天大西關馬姓叟年近六旬患痔瘡三十餘年不愈後因傷寒證熱入陽明之府投以大劑白虎湯數劑其病遂愈痔瘡竟由此除根

又治奉天商埠局旁呂姓幼童年五六歲每年患眼疾六七次皆治於東人醫院東人謂此關於稟賦不能除根後患瘟疹毒熱甚恣投以托毒清火之品每劑中用生石膏兩半病愈後其眼疾亦從此不再反覆

又友人張少白曾治京都閻姓叟年近七旬素有勞疾發則喘而且嗽於冬日感冒風寒上焦煩熱勞疾大作痰涎膠滯喘促異常其脈關前洪滑按之有力少白治以生石膏二

兩以清時氣之熱因其勞疾加沈香五錢以引氣歸腎且以痰涎太盛石膏不能行痰之滯故又藉其辛溫之性以爲石膏之反佐也一日連服二劑於第二劑加清竹瀝二錢病若失勞疾亦從此除根永不反覆夫勞疾至年近七旬本屬不治之證而事出無心竟以重用石膏治愈之石膏之功用何其神哉愚因聞此案心有會悟擬得治肺原本忘改乞改之勞黃芪膏方（載二期一卷）其中亦用生石膏服者頗有功效

寒溫陽明府病原宜治以白虎湯醫者畏不敢用迺以甘寒之藥清之遇病之輕者亦可治愈而恆至稽留餘熱（甘寒藥滯泥故能閉塞外感熱邪）變生他證迨至病久不愈其脈之有力者仍可用白虎湯治之其脈之有力而不甚實者可用白虎加人參湯治之曾治奉天中街內賓陞靴舖中學徒年十四五得勞熱喘嗽證初原甚輕醫治數月病勢寢增醫者諉謂不治遂來院求爲診視其人羸弱已甚而脈象有力數近六至疑其有外感伏熱詢之果數月之前曾患瘟病經醫治愈乃知其決係外感留邪問其心中時覺發熱大便乾燥小便黃澀遂投以白虎加人參湯去粳米加生懷山藥一兩連服數劑病若失見者訝爲奇異不知此乃治其外感非治其內傷而能若是之速效也

內經謂冬傷於寒春必溫病是言伏氣爲病也乃有伏氣伏於膈膜之下（內經所謂橫連膜原也）逼近胃口久而化熱不外發爲溫病轉上透膈膜薰蒸肺臟致成肺病者若其脈有力亦宜重用生石膏治之曾治奉天小南關趙某年四十許始則發熱懶食繼則欬嗽吐痰腥臭醫治三月寢至不能起床脈象滑實右脈尤甚（伏邪之熱亦如寒溫之脈多右盛於左）舌有黃苔大便數日一行知係伏氣爲病投以大劑白虎湯以生山藥代粳米又加利痰解毒之品三劑後病愈強半又卽其方加減服至十餘劑全愈

又有伏氣下陷於奇經諸脈中久而化熱其熱亦不能外發爲溫有時隨奇經之脈上升者在女子又有熱入血室而子宮潰爛者爰錄兩案於左以證之

安東尉之鳳年二十餘時覺有熱起自下焦上冲腦部其腦部爲熱冲激頭巔有似腫脹時作眩暈心中亦時發熱大便乾燥小便黃澀經醫調治年餘無效求其處醫士李亦泉寄函來問治法其開來病案如此日其脈象洪實飲食照常身體亦不軟弱知其伏有外感熱邪因其身體不弱俾日用生石膏細末四兩煮水當茶飲之若覺涼時卽停服後二十餘日其人忽來奉言遵示服石膏六七斤上冲之熱見輕而大便微溏因停藥不服診

其脉仍然有力問其心中仍然發熱大便自停藥後卽不瀆矣爲開白虎加人參湯方中生石膏重用三兩以生懷山藥代粳米連服六七劑上沖之熱大減因出院還家囑其至家按原方服五六劑病當除根矣

南皮張文襄公第十公子溫卿夫人年三十餘十年前恆覺少腹切疼英女醫謂係子宮炎證用藥數次無效繼乃謂此病如欲除根須用手術剖割將生炎之處其腐爛者去淨然後敷藥能愈病人懼而辭之後至奉又延東女醫治療用坐藥兼內服藥數年稍愈至壬戌夏令病寢增劇時時疼痛間下膿血癸亥正月初延愚診治其脈弦而有力尺脉尤甚自言疼處覺熱以涼手熨之稍愈上焦亦時覺煩躁恍悟此證當係曾受外感熱入血室醫者不知治以小柴胡湯加石膏外感雖解而血室之熱未清或伏氣下陷入於血室阻寒氣化久而生熱以致子宮生炎寢至潰爛膿血下注爲疏方用金銀花乳香沒藥甘草以解其毒天花粉知母玄參以清其熱復本小柴胡湯之義少加柴胡提其下陷之熱上出諸藥煎湯送服三七細末二錢以化腐生新連服三劑病似稍輕其熱仍不少退因思此證原係外感稽留之熱非石膏不能解也遂於原方中加生石膏一兩後漸加至二兩

連服數劑熱退強半疼亦大減遂去石膏服數劑漸將涼藥減少復少加健胃之品共服藥三十劑全愈 後在天津治馮氏婦此證亦用此方中有柴胡卽覺膿血不下行後減去柴胡爲之治愈

愚臨證四十餘年重用生石膏治愈之證當以數千計有治一證用至數斤者有一證而用至十餘斤者其人病愈之後飲食有加毫無寒胃之弊又曾見有用煨石膏數錢其脈卽數動一止浸至言語遲澀肢體痿廢者有服煨石膏數錢其胸膈卽覺鬱疼服通氣活血之藥始愈者至於傷寒溫疫痰火充盛服煨石膏後而不可救藥者尤不勝紀世之喜用煨石膏者尙其閱僕言而有所警戒哉

或問石膏一物也其煨不煨何以若是懸殊答曰石膏原硫養清鈣化合爲其含有硫養清所以有發散之力煨之則硫養清之氣飛騰所餘者惟鈣夫鈣之性本斂而且澀煨之則斂澀之力益甚所以辛散者變爲收斂也

或問丁仲祜譯西人醫書謂石膏不堪入藥今言石膏之效驗如此豈西人之說不足憑歟答曰石膏之原質爲硫養清鈣化合物西人工作之時恆以硫養清爲工作之料治工作

之餘卽得若干石膏而用之治病無效以其較天產石膏猶缺一原質而不成其爲石膏也後用天產石膏乃知其效驗非常遂將石膏及從前未信之中藥兩味共列於石灰（卽鈣）基中是故炭養石灰牡蠣也燐養石灰鹿角茸也硫養輕石灰石膏也其向所鄙棄者今皆審定其原質而列爲要藥西人可爲善補過矣何吾中華醫界猶多信西人未定之舊說而不知石膏爲救顛扶危之大藥乎

本經謂石膏治金瘡是外用以止其血也愚嘗用煨石膏細末敷金瘡出血者甚效蓋多年壁上石灰善止金瘡出血石膏經煨與石灰相近益見煨石膏之不可內服也

### 人參解

人參之種類不一古所用之人參方書皆謂出於上黨卽今之黨參是也攷本經載人參味甘未嘗言苦今黨參味甘遼人參則甘而微苦古之人參其爲今之黨參無疑也特是黨參之性雖不如遼人參之熱而其性實溫而不涼乃因本經謂其微寒後世之篤信本經者亦多以人參之性果然微寒卽釋古方之用人參者亦本微寒之意以爲詮解其用意可謂尊經矣然古之篤信本經而尊奉之者莫如陶弘景觀其所著名醫別錄以補本

經所未備謂人參能療腸胃中冷已不遵本經以人參爲微寒可知因此疑年沿代遠古經字句或有差訛吾人生今之世當實事求是與古爲新今試卽黨參實驗之若與玄參等分並用可使藥性無涼熱卽此可以測其熱力矣（此卽臺黨參而言若潞黨參其熱稍差）然遼東亦有此參與遼人參之種類迥別爲其形狀性味與黨參無異故藥行名之爲東黨參其功效亦與黨參同至於遼人參其補力熱力皆倍於黨參而其性大約與黨參相似東人謂過服之可使腦有充血之病其性補而上升可知至化學家實驗參之成分謂中有灰色糖質其能補益之力在此不知所謂灰色糖質者乃人參之所以能滋陰補血也至人參補氣之力實倍於補血特其補氣之良能無原質可驗東人遂不信其有補氣之力卽其卓卓名醫豬子氏竟謂人參徵諸病床上之實驗若在病危急時毫無作用惟數日或數週間接續服之始覺營養稍佳夫人參爲救危扶顛之大藥原能於呼吸之間挽回人命豬子氏猶昧而不知甚矣醫學之難也方書謂人參不但補氣若以血藥輔之亦善補血愚則謂若輔以涼潤之藥卽能氣血雙補蓋平其熱性不使耗陰氣盛自能生血也至本經謂其主補五臟安精神定魂魄止驚悸除邪氣明目開心益智無非

因氣血充足臟腑官骸各得其養自有種種諸效也

當時之習尙雖皆珍重遼人參然其品類不齊野山自生者性近和平而價值甚昂原非常用之品至種植之秧參其性燥熱又不可輕用是以愚臨證習用黨參輔佐得宜自能挽回險證也

凡藥之性熱而乾燥者恆生於熱地桂附之生於川廣者是也物之性熱而濡潤者恆生於寒地人參之生於遼東山陰者是也蓋其本性既熱若復生於熱地卽不能保其濡潤之津液也且既名爲人參必能參贊人身之氣化而後名實相符人身之氣化固陰陽俱備者也彼因人參生於陰寒之地而謂其偏於補陰者於此義蓋未之審也

#### 附人參形狀考

人參無論野山移山種秧其色鮮時皆白曬乾則紅浸以白冰糖水曬乾則微紅若浸之數次雖曬乾亦白矣

野山之參其蘆頭（生苗之處亦名露土）長而細極長者可至二寸細若韭薙且多齟齬間有蘆頭短者則稍粗至秧參之蘆頭長不過七八分其粗則過於箸矣

人參之鮮者皆有粗皮製時用綫七八條作一縷爲弓弦用此弦如拉鋸狀來回將其粗皮磨去其皮色始光潤至皮上之橫紋以細密而深者爲佳野山之參一寸約有二十餘紋秧參則一寸不過十餘紋且其紋形破裂有似刀割野山參之紋則分毫無破裂然無論野參秧參其紋皆係生成非人力所能爲也

人參之鬚以堅硬者爲貴蓋野參生於堅硬土中且多歷歲月其鬚自然堅硬若秧參則人工種植土鬆年淺故其鬚甚軟也

至於野參之性溫和秧參之性燥熱人所共知究其所以然之故非僅在歷年之淺深也因種秧參者多撒砒石末於畦中以防蟲蟻之損傷參得砒石之氣故甚燥熱是以愚於治寒溫方中當用參者從不敢投以秧參恆以野黨參代之亦能立起沈疴至於西洋參多係用秧參僞製此愚在奉目覩用者亦當審慎也

山西黨參種植者多野生者甚少凡野生者其橫紋亦如遼人參種植者則無橫紋或蘆頭下有橫紋僅數道且種者皮潤肉肥野者皮粗肉鬆橫斷之中心有紋作菊花形其蘆頭以粗大者爲貴名曰獅頭黨參爲其歷年久遠屢次自蘆頭發生故作此形其參生於

五臺山者名臺黨參色白而微黃生於潞州太行紫團山者名潞黨參亦名紫團參色微赤而細以二參較之臺黨參力稍大潞黨則性平不熱以治氣虛有熱者甚宜然潞黨參野生者甚少多係人種植者至遼東所出之黨參「爲其形若黨參故俗名東黨參」狀若臺黨參皆係野生其功用與山西之野臺黨參相近

### 附案

邑中泊莊高某年四十許於季春得溫病屢經醫者調治大熱已退精神益憊醫者諉爲不治病家亦以爲氣息奄奄待時而已乃遲旬日而病狀如故始轉念或可挽回迎愚診視其兩目清白無火竟昏憤不省人事舌乾如磋却無舌苔問之亦不能言撫其周身皆涼其五六呼吸之頃必長出氣一口其脉左右皆微弱至數稍遲知其胸中大氣因服開破降下藥太過而下陷也蓋大氣不達於腦中則神昏大氣不潮於舌本則舌乾神昏舌乾故問之不能言也其周身皆涼者大氣陷後不能宣布於營衛也其五六呼吸之頃必長出氣者大氣陷後胸中必覺短氣故太息以舒其氣也遂用野臺參一兩柴胡二錢煎湯灌之一劑見輕兩劑全愈

外甥王竹孫年二十時臥病數月不愈精神昏憤肢體痠懶微似短氣屢次延醫服藥莫審病因用藥亦無效驗一日忽然不能喘息張口呼氣外出而氣不上達其氣蓄極下迫肛門突出約二十呼吸之頃氣息方通一晝夜間如是者八九次診其脈關前微弱不起知其胸中大氣下陷不能司肺臟呼吸之樞機也遂投以人參一兩柴胡三錢知母二錢一劑而呼吸順又將柴胡改用二錢知母改用四錢再服數劑宿病亦愈按拙著衷中參西錄治大氣下陷多重用生黃芪取其補氣兼能升氣也而此案與前案皆重用參者因一當外感之餘津液鑠耗人參兼能滋津液一當久病之餘元氣虧損人參兼能固元氣也

濟陽縣署科長某患梅毒在東人醫院治療二十餘日頭面腫大下體潰爛周身壯熱譊語不省人事東人謂毒已走丹不可治其友人警務處科員孫俊如邀愚往東人院中爲診視疑其證夾雜溫病遂用生石膏細末半斤煮水一大瓶僞作葡萄酒携之至其院中託言探友蓋不欲東人知爲療治也及入視病人其頭面腫而且紅診其脈洪而實知係夾雜溫病無疑囑將石膏水徐徐溫服翌日又往視其頭面紅腫見退脈之洪實亦減半

而較前加數仍然昏潰讞語分毫不省人事所飲石膏之水尙餘一半俾自購潞黨參五錢煎湯兌所餘之石膏水飲之翌日又往視之則人事大清脈亦和平病人遂決意出彼院來院中調治後十餘日其梅毒亦爲治愈此證用潞黨參者取其性平不熱也

縣治西曾家莊丁叟年過六旬於孟冬得傷寒證五六日間延愚診視其脈洪滑按之亦似有力表裏俱覺發熱固作呻吟氣息微喘投以白虎湯一劑大熱相減再診其脈或七八動一止或十餘動一止兩手皆然重按無力遂於原方中加人參八錢兼師炙甘草湯（亦名復脈湯）中重用乾地黃之意以生地代知母煎汁兩茶杯分二次溫飲下脈卽調勻且較前有力而熱仍如故又將方中石膏加倍「原方是一兩倍作四兩」煎湯一大盃俾徐徐溫飲下盡劑而愈

本村崔姓童子年十一歲其家本業農因麥秋忙甚雖幼童亦作勞田間力薄不堪重勞遂得溫病手足擾動不能安臥讞語不休所言者皆勞力之事晝夜目不能瞑脈雖有力却非洪實擬投以白虎加人參湯又慮小兒少陽之體外邪方熾不宜遽用人參遂用生石膏兩半蟬退一錢煎服後諸病如故復來詢方且言其苦於服藥昨所服者嘔吐將半

愚曰單用生石膏二兩煎取清湯徐徐溫飲之即可不吐乃如言服之病仍不愈再爲診視脈微熱退讖語益甚精神昏昏不省人事急用野臺麥兩半生石膏二兩煎汁一大盃分數次溫飲下身熱脈起目遂得瞑手足稍安仍作讖語又於原渣加生石膏麥冬各一兩煎湯兩鍾分兩次溫飲下降大便一次其色甚黑病遂愈 按治此證及上證之時愚習用白虎湯猶未習用白虎加人參湯也經此兩證後凡其人年過六旬及勞心勞力之餘患寒溫證而宜用白虎湯者必加人參且統觀以上三案未用參之先皆病勢垂危甫加參於所服藥中卽轉危爲安用之得當功效何其捷哉

表兄王瑞亭年四十三歲素吸鴉片於仲冬得傷寒證兩三日間煩躁無汗原是大青龍湯證因誤服桂枝湯煩躁益甚迎愚診視其脈關前洪滑而兩尺無力遂投以大劑涼潤之品而少用透表和中之藥佐之因其尺脈不實囑其煎湯二茶杯作十餘次飲下一次止溫飲一大口防其寒涼侵下焦也病家忽愚所囑竟頓飲之遂致滑瀉數次多帶冷沫上焦益煩躁鼻如煙薰面如火灸其關前脈大於從前一倍數至七至知其已成戴陽之證急用人參一兩煎湯兌童便半茶杯「須用食鹽醬童子之便取其味鹹能製參」置藥

盥於涼水盆中候冷頓飲之又急用玄參生地知母各一兩煎湯一大盃備用自服參後屢診其脈過半點鐘脈象漸漸收斂至數似又加數遂急將備用之藥熬極熱徐徐飲下一次飲藥一口閱兩點鐘盡劑周身微汗而愈

吐血過多者古方恆治以獨參湯謂血脫者先益其氣也然吐血以後多虛熱上升投以獨參湯恐轉助其虛熱致血證仍然反覆愚遇此等證亦恆用人參而以鎮墜涼潤之藥輔之曾治鄰村曾氏叟年六十四歲素有勞疾因勞嗽過甚嘔血數碗其脈搖搖無根或一動一止或兩三動一止此氣血虧極將脫之候也診脈時見其所欬吐者痰血相雜詢其從前嘔吐之時先覺心中發熱爲疏方用野臺參三錢生山藥一兩生赭石細末八錢知母六錢生杭芍牛蒡子各四錢三七細末二錢「藥汁送服方載三期三卷名保元寒降湯」煎服一劑而血止又服數劑脈亦調勻

人參之性雖長於補而有時善通曾治鄰村毛姓少年傷寒已過旬日陽明火實大便燥結原是承氣湯證然下不妨遲愚對於此等證恆先用白虎湯清之多有因服白虎湯大便得通而愈者於是投以大劑白虎湯一日連進二劑至晚九句鐘火似見退而精神恍

愒大便亦未通行診其脈變爲弦象夫弦主火衰亦生氣虛知其證清解已過而其大便仍不通者因其氣分虧損不能運行白虎湯涼潤之力也遂單用人參五錢煎湯俾服之須臾大便卽通病亦遂愈

按凡服白虎湯後大熱已退其大便猶未通者愚恆用生大黃細末一錢或芒硝細末二錢蜜水調服大便卽通且通下卽愈斷無降後不解之虞而此證不用硝黃通其大便轉用人參通其大便此內經所謂塞因塞用也審脈無誤投藥卽隨手奏效誰謂中法之以脈斷病者不足憑乎又按此證氣分既虛初次卽宜用白虎加人參湯因火盛之時辨脈未真遂致白虎與人參前後分用幸而成功因此自咎脈學之疏益歎古人製方之精矣人參之性用之得宜又善利小便曾治滄州劉姓媪年過六旬小便不利周身皆腫醫者投以末藥下水數桶周身腫盡消言忌鹹百日蓋方中重用甘遂也數日腫復如故一連服藥三次皆然此時小便滴瀝全無亦不敢再服前藥又延他醫皆以爲服此等藥愈後又反覆者斷難再治况其屢次服藥而屢次反覆者乎後延愚診視其脈數而無力按之卽無因謂病家曰脈數者陰分虛也無力者陽分虛也水飲緣三焦下達必藉氣化流通

而後能滲入膀胱出爲小便此脈陰陽俱虛其氣化必虛損不能流通小便所以滴瀝全無也欲治此證非補助其氣化而兼流通其氣化不可易有之日往則月來月往則日來日月相推而明生焉寒往則暑來暑往則寒來寒暑相推而歲成焉往者屈也來者信一讀作伸也屈信相感而利生焉此天地之氣化卽人身之氣化也爰本此義以立兩方一方以人參爲主輔以麥冬以濟參之熱靈仙以行參之滯少加地膚子爲嚮導名之曰宣陽湯以象日象暑一方以熟地爲主輔以龜板以助熟地之潤芍藥以行熟地之泥亦少加地膚子爲嚮導名之曰濟陰湯以象月象寒二方輪流服之以象日月寒暑往來屈伸之義俾先服濟陰湯取其貞下起元也服至三劑小便見利接服宣陽湯亦三劑小便大利又接服濟陰湯三劑小便直如泉湧腫遂盡消

### 西洋參解

西洋參味甘微苦性涼能補助氣分兼能補益血分爲其性涼而補凡欲用人參而不受人參之溫補者皆可以此代之惟白虎加人參湯中之人參仍宜用黨參而不可代以西洋參以其不若黨參具有升發之力能助石膏逐邪外出也且本經謂人參味甘未棠言

苦適與黨參之味相符是以古之人參卽今之黨參若西洋參與高麗參其味皆甘而兼苦故用於古方不宜也西洋參產於法蘭西國外帶粗皮則色黃去粗皮則色白無論或黃或白以多有橫紋者爲真愚用此參皆用黃皮多橫紋者因僞造者能造白皮西洋參不能造黃皮西洋參也

黃耆解

黃芪性溫味微甘能補氣兼能升氣善治胸中大氣「卽宗氣爲肺葉闔闢之原動力」下陷本經謂其主大風者以其與發表藥同用能祛外風與養陰清熱藥同用更能熄內風也謂主癰疽久敗瘡者以其補益之力能生肌肉其潰膿自排出也表虛自汗者可用之以固外表氣虛小便不利而腫脹者可用之以利小便婦女氣虛下陷而崩帶者可用之以固崩帶爲其補氣之功最優故推爲補藥之長而名之曰耆也

附案

滄州程家林董氏女年二十餘歲胸脇滿悶心中怔忡動則自汗其脉沈遲微弱右部尤甚爲其脉遲疑是心肺陽虛而詢之不覺寒涼知其爲胸中大氣下陷也其家適有預購

黃耆一包俾用一兩煎湯服之其族兄捷亭在座其人頗知醫學疑藥不對證愚曰勿多疑倘有差錯余職其咎服後果諸病皆愈捷亭疑而問曰本經黃耆原主大風有透表之力生用則透表之力益大與自汗證不宜其性升而能補有澎漲之力與滿悶證不宜今單用生黃耆兩許而兩證皆愈并心中怔忡亦愈其義何居答曰黃耆誠有透表之力氣虛不能逐邪外出者用於發表藥中卽能得汗若其陽強陰虛者誤用之則大汗如雨不可遏抑惟胸中大氣下陷致外衛之氣無所統攝而自汗者投以黃耆則其效如神至於證兼滿悶而亦用之者確知其爲大氣下陷呼吸不利而作悶非氣鬱而作悶也至於心與肺同懸胸中皆大氣之所包舉大氣升則心有所依故怔忡自止也董生聞之欣喜異常曰先生真我師也繼加桔梗二錢知母三錢又服兩劑以善其後

奉天大東關于氏女年近三旬出嫁而孀依於娘門其人善英文英語英商之在奉者延之教其眷屬因病還家夜中忽不能言并不能息其同院住者王子岡係愚門生急來院扣門求爲挽救因向曾爲診脈方知其氣分甚弱故此大氣下陷不能而肺臟之呼吸是以氣息將停而言不能出也急爲疏方用生箭耆一兩當歸四錢升麻二

錢煎服須臾卽能言語翌晨昇至院中診其脈沈遲微弱其呼吸仍覺氣短遂用原方減升麻之半又加山藥知母各三錢柴胡桔梗各錢半此方去山藥卽拙擬升陷湯載三期四卷專治大氣下陷連服數劑全愈按此證脈遲而仍用知母者因大氣下陷之脈大抵皆遲非因寒涼而遲也用知母以濟黃耆之熱則藥性和平始能久服無弊

一婦人產後四五日大汗淋漓數日不止形勢危急氣息奄奄其脈微弱欲無問其短氣乎心中怔忡且發熱乎病人不能言而頷之知其大氣下陷不能吸攝衛氣而產後陰分暴虛又不能維繫陽分故其汗若斯之脫出也遂用生黃耆六錢玄參一兩淨萸肉生杭芍各五錢桔梗二錢一劑汗減至三劑諸病皆愈從前五六日未大便至此大便亦通下

邑六間房莊王氏女年二十餘心中寒涼飲食減少延醫服藥年餘無效且益羸瘦後愚診視其左脈微弱不起斷爲肝虛證其父知醫疑而問曰向延醫診治皆言脾胃虛弱相火衰損故所用之方皆健脾養胃補助相火曾未有言及肝虛者先生獨言肝虛但因左脈之微弱乎抑別有所見而云然乎答曰肝臟之位置雖居於右而其氣化實先行於左試問病人其左半身必覺有不及右半身處是其明徵也詢之果覺坐時左半身下墜臥

時不敢向左側其父方信愚言求爲疏方遂用生黃耆八錢柴胡川芎各一錢乾薑三錢煎湯飲下須臾左側卽可安臥又服數劑諸病皆愈惟素有帶證尙未除又於原方加牡蠣數錢服數劑帶證亦愈其父復疑而問曰黃耆爲補肺脾之藥今先生用以補肝竟能隨手奏效其義何居答曰同聲相應同氣相求孔子之言也肝屬木而應春令其氣溫而性喜條達黃耆之性溫而上升以之補肝原有同氣相求之妙用愚自臨證以來凡遇肝氣虛弱不能條達用一切補肝之藥皆不效重用黃耆爲主而少佐以理氣之品服之覆杯卽見效驗彼謂肝虛無補法者原非見道之言也

本經謂黃耆主大風者誠有奇效奉天鐵嶺傅光德夫人年二十餘夏日當窗寢而受風覺半身麻木其麻木之邊肌肉消瘦寢至其邊手足若不隨用診其脈左部如常右部似有鬱象而其麻木之邊適在右知其經絡爲風所襲不能宣通也爲疏方用生黃耆一兩當歸八錢羌活知母乳香沒藥各四錢全蝎二錢全蜈蚣三條煎湯服一劑見輕又服兩劑全愈

本經謂黃耆主久敗瘡亦有奇效奉天高等師範書記張紀三年三十餘因受時氣之毒

醫者不善爲之清解轉引毒下行自臍下皆腫繼又潰爛舉丸露出少腹出孔五處小便時五孔皆出尿中西醫者皆以爲不可治遂畀之至院中求爲治療惴惴惟恐不愈愚曉之曰此證尙可爲非多服湯藥俾其自內長肉以排膿外出不可爲疏方生黃耆花粉各一兩乳香沒藥銀花甘草各三錢煎湯連服二十餘劑潰爛之處皆生肌排膿外出結疤而愈始終亦未嘗外敷生肌之藥

又在德州時有軍官張憲宸夫人患乳癰腫疼甚劇投以消腫清火解毒之品兩劑而愈然猶微有疼時慙慙其再服一兩劑以消其芥蒂以爲已愈不以爲意隔旬日又復腫疼復求爲治療愚曰此次服藥不能盡消必須出膿少許因其舊有芥蒂未除至今已潰膿也後果服藥不甚見效遂入西人醫院中治療旬日後其瘡外破一口醫者用刀闢之以期便於敷藥又旬日潰益甚滿乳又破七八個口醫者又欲盡闢之使通病人懼不敢治強出院還家復求治於愚見其各口中皆膿乳并流外邊實不能敷藥然內服湯藥助其肌肉速生自能排膿外出許以十日可爲治愈遂用生黃耆花粉各五錢生杭芍三錢乳香沒藥丹參各二錢俾煎湯服之每日用藥一劑煎服二次果十日全愈

黃芪之性又善利小便奉天本溪湖煤鐵公司科員王雲錦年四十餘溺道艱澀滴瀝不能成溜每小便一次必須多半點鐘自兩脇下連腿作疼劇時有如錐刺其脈右部如常左部甚微弱知其肝氣虛弱不能條達故作疼痛且不能疏泄（內經謂肝主疏泄）故小便難也爲疏方用生黃耆八錢淨黃肉知母各六錢當歸丹參乳香沒藥續斷各三錢煎服一劑便難與腿脇疼皆見愈又爲加柴胡錢半連服二十劑全愈至於黃肉酸欬之性或有疑其用於此方不宜者觀後山黃肉解自明矣

奉天大西關萬順興同事傅學詩周身漫腫自言常覺短氣其脉沈濡右部尤甚知其胸中大氣下陷氣化不能升降因之上焦不能如霧所以下焦不能如瀆而濕氣瀰漫也投以升陷湯知母改用五錢又加玄參天冬地膚子各三錢連服數劑全愈

又鄰村李邊務莊李晶波之夫人產後小便利情人詢方俾用生化湯加白芍治之不效復來詢方言時或惡心嘔吐小便可通少許恍悟此必因產時努力太過或擦擠太甚以致胞系了戾是以小便不通惡心嘔吐則氣機上逆胞系有提轉之勢故小便可以稍通也爲擬方用生黃耆五錢當歸四錢升麻柴胡各二錢煎湯服一劑而愈此因黃耆協

同升柴大能升舉氣化胞系之了戾者可因氣化升舉而轉正也

黃耆之性又善開寒飲臺灣醫士嚴坤榮來函言其友避亂山中五日未得飲食甫歸恣飲新汲涼水遂成寒飲結胸喘嗽甚劇醫治二十餘年吐之下之溫之皆分毫無效乞爲疏方並問衷中參西錄載有服生硫磺法不知東硫磺亦可服否因作書以答之曰詳觀來案知此證乃寒飲結胸之甚者拙著衷中參西錄理飲湯（載二期三卷）原爲治此證的方特藥味與分量當稍變更今擬用生黃芪一兩乾薑八錢於朮四錢桂枝尖茯苓片炙草各三錢川朴陳皮各二錢煎湯服方中之義用黃芪以補胸中大氣大氣壯旺自能運化水飲仲景所謂大氣一轉其結乃散也而黃耆生用協同乾薑桂枝又能補助心肺之陽心肺陽足如日麗中天陰霾自開也更用白朮茯苓以理脾之濕厚朴陳皮以通胃之氣氣順濕消痰飲自除用炙甘草者取其至甘之味能調乾薑之辣而乾薑得甘草且能逗留其熱力使之綿長並能和緩其熱力使不猛烈也至東硫黃擇其純黃無雜質者亦可生服特其熱力甚微必一次服至錢許方能有效若於服湯藥之外兼用之以培下焦之陽奏效當更捷也此信去後兩閱月又接其函言遵方用藥十餘劑病卽脫然全愈

黃耆不但能補氣用之得當又能滋陰本村張媪年近五旬身熱勞嗽脈數至八至先用六味地黃丸加減煎湯服不效繼用左歸飲加減亦不效躊躇再四忽有會悟改用生黃耆六錢知母八錢煎湯服數劑見輕又加丹參當歸各三錢連服十劑全愈蓋人稟天地之氣化以生人身之氣化卽天地之氣化天地將雨之時必陽氣溫暖上升而後陰雲四合大雨隨之黃耆溫升補氣乃將雨時上升之陽氣也知母寒潤滋陰乃將雨時四合之陰雲也二藥并用大具陽升陰應雲行雨施之妙膏澤優渥煩熱自退此不治之治也况虛勞者多損腎黃耆能大補肺氣以益腎水之上源使氣旺自能生水而知母又大能滋肺中津液俾陰陽不至偏勝而生水之功益普也至數劑後又加丹參當歸者因血痺虛勞金匱合爲一門治虛勞者當防其血有痺而不行之處故加丹參當歸以流行之也黃耆之性熱矣有時轉能去熱奉天安東劉仲友年五十許其左臂常覺發熱且有酸軟之意醫者屢次投以涼劑發熱如故轉覺脾胃消化力減其右脈如常左脈微弱較差於右脈一倍詢其心中不覺涼熱知其肝木之氣虛弱不能條暢敷榮其中所寄之相火鬱於左臂之經絡而作熱也遂治以生黃耆淨萸肉各八錢知母五錢當歸丹參乳香沒藥

赤芍各三錢兩劑左脉見起又服十劑全愈

黃耆之性又善治肢體痿廢然須細審其脈之強弱其脈之甚弱而痿廢者西人所謂腦貧血證也蓋人之肢體運動雖腦髓神經司之而其所以能司肢體運動者實賴上注之血以涵養之其脈弱者胸中大氣虛損不能助血上升以養其腦髓神經遂致腦髓神經失其所司內經所謂上氣不足腦爲之不滿也拙擬有加味補血湯（載二期七卷）幹頰湯（載增廣五期二卷）方中皆重用黃芪凡脈弱無力而痿廢者多服皆能奏效若其脈強有力而痿廢者西人所謂腦充血證又因上升之血過多排擠其腦髓神經俾失所司內經所謂血菀（同鬱）於上爲薄厥也如此等證初起最忌黃耆誤用之卽凶危立見迨至用鎮墜收斂之品若拙擬之鎮肝熄風湯（載二期七卷）建瓴湯（載五期二卷）治至其脈柔和而其痿廢仍不愈者亦少用黃耆助活血之品以通經絡若服藥後其脈又見有力又必須仍輔以鎮墜之品若拙擬之起痿湯（載增廣五期三卷）黃耆與楮石麋虫諸藥並用也

黃耆升補之力尤善治流產崩帶縣治西傅家莊王耀南夫人初次受妊五月滑下二次

受娠至六七月時覺下墜見血時正爲其姑治病其家人倉猝求爲治療急投以生黃耆生地黃各二兩白朮淨萸肉煨龍骨煨牡蠣各一兩煎湯一大盃頓服之胎氣遂安又將藥減半再服一劑以善其後至期舉一男強壯無恙

瀋陽縣尹朱公之哲嗣際生愚之門生也黎明時來院扣門言其夫人因行經下血不止精神昏潰氣息若無急往診視六脈不全彷彿微動急用生黃耆野台參淨萸肉各一兩煨龍骨煨牡蠣各八錢煎湯灌下血止強半精神見復過數點鐘將藥劑減半又加生懷山藥一兩煎服全愈

同莊劉氏婦年四十許驟然下血甚劇半日之間氣息奄奄不省人事求爲診治時愚他出小兒蔭潮往視之其左三部皆不見右寸微見如水上浮麻莫辨至數觀其形狀呼吸不能外出知其胸中大氣下陷也急用生黃耆一兩大火煎數沸灌之遲須臾再診其脈六部皆出而微細異常血仍未止投以固衝湯原方（載二期八卷）將方中黃耆改用一兩一劑全愈

邑北境大仁村劉氏婦年二十餘身體羸弱心中常覺寒涼下白帶甚劇屢治不效脉甚

細弱左部尤甚投以生黃芪生牡蠣各八錢乾薑白朮當歸各四錢甘草二錢數劑全愈蓋此證因肝氣太虛肝中所寄之相火亦虛因而氣化下陷濕寒下注而爲白帶故重用黃芪以補肝氣乾薑以助相火白朮扶土以勝濕牡蠣收澀以固下更加以當歸之溫滑與黃芪並用則氣血雙補且不至有收澀太過之弊（在下者因而竭之）甘草之甘緩與乾薑並用則熱力綿長又不至有過熱僭上之患所以服之有捷效也

又紹興醫學報載有胡適之者以勤力用功度過得消渴證就治於京都協和醫院西醫云是糖尿證不可爲矣胡君歸殊焦灼蓋因西醫某素有名信其言之必確也其友謂可請中醫一治胡謂中醫無科學統系殊難信用友曰此證西醫已束手與其坐以待斃曷必不屑一試也胡勉從之中醫至診畢曰此易事也可服黃芪湯若不愈惟我是問胡服後病竟霍然愈後西醫聞之託人介紹向中醫取所用黃芪化驗此時正在化驗中也按爐心有輕氣人腹中亦有輕氣黃芪能引輕氣上達於肺與吸入之養氣相合而化水又能鼓胃中津液上行又能統攝下焦氣化不使小便頻數故能治消渴三期二卷有玉液湯滋脾飲皆治消渴之方原皆重用黃耆

## 衷中參西錄第四期第二卷

### 山黃肉解

山黃肉味酸性溫大能收斂元氣振作精神固澀滑脫因得木氣最厚收澀之中兼具條暢之性故又通利九竅流通血脉治肝虛自汗肝虛脇疼腰疼肝虛內風萌動且斂正氣而不斂邪氣與他酸斂之藥不同是以本經謂其逐寒濕痺也其核與肉之性相反用時務須將核去淨近閱醫報有言核味澀性亦主收斂服之恆使小便不利椎破嘗之果有澀味其說或可信

### 附案

友人毛仙閣之喆嗣印棠年二十餘於孟冬得傷寒證調治十餘日表裏皆解忽徧身發熱頓飯頃汗出淋漓熱頓解須臾又熱又汗若是兩晝夜勢近垂危倉猝迎愚診治及至見汗出渾身如洗自上竄不露黑睛左脈微細模糊按之卽無此肝胆虛極而元氣欲脫也蓋肝胆虛者其病象爲寒熱往來此證之忽熱忽汗亦卽寒熱往來之意急用淨黃肉二兩煎服熱與汗均愈其半遂爲疏方用淨黃肉二兩生龍骨生牡蠣各一兩生杭芍六

錢野臺參四錢炙甘草二錢（此方載二期一卷名來復湯）連服兩劑病若失

一人年四十餘外感痰喘愚爲治愈但脈浮力微按之卽無愚曰脈象無根當服峻補之劑以防意外之變病家謂病人從來不受補藥服之則發狂疾峻補之藥實不敢用愚曰既畏補藥如是備用亦可病家依愚言遲半日忽發喘逆又似無氣以息汗出徧體四肢逆冷身軀後挺危在頃刻急用淨萸肉四兩爆火煎一沸卽飲下汗與喘皆微止又添水再煎數沸飲下病又見愈復添水將原渣煎透飲下遂汗止喘定四肢之厥逆以回

鄰村李子勳年五旬偶相植求爲診脈言前月有病服藥已愈近覺身體清爽未知脈象何如診之其脈尺部無根寸部搖搖有將脫之勢因其自謂病愈若遽悚以危語彼必不信姑以脈象平和答之遂秘謂其姓曰令叔之脈甚危險當服補斂之藥以防元氣之暴脫其姪向彼述之果不相信後二日忽遣人迎愚言其驟然眩暈不起求爲診治既至見其周身顫動頭上汗出言語錯亂自言心中怔忡不能支持其脈上盛下虛之象較前益甚急投以淨萸肉兩半生龍骨生牡蠣野臺參生赭石各五錢一劑卽愈繼將萸肉改用一兩加生山藥八錢連服數劑脈亦復常 按此方赭石之分量宜稍重於臺參

鄰村李志縮年二十餘素傷烟色偶感風寒醫者用表散藥數劑治愈間日忽徧身冷汗心怔忡異常自言氣息將斷急求爲調治診其脈浮弱無根左右皆然愚曰此證雖危易治得萸肉數兩可保無虞時當霖雨藥坊隔五里許遣快騎冒雨急取淨萸肉四兩人參五錢先用萸肉二兩煎數沸急服之心定汗止氣亦接續又將人參切作小塊用所餘萸肉煎濃湯送下病若失

邑許孝子莊趙叟年六十三歲於仲冬得傷寒證痰喘甚劇其脈浮而弱不任循按問其平素言有勞病冬日恆發喘嗽再三疇思強治以小青龍湯去麻黃加杏仁生石膏爲其脈弱俾預購補藥數種備用服藥後喘稍愈再診其脈微弱益甚遂急用淨萸肉一兩生龍骨生牡蠣各六錢野臺參四錢生杭芍三錢爲方皆所素購也煎湯甫成此時病人呼吸俱微自覺氣息不續急將藥飲下氣息遂能接續

又其族弟某年四十大汗淋漓數日不止衾褥皆濕勢近垂危詢方於愚俾用淨萸肉二兩煎湯飲之其汗遂止翌晨迎愚診視其脈沈遲細弱而右部之沈細尤甚雖無大汗偏體猶濕疑其胸中大氣下陷詢之果覺胸中氣不上升有類巨石相壓乃恍悟前次之

大汗淋漓實係大氣陷後衛氣無所統攝而外泄也遂用生黃芪一兩黃肉知母各二錢一劑胸次豁然汗亦盡止又服數劑以善其後

按此證若非胸中大氣虛陷致外衛之氣無所統攝而出汗者投以生黃芪一兩其汗出必愈甚卽重用炙黃芪汗出亦必愈甚也然此中理蘊甚深三期四卷升陷湯後發明大氣之作用大氣下陷之病狀及黃芪所以能止汗之理約數千言茲不勝錄也

一妊婦得霍亂證吐瀉約一晝夜病稍退胎忽滑下覺神氣頓散心搖搖似不能支持迎愚診視既至則病勢大革殮服在身將昇諸牀病家欲竟不診視愚曰一息猶存卽可挽回診之脉若有若無氣息奄奄呼之不應取藥無及其東鄰爲愚表兄劉玉珍家有購藥二劑未服亦係愚方共有黃肉六錢急揀出煎湯灌下氣息稍大呼之能應又購取淨黃肉生山藥各二兩煎湯一大盃徐徐溫飲下精神頓復

鄰村黃龍井莊周某年三十許當大怒之後漸覺腿疼日甚一日兩月之後臥牀不能轉側醫者因其得之惱怒之餘皆用舒肝理氣之藥病轉加劇診其脈左部微弱異常自言凡疼甚之處皆熱恍惚內經謂過怒則傷肝所謂傷肝者乃傷肝經之氣血非必鬱肝經

之氣血也。氣血傷則虛弱隨之。故其脉象如是也。其所以腿疼且覺熱者，因肝主疏泄，中藏相火，肝虛不能疏泄，相火即不能逍遙流行於周身，以致鬱於經絡之間，與氣血凝滯而作熱作疼。所以熱劇之處疼亦劇也。投以淨萸肉一兩，知母六錢，當歸丹參乳香沒藥各三錢。〔方載二期四卷名曲直湯〕連服十劑，熱消疼止，步履如常。

邑友人丁翊仙之令堂年近七旬，陡然腿疼不能行動，夜間疼不能寐。翊仙驅車迎愚，且謂脉象有力，當是火鬱作疼。及診其脉大而弦，問其心中亦無熱意。愚曰：此脉非有火之象，其大也乃脾胃過虛，真氣外泄也；其弦也肝胆失和，木盛侮土也。爲疏方用淨萸肉白朮各六錢，人參白芍各三錢，當歸陳皮各二錢，厚朴乳香沒藥各錢半，煎服數劑。〔全愈〕

邑六間房村王某年二十餘，資稟羸弱，又耽煙色，於秋初病瘧兩旬始愈。一日大便滑瀉，數次頭面汗出如瀉，精神頹廢，昏昏似睡，其脉上盛下虛，兩寸搖搖兩尺無根，數至七至。延醫二人皆不疏方，愚後至爲擬方：淨萸肉大熟地各一兩，生山藥生龍骨生牡蠣各六錢，茯苓生杭芍各三錢，烏附子一錢。〔二期一卷載此方名既濟湯〕服一劑而醒，又服兩劑遂復初。

滄州友人張壽田曾治一少年素患心疼發時晝夜號呼醫者屢用藥開通致大便滑瀉虛氣連連下泄汗出如洗目睛上泛心神驚悸周身顫動須人手按而心疼如故延醫數人皆不疏方壽田投以前方將萸肉倍作二兩連進兩劑諸病皆愈心疼竟從此除根壽田之姪甲升從愚學醫曾治一人年三十餘於季冬負重貿易日行百里歇息時又屢坐寒地後覺腿疼不能行步寢至臥牀不能轉側周身筋骨似皆痿廢延醫調治罔效甲升治以曲直湯方中當歸丹參乳香沒藥皆改用四錢又去知母加黃耆一兩服至五劑後腿卽不疼又服十餘劑全愈

奉天開原友人田聘卿之夫人年五十餘素有 heart 疼證屢服理氣活血之藥未能除根一日反覆甚劇服藥數劑病未輕減聘卿見三期一卷既濟湯後載有張壽田所治心疼醫案心有會悟遂用其方加沒藥五靈脂各數錢連服數劑全愈至此二年未嘗反覆由是觀之萸肉誠得木氣最厚故味雖酸斂而性仍條暢凡肝氣因虛不能條暢而作疼者服之皆可奏效也

按山茱萸酸斂之性以之止汗固脫猶在人意中以之治心腹肢體疼痛誠出人意外然

山茱萸主寒濕痺本經原有明文凡心腹肢體有所疼痛皆其氣血之痺而不行也遵本經之旨以製方而果能投之卽效讀本草者曷弗注意於本經哉

山萸肉之性又善治內部血管或肺絡破裂以致欬血吐血久不愈者曾治滄州路家莊馬氏少婦欬血三年百藥不效卽有愈時旋復如故後愚爲診視其夜間多汗遂用淨萸肉生龍骨生牡蠣各一兩俾煎服擬先止其汗果一劑汗止又服一劑欬血亦愈蓋從前之欬血久不愈者因其肺中之絡或胃中血管有破裂處萸肉與龍骨牡蠣同用以瀝之斂之故欬血亦隨之愈也又治本村表弟張權年三十許或旬日或浹辰之間必吐血數口寢至每日必吐亦屢治無效其脉近和平微有乳象亦治以此方三劑全愈後又將此方加三七細末三錢煎藥湯送服以治欬血吐血之久不愈者約皆隨手奏效因將其方登於三期二卷名補絡補管湯若遇吐血之甚者宜再加赭石五六錢與前三味同煎湯送服三七細末更效

山萸肉之性又善熄內風族家嫂產後十餘日周身汗出不止且四肢發搐此因汗出過多而內風動也急用淨萸肉生山藥二各兩俾煎湯服之兩劑愈

至外感之邪不淨而出汗者亦可重用山萸肉以斂之邑進士張曰睿之公子年十八九因傷寒服表藥太過汗出不止心中怔忡脈洪數不實大便數日未行爲疏方用淨萸肉生山藥生石膏各一兩知母生龍骨生牡蠣各六錢甘草二錢煎服兩劑全愈門生萬澤東曾治一壯年男子因屢經惱怒之餘腹中常常作疼他醫用通氣活血消食祛寒之藥皆不效診其左關微弱知係怒久傷肝肝虛不能疏泄也遂用淨萸肉二兩佐以當歸丹參柏子仁各數錢連服數劑腹疼遂愈後凡過此等證投以此方皆效

白朮解

白朮性溫而燥氣香不竄味苦微甘微辛善健脾胃消痰水止泄瀉治脾虛作脹脾濕作渴脾弱四肢運動無力甚或作疼與涼潤藥同用又善補肺與升散藥同用又善調肝與鎮安藥同用又善養心與滋陰藥同用又善補腎爲其具土德之全爲後天資生之要藥故能於金木水火四臟皆能有所補益也

附案

一婦人年三十許泄瀉半載百藥不效脈象濡弱右關尤甚知其脾胃虛也俾用生白朮

軋細焙熟再用熟棗肉六兩和爲小餅爐上炙乾當點心服之細細嚼咽未盡劑而愈  
一婦人因行經下血不止服藥旬餘無效勢極危殆診其脈象浮緩按之卽無問其飲食  
不消大便滑瀉知其脾胃虛甚中焦之氣化不能健運統攝下焦之氣化因之不固也遂  
於治下血藥中加白朮一兩生鷄內金一錢服一劑血卽止又服數劑以善其後  
一室女腿疼幾不能步治以三期四卷健運湯而愈次年舊病復發又兼腰疼再服前方  
不效診其脈右關甚濡弱詢其飲食甚少遂用白朮六錢當歸陳皮各二錢厚朴乳香沒  
藥各錢半「載二期四卷名振中湯」服後飲食加多至旬餘腰腿之疼全愈

一媪年過六旬陡然腿疼不能行動夜間疼不能寐其左部之脈大而弦右部之脈大而  
浮重診之似有力非真有力問其心中不覺涼熱乃知此非有火之脈其大而浮也乃脾  
胃過虛真氣外泄也其大而弦也乃肝胆失和木盛侮土也治以前方加人參白芍淨黃  
肉各數錢補脾胃之虛卽以抑肝胆之盛數劑而愈

一人年二十二喘逆甚劇脈數至七至投以滋陰兼納氣降氣之劑不效後於方中加白  
朮數錢將藥煎出其喘促亦至極點不能服藥將藥重溫三次始強服下一劑喘卽見輕

連服數劑全愈後屢用其方以治喘證之劇者多有效驗

一少年咽喉常常發乾飲水連連不能解渴診其脈微弱遲濡當係脾胃濕寒不能健運以致氣化不升也投以四君子湯加乾薑桂枝尖方中白朮重用兩許一劑其渴卽止

### 赭石解

赭石色赤性微涼能生血兼能涼血而其質重墜又善鎮逆氣降痰涎止嘔吐通燥結用之得當能建奇效其原質爲鐵養化合而成其結體雖堅而層層如鐵鏽（鐵鏽亦鐵養化合）生研服之不傷腸胃卽服其稍粗之末亦與腸胃無損且生服則養氣純全大能養血故本經謂其治赤沃漏下日華謂其治月經不止也若煨用之卽無斯效煨之復以醋淬之尤非所宜且性甚和平雖降逆氣而不傷正氣通燥結而毫無開破原無需乎煨也其形爲薄片疊疊而成一面點點作凸形一片點點作凹形者方堪入藥

### 附案

鄰村遲某年四十許當上脘處發瘡大如核桃破後調治三年不愈瘡口大如錢自內潰爛循脇漸至背後每日自背後排擠至瘡口流出膿水若干求治於愚自言患此瘡後三

年未嘗安枕強臥片時卽覺有氣起自下焦上逆衝心愚曰此卽子瘡之病根也俾用生  
芡實一兩煮濃汁送服生赭石細末五錢遂可安臥又服數次徹夜穩睡蓋氣上逆者乃  
衝氣之上衝用赭石以鎮之芡實以斂之衝氣自安其宅也繼用三期四卷活絡效靈丹  
(當歸丹參乳香沒藥各五錢)加生黃芪生赭石各三錢煎服日進一劑半月全愈

鄰村毛姓少年於傷寒病瘥後忽痰涎上壅杜塞咽喉幾不能息其父知醫用手大指點  
其天突穴(宜指甲貼喉指端着穴向下用力勿向內用力)息微通急迎愚調治遂用香  
油三兩燉熱調麝香一分灌之旋灌旋卽流出痰涎若干繼用生赭石一兩人參六錢蘇  
子四錢煎湯徐徐飲下痰涎頓開

天津楊柳青陸軍連長周良坡夫人年三十許連連嘔吐五六日間勺水不存大便亦不  
通行自覺下脘之處疼而且結凡藥之有味者入口卽吐其無味者須臾亦復吐出醫者  
辭不治後愚診視其脈有滑象上盛下虛疑其有妊詢之月信不見者五十日矣然結證  
不開危在目前內經謂有故無損亦無損也遂單用赭石二兩煎湯飲下覺藥至結處不  
能下行復返而吐出繼用赭石四兩又重羅出細末兩許將餘三兩煎湯調細末服下其

結遂開大便亦通自此安然無恙至期方產

或問赭石別錄謂其墜胎今治妊婦竟用赭石如此之多卽幸而奏效豈非行險之道乎  
答曰愚生平治病必熟籌其完全而後爲疏方初不敢爲孤注之一擲也赭石質重其鎮  
墜之力原能下有形滯物若胎至六七月時服之或有妨碍至受妊之初因惡阻而成  
結證此時其胞室之中不過血液凝結赭石毫無破血之弊且有治赤沃與下血不止之  
效重用之亦何妨乎况此證五六日間勻飲不能下行其氣機之上逆氣化之壅滯已至  
極點以赭石以降逆開壅不過調臟腑之氣化使之適得其平又何至有他虞乎

或問赭石用於此證不虞墜胎其理已昭然矣至本經謂赭石治赤沃日華謂其治下血  
不止不知重墜下行之藥何以有此效乎答曰此理甚深欲明此理當溯本窮源先知人  
身之元氣爲何氣蓋凡名之爲氣雖無形而皆有質若空氣扇之則成風拋物其中能阻  
物力之運轉是其質也人臟腑中之氣大抵類斯惟元氣則不惟無形而並無質若深究  
其果係何氣須以天地間之氣化徵之夫天地間無論淡養炭電諸氣皆有質獨磁氣無  
質故諸氣皆可取而貯之而磁氣不能貯也諸氣皆可設法阻之（如電氣可阻以玻璃）

而磁氣不能阻也（磁氣無論隔何物皆能吸鐵）是以北極臨地之中央下蓄磁氣以維  
蓋全球之氣化丹田爲人之中央內藏元氣以維繫全身之氣化由是觀之磁氣者卽天  
地之元氣而人身之元氣亦卽天地間之磁氣類也其能與周身之血相繫戀者因血中  
含有鐵銹猶之磁石吸鐵之理也赭石爲鐵養化合而成服之能補益血中鐵銹而增長  
其與元氣繫戀之力所以能治赤沃及下血不止也

廣平縣教員呂子融夫人年二十餘因惡阻嘔吐甚劇九日之間飲水或少存食物則盡  
吐出時方歸寧其父母見其病劇送還其家醫者皆以爲不可治時愚初至廣平寓學舍  
中子融固不知愚能醫也因曉之曰惡阻焉有不可治者亦視用藥何如耳子融遂延爲  
診視脈象有力舌有黃苔詢其心中發熱知係夾雜外感遂先用生石膏兩半煎湯一茶  
杯防其嘔吐徐徐溫飲下熱稍退繼用生赭石二兩煎湯一大茶杯分兩次溫飲下覺行  
至下脘作疼不復下行轉而上逆吐出知其下脘所結甚堅原非輕劑所能通亦用生赭  
石細末四兩從中再羅出極細末一兩將餘三兩煎湯送服其極細末其結遂開從此飲  
食順利及期而產

一室女中秋節後感冒風寒三四日間胸膈滿悶不受飲食飲水一口亦吐出劇時恆以手自撓其胸脈象滑實右部尤甚遂單用生赭石細末兩半煎湯溫飲下頓飯頃仍吐出蓋其胃口皆爲痰涎壅滯藥不勝病下行不通復轉而吐出也遂更用赭石四兩煎湯一大盃分三次陸續溫飲下胸次遂通飲水不吐翌日脉象洪長其舌苔從先微黃忽變黑色又重用白虎湯連進兩大劑每劑用生石膏四兩分數次溫飲下大便得通而愈

一媪年過六旬當孟夏晨飯時忽聞鄉鄰有鬪者出視之見強者凌弱太過心甚不平又兼飯後有汗受風遂得溫病表裏俱熱心滿腹疼飲水須臾仍吐出七八日間大便不通脉細數按之略實自言心中煩渴飲水又不能受從前服藥止吐其藥亦皆吐出若果飲水不吐猶可望愈愚曰易耳遂用赭石萸仁各二兩蘇子六錢又加生石膏二兩野臺參五錢煎湯一大盃俾分三次溫飲下晚間服藥翌晨大便得通而愈當其服藥之先曾俾用淨黃肉二兩煎湯以備下後心中怔忡及虛脫迨大便通後心中微覺怔忡服之而安

奉天小南門裏連奉澡塘司帳曲玉軒年三十餘得瘟病兩三日惡心作嘔吐五日之間飲食不能下咽來院求爲診治其脉浮弦數近六至重按無力口苦心熱舌苔微黃因思

其脈象浮弦者陽明與少陽合病也二經之病機相併上冲故作嘔吐也心熱口苦者內熱已實也其脈無力而數者無穀氣相助又爲內熱所迫也因思但用生赭石煮水飲之既無臭味且有涼鎮之力或不吐遂用生赭石二兩煎水兩茶杯分二次溫飲下飲完仍復吐出病人甚覺惶恐加以久不飲食形狀若莫可支持愚曰無恐再用藥末數錢必能立止嘔吐遂單用生赭石細末五錢開水送服覺惡心立止須臾胸次通暢進薄粥一杯下行順利從此飲食不復嘔吐而心中猶發熱舌根腫脹言語不利又用生石膏一兩丹參乳香沒藥連翹各三錢連服兩劑全愈

癸亥秋愚在奉天同善堂醫學校講藥性有學生李慶霖之族姊來奉病於旅邸屢經醫治無效病勢危急慶霖求爲診治其周身灼熱脈象洪實心中煩躁怔忡飲食下咽卽嘔吐屢次所服之藥亦皆嘔吐不受視其舌苔黃厚大便數日未行知其外感之熱已入陽明之府又挾胃氣上逆衝氣上衝也爲疏方用生赭石細末八錢生石膏細末兩半薑仁一兩玄參天冬各六錢甘草二錢將後五味煎湯一大茶杯先用開水送服赭石細末繼將湯藥服下遂受藥不吐再服一劑全愈

拙著衷中參西錄有醴泉飲方治虛勞發熱或喘或嗽脈數而弱方用生山藥一兩大生地五錢人參玄參天冬生赭石各四錢牛蒡子三錢甘草二錢初製此方時原無赭石有丹參三錢以運化人參之補力用之多效後治一少婦信水數月不行時作寒熱乾嗽連連且兼喘逆胸膈滿悶不思飲食脈數幾至七至治以有丹參原方不效遂以赭石易丹參一劑嗽與喘皆愈強半胸次開通卽能飲食又服數劑脈亦和緩共服二十劑諸病全愈後凡治婦女月閉血枯寢至勞嗽或兼滿悶者皆先投以此湯俾其飲食增加身體強壯經水自通間有瘀血暗阻經道或顯有癥瘕可徵者繼服拙擬理衝湯丸」皆在三期錄八卷）以消融之則婦女無難治之病矣

瀋陽商人婁順田年二十二虛勞欬嗽甚形羸弱脈數八至按之卽無細詢之自言曾眠熱炕之上晨起覺心中發熱從此食後卽吐出夜間欬嗽甚劇不能安寢因二十餘日寢食俱廢遂覺精神恍惚不能支持愚聞之知脈象雖危仍係新證若久病至此誠難挽回矣遂投以醴泉飲爲其嘔吐將赭石改用一兩一劑吐卽止可以進食嗽亦見愈從前多日未大便至此大便亦通下如此加減服之三日後脈數亦見愈然猶六至餘心中猶覺

發熱遂將玄參生地皆改用六錢又每日於午時用白蔗糖沖水送服阿斯必林七厘許數日諸病皆愈脈亦復常

瀋陽蘇惠堂年三十許勞嗽二年不愈動則作喘飲食減少更醫十餘人服藥數百劑分毫無效羸弱轉甚其姊丈李生在京師見衷中參西錄大加賞異急郵函俾其來院診治其脈數六至雖細弱仍有根柢知其可治自言上焦恆覺發熱大便四五日一行時或乾燥投以體泉飲爲其便遲而燥赭石改用六錢又加鷄內金二錢恐其病久臟腑經絡多瘀滯也數劑後飯量加增心中仍有熱時大便已不燥間日一行遂去赭石二錢加知母二錢俾於晚間服湯藥後用白蔗糖水送服阿斯必林四分瓦之一得微汗後令於日間服之不使出汗數日不覺發熱脈亦復常惟欬未能全愈又用幾阿蘇六分薄荷冰四分和以菘豆粉爲丸梧桐子大每服三丸日兩次湯藥仍照方服之五六日後欬亦愈身體從此康健

人參可以救氣分之脫至氣欲上脫者但用人參轉有助氣上升之弊必與赭石並用方能引氣歸原更能引人參補益之力下行直至湧泉友人毛仙閣次男媳勞心之後兼以

傷心忽喘逆大作迫促異常仙閣知醫自治以補斂元氣之藥覺胸中窒礙不能容受更他醫以爲外感投以小青龍湯喘益甚延愚診視其脉浮而微數按之卽無知爲陰陽兩虛之證蓋陽虛則元氣不能自攝陰虛而肝腎又不能納氣故其喘若是之劇也遂用赭石龍骨牡蠣萸肉各六錢野臺參白芍各四錢山藥芡實各五錢蘇子二錢惟蘇子炒熟餘皆生用(方載二期)一卷名參赭鎮氣湯煎服後未及覆杯病人曰吾有命矣詢之曰從前呼吸惟在喉間今則轉落丹田矣果一劑病愈強半又服數劑全愈後用此方治內傷之喘愈者不勝紀

參赭並用不但能納氣歸原也設如逆氣上干填塞胸臆或兼嘔吐其證之上盛下虛者皆可參赭並用以治之友人毛仙閣治一婦人胸次鬱結飲食至胃不能下行時作嘔吐其脉浮而不任重按仙閣用赭石細末六錢濃煎人參湯送下須臾腹中如爆竹之聲胸次胃中俱覺通豁從此飲食如常傳爲異事

又友人高夷清曾治一人上焦滿悶不能飲食常覺有物窒塞醫者用大黃葶實陷胸之品十餘劑轉覺胸中積滿上至咽喉飲水一口卽溢出夷清用赭石二兩人參六錢俾煎

暈頓覺窒塞之物降至下焦又加當歸肉蓯蓉再服一劑降下瘀滯之物若干病若失  
內經謂陽明厥逆喘欬身熱善驚衄嘔血黃坤載衍內經之旨謂血之失於便溺者太陰  
之不升也亡於吐衄者陽明之不降也是誠深明內經者也蓋陽明胃氣以息息下降爲  
順時或不降則必壅滯轉而上逆上逆之極血卽隨之上升而吐衄作矣治吐衄之證當  
以降胃爲主而降胃之藥實以赭石爲最效然胃之所以不降有因熱者宜降之以赭石  
而以萸仁白芍諸藥佐之其熱而兼虛者可兼佐以人參有因涼者宜降以赭石而以乾  
姜白芍諸藥佐之（因涼猶用白芍者防乾姜之熱侵肝胆也然吐衄之證由於胃氣涼  
而不降者甚少）其涼而兼虛者可兼佐以白朮有因下焦虛損衝氣不攝上衝胃氣不  
降者宜降以赭石而以生山藥生芡實諸藥佐之有因胃氣不降致胃中血管破裂其證  
久不愈者宜降以赭石而以龍骨牡蠣三七諸藥佐之（諸方及所治之案皆詳在於三  
期二卷）無論吐衄之證種種病因不同疏方皆以赭石爲主而隨證制宜佐以相當之  
藥品吐衄未有不愈者

近治奉天商埠警察局長張厚生年近四旬陡然鼻中衄血甚劇脈象關前洪滑兩尺不

任重按知係上盛下虛之證自言頭目恆不清爽每睡醒舌乾無津大便甚燥數日一行爲疏方赭石熟地黃生山藥各一兩當歸白芍生龍骨生牡蠣懷牛膝各五錢煎湯送服早三七細末二錢凡用生地治吐衄者皆宜佐以三七血止後不至瘀血留於經絡一劑血頓止後將生地減去四錢加熟地枸杞各五錢連服數劑脈亦平和

傷寒下早成結胸瘟疫未下亦可成結胸所謂結胸者乃外感之邪與胸中痰涎互相凝結滯塞氣道幾難呼吸也仲景有大陷胸湯丸原爲治此證良方然因二方中皆有甘遂醫者不敢輕用病家亦不敢輕服一旦利氣理痰之藥又皆無效故恆至束手無策向愚治此等證俾用新炒葶仁四兩搗碎煮湯服之恆能奏效後擬得一方用赭石葶仁各二兩蘇子六錢（方載二期六卷名盪胸湯）用之代大陷胸湯丸屢試皆能奏效若其結在胃口心下滿悶按之作疼者係小陷胸湯證又可將中方分量減半以代小陷胸湯其功效較小陷胸湯尤捷自擬此方以來救人多矣至寒溫之證已傳陽明之府却無大熱惟上焦痰涎壅滯下焦大便不通者亦可投以此方（分量亦宜斟酌少用）上清其痰下通其便誠一舉兩得之方也

至寒溫之證不至結胸及心下滿悶惟逆氣挾胃熱上衝不能飲食並不能受藥者宜赭石與清熱之藥並用曾治奉天大東關安家靴舖安顯之夫人年四十餘臨產雙生異常勞頓惡心嘔吐數日不能飲食服藥亦恆嘔吐精神昏潰形勢垂危羣醫辭不治延愚診視其脈洪實面有火色舌苔黃厚知係產後瘟病其嘔吐若是者陽明府熱已實胃氣因熱而上逆也遂俾用玄參兩半赭石一兩同煎服一劑卽熱退嘔止可以受食繼用玄參白芍連翹以清其餘熱病遂全愈至故胆用玄參而無所顧忌者以玄參原宜於產乳本經有明文也

下有實寒上有浮熱之證欲用溫熱之藥以祛其寒上焦恆格拒不受惟佐以赭石使之速於下行直達病所上焦之浮熱轉能因之下降曾治鄰村星馬村劉某因房事後恣食生冷忽然少腹抽疼腎囊緊縮大便不通上焦兼有煩熱醫者投以大黃附子細辛湯上焦煩熱益甚兩脇疼脹便結囊縮腹疼如故病家甚覺惶恐求爲診視其脈弦而沈兩尺之沈尤甚先用醋炒蔥白熨其臍及臍下腹中作響大有開通之意囊縮腹疼亦見愈便仍未通遂用赭石二兩烏附子五錢當歸蘇子各一兩煎湯飲下卽覺藥力下行過兩旬

鐘俾煎渣飲之有頃降下結糞若干諸病皆愈

膈食之證千古難治之證也傷寒論有旋覆代赭石湯原治傷寒汗吐下解後心下痞硬噫氣不除周揚俊喻嘉言皆謂治膈證甚效然本經謂旋覆花味鹹若真好旋覆花實鹹而兼有辛味（敝邑武帝臺汗所產旋覆花鹹而辛）今藥坊間所鬻旋花皆甚苦實不堪用是以愚治膈證恆用其方去旋覆花將赭石加重其衝氣上衝過甚兼大便秘結者赭石恆用至兩許再加當歸柿霜天冬諸藥以潤燥生津且更臨時制宜隨證加減治愈者不勝錄（二期一卷載治愈之案六則並詳記其加減諸法）蓋此證因胃氣衰弱不能撐懸賁門下焦衝氣又挾痰涎上衝以杜塞之是以不受飲食用人參以壯胃氣氣壯自能撐懸賁門使之寬展赭石以降衝氣衝降自挾痰涎下行不慮杜塞此方之所以效也若藥房間偶有鹹而且辛之旋覆花亦可斟酌加入然加旋覆花又須少減赭石也此證有因賁門腫脹內有瘀血致賁門窄小者宜於方中加蘇木麝蟲（俗名土鱉）各二錢頭疼之證西人所謂腦氣筋病也然恆可重用赭石治愈近在奉天曾治安東何道尹猶女年二十餘歲每日至巳時頭疼異常左邊尤甚過午則愈先經東人治之投以麻醉腦

筋之品不效後求爲診視其左脈浮弦有力知係少陽之火挾心經之熱乘陽旺之時而上升以衝突腦部也爲疏方赭石龍骨牡蠣龜板黃肉白芍各六錢龍胆草二錢藥料皆用生者煎服一劑病愈強半又服兩劑全愈隔數日又治警察廳書記鞠一鳴夫人頭疼亦如前狀仍投以此方兩劑全愈

癩狂之證亦西人所謂腦氣筋病也而其腦氣筋之所以病者因心與腦相通之道路「心有四支血脈管通腦」爲痰火所充塞也愚恆重用赭石二兩佐以大黃朴硝半夏鬱金其痰火甚實者間或加甘遂二錢「爲未送服」輒能隨手奏效誠以赭石重墜之力能引痰火下行俾心腦相通之路毫無滯礙則腦中元神心中識神自能相助爲理而不至有神明瞽亂之時也在奉天曾治洮昌都道尹公子鳳巢年近三旬癩狂失心屢經中西醫治療四載分毫無效來院求爲診治其象沈實遂投以右所擬方每劑加甘遂二錢五分間兩日一服「凡藥中有甘遂不可連服」其不服湯藥之二日仍用赭石朴硝細末各五錢分兩次服下如此旬餘而愈

癩瘋之證千古難治之證也西人用麻醉腦筋之品日服數次恆可強制不發然亦間有

發時且服之累年不能除根而此等藥常服又有昏精神減食量之弊庚申歲在奉天立達醫院因診治此等證研究數方合用之連治數人皆愈一方用赭六錢於朮酒麴（用神麴則無效且宜生用）半夏龍胆草生明沒藥各三錢此係湯劑一方用真黑鉛四兩鐵鍋內鎔化再加硫黃細末二兩撒於鉛上硫黃皆着急用鐵鏟拌炒之鉛經硫黃燒煉皆成紅色因拌炒結成砂子取出晾冷碾軋成餅者（係未化透之鉛）去之餘者再用乳鉢研極細攪硃砂細末與等分再少加蒸熟麥麵（以僅可作丸爲度）水和作丸半分重（乾透足半分）一方用西藥臭剝臭素安母紐謨各一錢抱水過魯拉爾一錢共研細攪蒸熟麥麵四錢水和爲丸桐子大右藥早晚各服西藥十四丸午時服鉛硃砂丸十二丸日服藥三次皆煎湯劑送下湯藥一劑可煎三次以遞送三次所服丸藥如此服藥月餘癩風可以除根內經云諸風掉眩皆屬於肝肝經風火挾痰上衝遂致腦氣筋頓失其所司周身抽掣知覺全無赭石含有鐵質既善平肝而其降逆之力又能協同黑鉛硃砂以墜痰鎮驚此其所以效也而必兼用西藥者因臭剝臭素諸藥皆能強制腦筋以治病之標俾目前不至反覆而後得徐以健脾利痰祛風清火之藥以剷除其病根也

方書所載利產之方無投之必效者惟方中重用赭石可應手奏效族姪陰棠媳臨產三日不下用一切催生藥胎氣轉覺上逆因其上逆心忽會悟爲擬方用赭石二兩野臺參當歸各一兩煎服後須臾卽產下後用此方多次皆效卽骨盤不開者用之開骨盤亦甚效蓋赭石雖放胆用至二兩而有人參一兩以補氣當歸一兩以生血且以參歸之微溫以濟赭石之微涼溫涼調和愈覺隱妥也矧產難者非氣血虛弱卽氣血壅滯不能下行人參當歸雖能補助氣血而性皆微兼升浮得赭石之重墜則力能下行自能與赭石相助爲理以成催生之功也至於當歸之滑潤原爲利產良藥與赭石同用其滑潤之力亦愈增也此方載三期八卷名大順湯用此方時若加衛足花子（炒爆）或艾菊花瓣更效至二藥之性及其形狀與所以奏效之理皆詳載於大順湯後茲不俱錄

人之廉於飲食者宜補以健脾之藥而純用健補脾臟之品恆多礙於胃氣之降致生脹滿是以補脾者宜以降胃之藥佐之而降胃之品又恆與氣分虛弱者不宜惟赭石性善降胃而分毫不傷氣分且補藥性多溫易生浮熱赭石性原不涼而能引熱下行（所以諸家本草多言其性涼）是以愚習用赭石不但以之降胃也凡遇有虛熱之證或其人

因熱痰嗽或其人因熱怔忡但問其大便不滑瀉者方中加以赭石則奏效必速也

內中風之證忽然昏倒不省人事內經所謂血之與氣並走於上之大厥也亦卽史記扁鵲傳所謂上有絕陽之絡下有破陰之紐之尸厥也此其風非外來誠以肝火暴動與氣血相併上衝腦部（西人剖驗此證謂腦部皆有死血或兼積水）惟用藥鎮斂肝火寧熄內風將其上衝之氣血引還其證猶可挽回此金匱風引湯所以用龍骨牡蠣也然龍骨牡蠣雖能斂火熄風而其性皆澀實欠下達之力惟佐以赭石則下達之力速上逆之氣血卽可隨之而下曾治奉天大北關開醮房者杜正卿忽然頭目眩暈口眼歪邪舌強直不能發言脈象弦長有力左右皆然視其舌苔白厚微黃且大便數日不行知其證兼內外中風也俾先用阿斯必林瓦半白糖水送下以發其汗再用赭石生龍骨生牡蠣萸仁各一兩生石膏兩半菊花連翹各二錢煎湯趁其正出汗時服之一劑病愈強半大便亦通又按其方加減連服數劑全愈

又治鄰村韓姓媪年六旬於外感病愈後忽然胸膈連心下突脹腹臍墮陷頭暈項強妄言妄見狀若瘋狂其脈兩尺不見關前搖搖無根數至六至此下焦虛憊衝氣不攝挾肝

胆浮熱上干腦部以亂其神明也遂用赭石龍骨牡蠣山藥地黃（皆用生者）各一兩野臺參淨黃肉各八錢煎服一劑而愈又少爲加減再服一劑以善其後

又治鄰村生員劉樹幟年三十許因有惱怒忽然昏倒不省人事牙關緊閉唇齒之間有痰涎隨呼吸氣外吐六脉閉塞若無急用作嚏之藥吹鼻中須臾得嚏其牙關遂開繼用香油兩餘燉溫調麝香末一分灌下半句鐘時稍醒悟能作呻吟其脈亦出至數五至餘而兩尺弱甚不堪重按知其腎陰虧損故肝胆之火易上衝也遂用赭石熟地生山藥各一兩龍骨牡蠣淨黃肉各六錢煎服後豁然頓愈繼投以理肝補腎之藥數劑以善其後按此等證當痰火氣血上壅之時若人參地黃山藥諸藥似不宜用而確審其係上盛下虛若扁鵲傳所云云者重用石以輔之則其補益之力直趨下焦而上盛下虛之危機旋轉甚速莫不隨手奏效也

### 山藥解

山藥色白入肺味甘歸脾液濃益腎能滋潤血脈固攝氣化寧嗽定喘強志育神性平可以常服多服宜用生者煮汁飲之不可炒用以其含蛋白質甚多炒之則其蛋白質焦枯

服之無效若作丸散可軋細蒸熟用之

附案

一室女月信年餘未見已成勞瘵臥床不起治以拙擬資生湯（方載三期一卷）復俾日用生山藥四兩煑汁當茶飲之一月之後體漸復初月信亦通見者以此證可愈訝爲異事

一婦人產後十數日大喘大汗身熱勞瘵醫者用黃芪熟地白芍等藥汗出愈多後愚診視脉甚虛弱數至七至審證論脈似在不治俾其急用生山藥六兩煑汁徐徐飲之飲完添水重煑一晝夜所飲之水皆取於山藥中翌日又換山藥六兩仍如此煑飲之三日後諸病皆愈

一人年四十餘得溫病十餘日外感之火已消十之八九大便忽然滑下喘息迫促且有煩渴之意其脈甚虛兩尺微按卽無急用生山藥六兩煎汁兩大盃徐徐溫飲下以之當茶飲完煎渣再飲兩日共用山藥十八兩喘與煩渴皆愈大便亦不滑瀉

鄰村泊莊高氏女年十六七稟賦素羸弱得外感痰喘證投以金匱小青龍加石膏湯一

劑而愈至翌日忽似喘非喘氣短不足以息診其脈如水上浮麻不分至數按之卽無愚  
駭曰此將脫之證也鄉屯無藥局他處取藥無及適有生山藥兩許係愚向在其家治病  
購而未服者俾急煎服之下咽後氣息卽能接續可容取藥仍重用生山藥佐以人參黃  
肉熟地諸藥一劑而愈

一婦人年三十許泄瀉數月不止病勢垂危倩人送信於其父母其父將往瞻視詢方於  
愚言從前屢次延醫治療百藥不效俾用生山藥軋細煮粥服之日三次兩日全愈又服  
數日身亦康健

一娠婦日發癘風其脈無受娠滑象微似弦而兼數知陰分虧損血液短少也亦俾煮山  
藥粥服之卽愈又服數次永不再發

奉天大東關關氏少婦素有勞疾因產後暴虛喘嗽大作治以山藥粥日服兩次服至四  
五日喘嗽皆愈又服數日其勞疾自此除根

奉天大東關學校教員鄭子綽之女年五歲秋日爲風寒所束心中發熱醫者不知用辛  
涼表散而純投以苦寒之藥連服十餘劑致脾胃受傷大便滑下月餘不止而上焦之熱

益熾醫者皆辭不治始求愚爲診視其形狀羸弱已甚脈象細微浮數表裏俱熱時時惡心不能飲食晝夜猶瀉十餘次治以山藥粥俾隨便飲之日四五次一次不過數羹匙旬日全愈

寒溫之證上焦燥熱下焦滑瀉者皆屬危險之候因欲以涼潤治燥熱則有礙於滑瀉欲以溫補治滑瀉則有礙於燥熱愚遇此等證亦恆用生山藥而以滑石輔之大抵一劑滑瀉卽止燥熱亦大輕減若仍有餘熱未盡除者可再徐調以涼潤之藥無妨奉天大東關旗人號崧宅者有孺子年四歲得溫病邪猶在表醫者不知爲之清解遽投以苦寒之劑服後連四五日滑瀉不止上焦燥熱閉目而喘精神昏憤延爲診治病雖危險其脈尙有根柢知可挽回遂用生山藥滑石各一兩生杭芍四錢甘草三錢（方載三期五卷名滋陰清燥湯）煎湯一大茶杯爲其幼小俾徐徐溫飲下盡劑而愈然下久亡陰餘有虛熱繼用生山藥玄參各一兩以清之兩劑熱盡除

同莊張氏女適鄰村郭氏受妊五月偶得傷寒三四日間胎忽滑下上焦燥渴喘而且呷痰涎壅盛頻頻咳吐延醫服藥病未去而轉增滑瀉晝夜十餘次醫者辭不治且謂危在

且夕其家人惶恐因其母家介紹迎愚診視其脈似洪滑重按指下豁然兩尺尤甚然爲流產纔四五日不敢劇用山藥滑石方遂先用生山藥二兩酸石榴一個連皮搗爛同煎汁一大盃分三次溫飲下滑瀉見愈他病如故再診其脈洪滑之力較實因思此證雖虛且當忌用寒涼之時然確有外感實熱若不解其實熱他病何以得愈時屆晚三句鐘病人自言每日此時潮熱又言精神困倦已極晝夜苦不得睡遂放胆投以生山藥兩半滑石一兩生杭芍四錢甘草三錢煎湯一大盃徐徐溫飲下一次止飲藥一口誠以產後脈象又虛欲其藥力常在上焦不欲其寒涼侵下焦也斯夜遂得安睡瀉與滑瀉皆愈喘與咳亦愈其半又將山藥滑石各減五錢加生龍生牡蠣各八錢一劑而愈

一媪年近七旬素患漫腫愚爲調治月餘腫雖就愈而身體未復忽於季春得溫病上焦煩熱病家自剖鮮地骨皮煑汁飲之稍愈又飲數次遂滑瀉數日不止而煩熱益甚延爲診視脈浮滑而數重診無力病家因病耆年高又素有疾病惴惴惟恐不愈而愚毅然許爲治愈遂治以山藥滑石白芍甘草方山藥滑石皆重用一兩爲其表證猶在加連翹蟬退各三錢【方載二期五卷名滋陰宣解湯】一劑瀉止煩熱亦覺輕繼用拙擬白虎加人

參以山藥代粳米湯（方載二期六卷）煎汁一大盃一次止溫飲一大口防其再滑瀉也  
盡劑而愈

鄰村生員李子咸先生之女年十四五感冒風熱偏身疹癩煩渴滑瀉又兼喘促其脉浮  
數無力愚躊躇再四他藥皆不對證亦重用生山藥滑石佐以白芍甘草連翹蟬退兩劑  
諸病皆愈蓋疹癩最忌滑瀉滑瀉則疹毒不能外出故宜急止之至連翹蟬退在此方中  
不但解表亦善治疹癩也

奉天財政廳科員劉仙舫年二十五六於季冬得傷寒經醫者誤治大便滑瀉無度而上  
焦煩熱精神昏潰時作譫語脉象洪數重按無力遂重用生山藥兩半滑石一兩生杭芍  
六錢甘草三錢一劑瀉止上焦煩熱不退仍作譫語爰用玄參沙參諸涼潤之藥清之仍  
復滑瀉再投以前方一劑瀉又止而上焦之煩熱益甚精神亦益昏潰毫無知覺仙舫家  
營口此時其家人畢至皆以爲不可復治診其脈雖不實仍有根祇至數雖數不過六至  
知猶可治遂慨切謂其家人曰果信服余藥此病尙可爲也其家人似領悟爲疏方用大  
劑白虎加入參湯更以生山藥一兩代粳米大生地一兩代知母煎湯一大盃囑其藥須

熱飲一次止飲一口限以六句鐘內服完盡劑而愈

山藥又宜與西藥白布聖並用蓋凡補益之藥皆兼有壅滯之性山藥之壅滯雖覺參朮芪有差而脾胃弱者多服久服亦或有覺壅滯之時佐以白布聖以運化之則毫無壅滯其補益之力乃愈大奉天緝私督察處調查員羅陰華年三十許虛弱不能飲食時覺眩暈步履恆仆自覺精神常欲渙散其脉浮數細弱知倉猝不能治憊俾用生懷山藥細末一兩煮作湯調入白布聖五分服之日兩次半月之後病大輕減月餘全愈

滄州興業布莊劉俊卿之夫人年五十餘身形瘦弱廉於飲食心中怔忡則汗出甚則作抽掣若癩風醫治年餘病轉加甚馳書詢方愚爲寄方數次病稍見輕旋又反覆後亦俾用生山藥末煮粥調白布聖服之四十餘日病愈身體康健

友人朱鉢文灤州博雅士也尤精於醫其來院中時曾與論及山藥與白布聖同服之功效後鉢文還里值其孫未周歲失乳食以牛乳則生熱鉢文俾用山藥稠粥調以白布聖及白糖哺之數月後其孫比吃乳時轉胖後將其方傳至京師京中用以哺小兒者甚多皆胖壯無病

法庫萬澤東之令堂自三十餘歲時卽患痰喘咳嗽歷三十年百藥不效且年愈高病亦愈進至民國十年春又添發燒咽乾頭汗出食不下等證延醫診視云是痰盛有火與人參清肺湯加生地丹皮等味非特無效反發熱如火更添泄瀉有不可終日之勢後忽見衷中參西錄一味薯蕷飲遂用生懷山藥四兩加玄參三錢煎湯一大盃分數次徐徐溫服一劑卽見效至三劑病愈強半遂改用生懷山藥細末一兩煮作粥服之日兩次間用開胃藥旬餘而安宿病亦大見輕大約服久宿病亦可除根澤東素知醫自此從愚學醫又萬澤東之夫人大便泄瀉數年不愈亦服山藥粥而愈

### 地黃解

鮮地黃性寒微苦微甘最善清熱涼血化瘀血生新血治血熱妄行吐血衄血二便因熱下血其中含有鐵質故晒之蒸之則黑其生血涼血之力亦賴所含之鐵質也乾地黃（卽藥房中生地黃）經日晒乾性涼而不寒生血脈益精髓聰明耳目治骨蒸勞熱腎虛生熱

熟地黃用鮮地黃和酒屢次蒸晒而成其性微溫甘而不苦爲滋陰補腎之主藥治陰虛

發熱陰虛不納氣作喘勞瘵欬嗽腎虛不能瀝水小便短少積成水腫以及各臟腑陰分虛損者熟地黃皆能補之

### 附案

地黃之性入血分不入氣分而馮楚瞻謂其大補腎中元氣論者多訾其說然亦未可厚非也癸巳秋應試都門曾在一部郎家飲酒其家有女僕年三十許得溫病十餘日勢至垂危將昇於外同坐賈佩卿謂愚知醫主家延爲診視其證晝夜泄瀉昏不知人呼之不應其脉數至七至按之卽無遂用熟地黃二兩生山藥生杭芍各一兩甘草三錢煎湯一大盃趁溫徐徐灌之盡劑而愈

又治鄰村泊莊高氏女資稟素羸弱得溫病五六日痰喘甚劇治以金匱小青龍加石膏湯喘頓止時屆晚八點鐘一夜安穩至寅時喘復作精神恍惚心中怔忡再診其脉如水上浮麻按之卽無不分至數此將脫之候也急疏方用熟地黃四兩生山藥一兩野臺參五錢而近處藥房無野臺參並他參亦鬻盡遂單用熟地黃生山藥煎服一日連進三劑共用熟地黃十二兩其病竟愈「此證當用三期一卷來復湯方中重用山黃肉二兩而

治此證時其方猶未擬出)當時方中若有野臺參功效未必更捷至病愈之後救脫之功將專歸於野臺參矣

又鄰村李邊務李媪年七旬勞喘甚劇十年未嘗臥寢俾每日用熟地煎湯當茶飲之數日即安臥其家人反懼甚以爲如此改常恐非吉兆而不知其病之愈也

又鄰村龍潭張媪年過七旬孟夏病溫五六日間身熱燥渴精神昏憤舌似無苔而舌皮數處作黑色乾而且縮脉細數無力當此高年審證論脈似在不治躊躇再四爲疏兩方  
一方即白虎加人參以山藥代粳米湯一方用熟地黃二兩生山藥枸杞各一兩真阿膠五錢煎湯後調入生鷄子黃四枚二方各煎湯一大碗徐徐輪流服盡劑而愈

又奉天省長公暑科長侯壽平之誥嗣年五歲因服涼瀉之藥太過致成慢驚胃寒吐瀉常常癡癡精神昏潰目睛上泛有危在頃刻之象爲處方用熟地黃二兩生山藥一兩乾薑附子肉桂各二錢淨萸野臺參各三錢煎湯一杯半徐徐溫下吐瀉癡癡皆止精神亦振似有煩躁之意遂去乾薑加生杭芍四錢再服一劑全愈

統觀以上諸案馮氏謂地黃大補腎中元氣之說非盡無憑蓋陰者陽之守血者氣之配

地黃大能滋陰養血大劑服之使陰血充足人身元陽之氣自不至於上脫下陷也

### 甘草解

甘草性微溫其味至甘得土氣最全萬物由土而生復歸土而化故能解一切毒性甘者主和故有調和脾胃之功甘者主緩故雖補脾胃而實非峻補灸用則補力較大是以方書謂脹滿證忌之若軋末生服轉能通利二便消脹除滿若治瘡瘍亦宜生用或用生者煎服亦可其皮紅兼入心故仲景有甘草瀉心湯用連芩半夏以瀉心下之痞卽用甘草以保護心主不爲諸藥所傷損也至白虎湯用之是藉其甘緩之性以緩寒藥之侵下通脈湯四逆湯用之是藉其甘緩之性以緩熱藥之僭上與芍藥同用能育陰緩中止疼（仲景有甘草芍藥湯）與乾薑同用能逗留其熱力使之綿長（仲景有甘草乾薑湯）與半夏細辛諸藥同用能解其辛而且麻之味使歸和平惟與大戟芫花甘遂海藻相反餘藥則皆相宜也

古方治肺癰初起有單用粉甘草四兩煮湯飲之者恆有效驗愚師其意對於肺結核之初期欬嗽吐痰微帶腥臭者恆用生粉甘草爲細末每服錢半用金銀花三錢煎湯送下

日服三次屢屢獲效若肺病已久或兼吐膿血可用粉甘草細末三錢浙貝母三七細末各錢半共調和爲一日之量亦用金銀花煎湯送下若覺熱者可再加玄參數錢煎湯送服皮黃者名粉甘草性平不溫用於解毒清火劑中尤良

己未孟秋奉天霍亂盛行官銀號總辦劉海泉君謂當擬方登報以救疾苦愚因擬得兩方登之於報一爲急救回生丹用甘草細末一錢硃砂細末錢半冰片三分薄荷冰（亦名薄荷腦）二分共調勻作三次服約多半點鐘服一次一爲衛生防疫寶丹用甘草細末十兩細辛細末兩半香白芷細末一兩薄荷冰四錢冰片二錢水泛爲丸梧桐子大用硃砂細末三兩爲衣每服八十粒多至一百二十粒二方在奉天救人多矣

時桓仁友人袁霖普爲直隸故城縣尹致函問方遂開兩方與之後來信言用急救回生丹施藥二百六十劑卽治愈二百六十人至第二年其處又有霍亂袁君復將衛生防疫寶丹方製藥六大料治愈千人二次袁君皆將其方傳徧近處各縣救人尤多二方中皆重用甘草則甘草之功用可想也然其所以如此奏效者亦多賴將甘草軋細生用未經蜜炙水煮耳誠以暴病傳染皆挾有毒氣流行生用則其解毒之力較大且甘草熟用則

補生用則補中仍有流通之力故於霍亂相宜也至於生用能流通之說可以事實徵之開原王姓幼童脾胃虛弱飲食不能消化恆吐且小便不利周身漫腫腹脹大用生甘草細末與西藥百布聖各等分每服一錢日三次數日吐止便通腫脹皆消

又鐵嶺友人魏紫綬在通遼鎮經理儲蓄會其地多甘草紫綬日以甘草置茶壺中當茶葉沖水飲之旬日其大小便皆較勤遂不敢復飲後與愚覲面爲述其事且問甘草原有補性何以通利二便答曰甘草熟用則補生用則通以之置茶壺中雖沖以開水其性未熟仍與生用相近故能通也

又門生李子博言曾有一孺子患腹疼用暖臍膏貼之後其貼處潰爛醫者謂多飲甘草水可愈復因飲甘草水過多小便不利身腫腹脹再延他醫治之服藥無效其地近火車站火車恆裝卸甘草其姊携之拾甘草嚼之日以爲常其腫脹竟由此而消觀此則知甘草生用熟用其性竟若是懸殊用甘草者可不於生熟之間加之意乎

### 硃砂

硃砂味微甘性涼生於山麓極深之處爲汞五硫一化合而成硫屬陽汞屬陰爲其質爲

陰陽團結且又性涼體重故能養精神安魂魄鎮驚悸熄肝風爲其色赤入心能清心熱使不耗血故能治心虛怔忡及不眠爲其原質硫汞皆能消除毒菌故能治暴病傳染霍亂吐瀉爲其色赤爲純陽之色故能驅除邪祟不祥爲其含汞質甚多重墜下行且又色赤能入腎導引腎氣上達於心則陰陽調和水火既濟目得水火之精氣以養其瞳子故能明目外用之又能敷瘡瘍疥癩諸毒亦藉其原質爲硫汞化合之力也

鄒潤安曰凡藥所以致生氣於病中化病氣爲生氣者也凡用藥取其稟賦之偏以救陰陽之偏勝也是故藥物之性未有不偏者徐洄溪曰藥之用或取其氣或取其味或取其色或取其形或取其質或取其性情或取其所生之時或取其所成之地愚謂丹沙則取其質與氣與色爲用者也質之剛是陽內含汞則陰氣之寒是陰色純赤則陽故其義爲陽抱陰陰承陽稟自先天不假作爲人之有生以前兩精相搏卽有精神依於精乃有氣有氣而後有生有生而後知識具以成其魂鑒別昭以成其魄故凡精氣失其所養則魂魄遂不安欲養之安之則捨陰陽緊相抱持密相承接之丹砂又奚取乎然謂主身體五臟百病養精神安魂魄益氣明目何也夫固以氣寒非溫煦生生之具故僅能於身體

五臟百病中養精神安魂魄益氣明目耳若身體五臟百病中其不必養精神安魂魄益氣明目者則不必用丹砂也血脈不通者水中之火不繼續也煩滿消渴者火中之水失滋澤也中惡腹痛陰陽不相保抱邪得乘間以入毒氣疥癩諸瘡陽不畜陰而反灼陰惟得藥之陽抱陰陰涵陽者治之斯陽不爲陰賊陰不爲陽累諸疾均可已矣按此爲鄒氏釋本經之文可謂精細入微矣

壬寅秋月霍亂流行友人毛仙閣之姪受此證至垂危衣冠既畢昇之牀上仙閣見其仍有微息遂研硃砂錢許和童便灌之其病由此竟愈又一女子受此病至垂危醫者辭不治時愚充教員於其處求爲診治亦用藥無效適有搖鈴賣藥者言能治此證亦單重用硃砂錢許治之而愈愚從此知硃砂善化霍亂之毒菌至己未在奉天擬得急救回生丹衛生防疫寶丹兩方皆重用硃砂（方詳甘草解後）治愈斯歲之患霍亂者不勝紀傳之他省亦救人甚夥可徵硃砂之功效神奇矣然須用天產硃砂方效若人工所造硃砂（色紫成大塊作錠形者爲人工所造硃砂）止可作顏料用不堪入藥

鴉胆子解 俗名鴨蛋子卽苦參所結之子

鴉胆子味極苦性涼爲涼血解毒之要藥善治熱性赤痢（赤痢間有涼者）二便因熱下血最能清血分之熱及腸中之熱防腐生肌誠有奇效愚生平用此藥治愈至險之赤痢不勝紀衷中參西錄痢門諸方後附有數案可參觀用時去皮每服二十五粒極多至五十粒白糖水送下此物宜囫圇吞服去皮時仁有破者去之勿服服之恐作嘔吐

按鴉胆子諸家未言治瘡解毒而愚用之以治毒梅及花柳毒淋皆有效驗搗爛醋調敷疔毒效驗異常洵良藥也

龍骨解

龍骨味淡微辛性平質最黏澀具有翕收之力（以舌舐之卽吸舌不脫有翕收之力可知）故能收斂元氣鎮安精神固澀滑脫凡心中怔忡多汗淋漓吐血衄血二便下血遺精白濁大便滑瀉小便不禁女子崩帶皆能治之其性又善利痰治肺中痰飲欬嗽欬逆上氣其味微辛收斂之中仍有闢通之力故本經謂其主瀉利膿血女子漏下而又主癥瘕堅結也 龍齒與龍骨性相近而又饒鎮降之力故本經謂主小兒大人驚癇癩疾狂走心下結氣不能喘息也

龍之爲物歷載於上古中古各書原可確信其有也而西人則謂天地間決無此物所謂龍骨者乃山礦中之石類誠如西人之說則藥肆所鬻之龍骨何以宛有骨節且有齒與角乎愚嘗與內鍊諸道友談及而道友之內鍊功深者則謂兩眉之間恆自見有陽光外現作金色彷彿若龍愚乃恍然悟會古人所謂尸居龍見者卽此謂也並悟天地間之所謂龍原係天地間元陽之氣稟有元陽之靈卽有時得諸目睹無非元陽之光外現也然其光有象無質（此易所謂在天成象）故龍之飛騰變化莫可端倪此易之乾卦論純陽之天德而取象於龍使龍實有體質仍藐然一物耳豈可以仿天德哉然氣化之妙用恆陰陽互相應求龍之飛也太空之陰雲應之與之化合而成兩龍之潛也地下之陰氣應之與之化合而成形（此易所謂在地成形）所成之形名爲龍骨實乃龍身之模範也迨陽氣萌動上升龍之元陽乘時飛去而其化合所成之形質仍留地中於是取以入藥最有翕收之力凡人身陰陽將離氣血滑脫神魂浮越之證皆能愈之以其原爲真陰陽之氣化合而成所以能使人身之陰陽互根氣血相戀神魂安泰而不飛越也如謂係他物之骨久埋地中得山隴之氣化而爲石質若石蟹石燕者然而天地間何物之骨有若是

之巨者哉

徐靈胎曰龍得天地元陽之氣以生藏時多見時少其性至動而能靜故其骨最黏澀能收斂正氣凡心神耗散腸胃滑脫之疾皆能已之且斂正氣而不斂邪氣所以仲景於傷寒之邪氣未盡者亦用之

右所錄徐氏議論極精微所謂斂正氣而不斂邪氣外感未盡亦可用之者若仲景之柴胡加龍骨牡蠣湯桂枝甘草龍骨牡蠣湯諸方是也愚於傷寒溫病熱實脉虛心中怔忡精神騷擾者恆龍骨與黃肉生石膏並用即可隨手奏效有案載黃肉條下可參觀至其謂龍爲元陽之氣所生愚因之則別有會心天地有元陽人身亦有元陽氣海中之元氣是也此元氣在太極爲未判陰陽包括爲先天生生之氣卽無極也由此陽氣上升而生心陽氣下降而生腎陰陽判而兩儀立矣心陽也而中藏血液腎陰也而中藏相火陰中有陽中有陰而四象成矣龍爲天地之元陽所生是以元氣將渙散者重用龍骨卽能斂住此同氣感應之妙用也且元氣之脫多由肝經「肝系下與氣海相連故元氣之上脫者必由肝經」因肝主疏泄也夫肝之取象爲青龍亦與龍骨爲同氣是以龍骨之性既

能入氣海以固元氣更能入肝經以防其疏泄元氣此乃天生妙藥是以本經列之上品也且爲其能入肝斂戢肝木愚於忽然中風肢體不遂之證其脉甚弦硬者知係肝火肝風內動恆用龍骨同牡蠣加於所服藥中以斂戢之至脈象柔和其病自愈三期七卷有鎮肝熄風湯五期三卷有建瓴湯皆重用龍骨方後皆附有驗案可參觀

陳修園曰痰水也隨火而上升龍屬陽而潛於海能引逆上之火泛濫之水下歸其宅若與牡蠣同用爲治痰之神品今人止知其性潛以收脫何其淺也

王洪緒謂龍骨宜懸於井中經宿而後用之觀此可知龍骨不宜煨用也愚用龍骨約皆生用惟治女子血崩或將流產至極危時恆用煨者取其澀力稍勝以收一時之功也

### 牡蠣解

牡蠣味鹹而澀性微涼能軟堅化癥善消瘰癧止呃逆固精氣治女子崩帶本經謂其主濕瘡者因濕瘡但在足少陽故不與太陽相併爲寒但與陽明相併爲熱（此理參觀五期一卷少陽爲游部論始明）牡蠣之生背西向東爲足少陽對宮之藥有自然感應之理故能入其經而祛其外來之邪主驚恚怒氣者因驚則由於胆怒則由於肝牡蠣鹹寒

屬水以水滋木則肝胆自得其養且其性善收斂有保合之力則胆得其助而驚恐自除其質類金石有鎮安之力則肝得其平而恚怒自息也至於筋原屬肝肝不病而筋之或拘或緩者自愈故本經又謂其除拘緩也

牡蠣所消之瘰癧卽本經所謂瘰癧本經載之盡人皆能知之而其所以能消瘰癧者非因其鹹能軟堅也蓋牡蠣之原質爲碳酸鈣化合而成其中含有沃度（亦名海典）沃度者善消瘰癧贅瘰癧之藥也

方書謂牡蠣左顧者佳然左顧右顧辨之頗難因此物乃海中水氣結成億萬相連或覆或仰積聚如山古人謂之蠓山（蠓卽牡蠣）覆而生者其背凸仍覆置之視其頭向左回者爲左顧仰而生者其背凹仍仰置之其頭亦向左回者爲左顧若不先辨其覆與仰何以辨其左顧右顧乎然以愚意測之若瘰癧在左邊者用左顧者佳若瘰癧在右邊者左顧者亦未必勝於右顧者也

牡蠣若作丸散亦可煨用因煨之則其質稍軟與脾胃相宜也然宜存性不可過煨若入湯劑仍以不煨爲佳

附案

一少年項側起一瘰癧其大如茄上連耳下至缺盆求醫治療言服藥百劑亦不能保其必愈而其人家貧傭功爲人耘田不惟無錢買如許多藥卽服之亦不暇然其人甚強壯飲食甚多俾於每日三餐之時先用飯湯送服煨牡蠣細末七八錢一月之間消無芥蒂然此惟身體強壯且善飯者可如此單服牡蠣若脾胃稍弱者卽宜佐以健補脾胃之藥不然恐瘰癧未愈而脾胃先傷轉致成他病也

石決明解

石決明味微鹹性微涼爲涼肝鎮肝之要藥肝開竅於目是以其性善明目研細水飛作敷藥能除目外障作丸散內服能消目內障（消內障丸散優於湯劑）爲其能涼肝兼能鎮肝故善治腦中充血作疼作眩暈因此證多係肝氣肝火挾血上衝也是以愚治腦充血證恆重用之至兩許其性又善利小便通五淋蓋肝主疏泄爲腎行氣用決明以涼之鎮之俾肝氣肝火不妄動自能下行腎氣不失疏泄之常則小便之難者自利五淋之濇者自通矣此物乃鱉甲也狀如蛤單片附石而生其邊有孔如豌豆七孔九孔者佳宜

生研作粉用之不宜燬用

玄參解

玄參色黑味甘微苦性涼多液原爲清補腎經之藥其中心空而色白（此其本色藥房多以黑豆皮水染之則不見其白矣）故又能入肺以清肺家燥熱解毒消火最宜於肺病結核肺熱欬嗽本經謂其治產乳餘疾因其性涼而不寒又善滋陰且兼有補性（凡名參者皆含有補性）故產後血虛生熱及產後寒溫諸證熱入陽明者用之最宜愚生平治產後外感實熱其重者用白虎加人參湯以玄參代方中知母其輕者用拙擬滋陰清胃湯（方載三期八卷係玄參兩半當歸三錢生杭芍四錢茅根二錢甘草錢半）亦可治愈誠以產後忌用涼藥而既有外感實熱又不得不以涼藥清之惟石膏與玄參本經皆明載治產乳故敢放胆用之然用石膏又必加人參以輔之又不敢與知母並用至滋陰清胃湯中重用玄參亦必以四物湯中歸芍輔之此所謂小心放胆并行不背也本經又謂玄參能明目誠以肝開竅于目玄參能益水以滋肝木故能明目且目之所以能視者在瞳子中神水充足神水固腎之精華外現者也是以玄參與柏實枸杞並用以治

肝腎虛而生熱視物不了了者恆有捷效也又外感大熱已退其人真陰虧損舌乾無津胃液消耗口苦懶食者愚恆用玄參兩許加潞黨參二三錢連服數劑自愈

### 當歸解

當歸味甘微辛氣香液濃性溫爲生血活血之主藥而又能宣通氣分使氣血各有所歸故名當歸其力能升（因其氣厚而溫）能降（因其味厚而辛）內潤臟腑（因其液濃而甘）外達肌表（因其味辛而溫）能潤肺金之燥故本經謂其主欬逆上氣能緩肝木之急故金匱當歸芍藥散治婦人腹中諸疼痛能補益脾血使人肌膚華澤生新兼能化癥故能治周身麻痺肢體疼痛瘡瘍腫疼活血兼能止血故能治吐血衄血（須用醋炒取其能降也）二便下血「須用酒炒取其能升也」潤大便兼能利小便舉凡血虛血枯陰分虧損之證皆宜用之惟虛勞多汗大便滑瀉者皆禁用

當歸之性雖溫而血虛有熱者亦可用之因其能生血卽能滋陰能滋陰卽能退熱也其表散之力雖微而頗善祛風因風着人體恆致血痺血活痺開而風自去也至於女子產後受風發搐尤宜重用當歸因產後之發搐半由於受風半由於血虛「血虛不能榮筋」

當歸既能活血以祛風又能生血以補虛是以愚治此等證恆重用當歸一兩少加散風之品以佐之卽能隨手奏效

附案

一少婦身體羸弱月信一次少於一次浸至止來少許詢問治法時愚初習醫未敢疏方俾每日單用當歸八錢煑汁飲之至期所來經水遂如常由此可知當歸生血之效也

一人年四十餘得溺血證自用當歸一兩酒煑飲之而愈後病又反覆再用原方不效求爲診治愚俾單用去皮鴉胆子五十粒冰糖化水送下而愈後其病又反覆再服鴉胆子方兩次無效仍用酒煑當歸飲之而愈夫人猶其人證猶其證從前治愈之方後用之有效有不效者或因血證之前後涼熱不同也然卽此亦可知當歸之能止下血矣

## 衷中參西錄第四期第二卷

### 芍藥解

芍藥味苦微酸性涼多液（單煮之其汁甚濃）善滋陰養血退熱除煩能收斂上焦浮越之熱下行自小便瀉出爲陰虛有熱小便不利者之要藥爲其味酸故能入肝以生肝血爲其味苦故能入胆而益胆汁爲其味酸而兼苦且又性涼又善瀉肝胆之熱以除痢疾後重（痢後重者皆因肝胆之火下迫）療目疾腫疼（肝開竅於目）與當歸地黃同用則生新血與桃仁紅花同用則消瘀血與甘草同用則調和氣血善治腹疼與竹茹同用則善止吐衄與附子同用則翕收元陽下歸宅窟惟力近和緩必重用之始能建功

芍藥原有白赤二種以白者爲良故方書多用白芍至於化瘀血赤者較優故治瘡瘍者多用之爲其能化毒熱之瘀血不使潰膿也白芍出于南方杭州產者最佳其色白而微紅其皮則紅色又微重爲其色紅白相兼故調和氣血之力獨優赤芍出於北方關東三省各山皆有肉紅皮赤其質甚粗若野草之根故張隱庵陳修園皆疑其非芍藥花根愚向亦疑之至奉後因得目睹疑團方釋特其花葉皆小且花皆單瓣其花或粉紅或紫色

然無論何色其根之色皆相同

附案

一童子年十五六歲於季春得溫病經醫調治八九日間大熱已退而心猶發熱怔忡莫支小便不利大便滑瀉脈象虛數仍似外邪未淨爲疏方用生杭芍二兩炙甘草一兩半煎湯一大碗徐徐溫飲下盡劑而愈夫本經謂芍藥益氣元素謂其止瀉利卽此案觀之洵不誤也然必以炙草輔之其功效乃益顯 按此證原宜用拙擬滋陰清燥湯方載三期五卷原有芍藥六錢甘草三錢又加生懷山藥滑石各一兩而當時其方猶未擬出但投以芍藥甘草幸亦隨手奏效二方之中其甘草一生用一炙用者因一則少用之以爲輔佐品藉以調和藥之性味是以生用一則多用之至兩半藉其補益之力以止滑瀉是以炙用且傷寒論原有芍藥甘草湯爲育陰之妙品方中芍藥甘草各四兩其甘草亦係灸用也

鄰村黃龍井周寶和年二十餘得溫病醫者用藥清解之旬日其熱不退診其脈左大於右者一倍按之且有力夫寒溫之熱傳入陽明其脈皆右大於左以陽明之脈在右也卽

傳入少陽厥陰其脈亦右大於左因既挾有外感實熱縱兼他經仍以陽明爲主也此證獨左大於右乃溫病之變證遂投以小劑白虎湯（方中生石膏止用五錢）重加生杭芍兩半煎湯兩茶杯頓飲之須臾小便一次甚多病若失

鄰村霍氏婦周身漫腫腹脹小便不利醫者治以五皮飲不效其脈數而有力心中常覺發熱知其陰分虧損陽分又偏盛也爲疏方用生杭芍兩半玄參滑石地膚子甘草各三錢煎服一劑卽見效驗後卽方略爲加減連服數劑全愈

奉天大西關陳某年四十餘自正月中旬覺心中發熱懶食延至暮春其熱益甚常常腹疼時或泄瀉其脈右部弦硬異常按之甚實舌苔微黃知係外感伏邪因春萌動傳入胃府久而化熱而肝木復乘時令之旺以侮剋胃土是以腹疼且泄瀉也其脈象不爲洪實而現弦硬之象者因胃土受侮亦從肝木之化也爲疏方用生杭芍生懷山藥滑石玄參各一兩甘草連翹各三錢煎服一劑熱與腹疼皆愈強半可以進食自服藥後大便猶下兩次診其脈象已近和平遂將方中芍藥滑石玄參各減半又服一劑全愈

奉天憲兵營陳連長夫人年二十餘於季春得溫病四五日間延爲診治其證表裏俱熱

脈象左右皆洪實腹中時時切疼大便日下兩三次舌苔厚而微黃知外感邪熱已入陽明之府而肝胆乘時令木氣之旺又挾實熱以侮尅中土故腹疼而又大便動也亦投以前方加鮮茅根三錢一劑腹疼便瀉卽止又服一劑全愈觀此二案知傷寒論諸方腹痛皆加芍藥不待疎解而而明也至於茅根入藥必須鮮者方效若無鮮者可不用

一婦人年三十許因陰虛小便不利積成水腫甚劇大便亦旬日不通一老醫投以八正散不效友人高夷清爲出方用生白芍六兩煎湯兩大碗再用生阿膠二兩融化其中俾病人盡量飲之老醫甚爲駭疑夷清力主服之盡劑而二便皆通腫亦頓消後老醫與患覲面爲述其事且問此等藥何以能治此等病答曰此必陰虛不能化陽以致二便閉塞白芍善利小便阿膠能滑大便二藥並用又大能滋補真陰使陰分充足以化其下焦偏盛之陽則二便自能利也

長子蔭潮洩一水腫證其人年六旬二便皆不通利心中滿悶時或煩躁知其陰虛積有內熱又兼氣分不舒也投以生白芍三兩橘紅柴胡各三錢一劑二便皆通繼服滋陰理氣少加利小便之藥全愈

### 芎藭解

芎藭味辛微苦微甘氣香竄性溫溫竄相併其力上升下降外達內透無所不至故諸家本草多謂其能走泄真氣然無論何藥皆有益有弊亦視用之何如其特長在能引人身清輕之氣上至於腦治腦爲風襲頭疼腦爲浮熱上衝頭疼腦部充血頭疼其溫竄之力又能通活氣血治周身拘攣女子月閉無子雖係走竄之品爲其味微甘且含有津液用之佐使得宜亦能生血

成問芎藭治腦爲風襲頭疼以其有表散之力也治浮熱上衝頭疼因其能引涼藥之力至腦以清熱也二證用芎藭宜矣至腦部充血頭疼而治以芎藭不益引血上行乎豈爲其微苦而有降血下行之力乎答曰此理之精微可卽化學明之天地間諸氣相併惟輕氣居最上一層觀輕氣感在空氣之中能自上升是也人之腦中原多輕氣有時輕氣缺乏諸重濁之氣卽可乘腦部之空虛而上干而上行養腦之血或卽因之而淪其常度此腦充血之所由來也芎藭能引臟腑之輕氣上達腦部自能排擠重濁之氣下降而腦部之充血亦卽可因之下降猶無論何物何氣在輕氣中自下沈也此其所以治腦部充血

頭疼也然愚治腦部充血頭疼另有妙方不必重用芎藭也牛膝條下附載治愈之案可參觀

四物湯中用芎藭所以行地黃之滯也所以治清陽下陷時作寒熱也若其人陰虛火升頭上時汗出者芎藭卽不宜用

附案

友人郭省三夫人產後頭疼或與一方當歸芎藭各一兩煎服卽愈此蓋產後血虛兼受風也愚生平用芎藭治頭疼不過二三錢曾治一人年三十餘頭疼數年服藥或愈仍然反覆其脈弦而有力左關尤甚知其肝血虧損肝火熾盛也投以熟地柏實各一兩生龍骨生牡蠣龍胆草生杭芍枸杞各四錢甘草芎藭各二錢一劑疼止又服數劑永不反覆又治一人因腦爲風襲頭疼用川芎菊花各二錢煎湯服之立愈

大黃解

大黃味苦氣香性涼能入血分破一切瘀血爲其氣香故兼入氣分少用之亦能調氣治氣鬱作疼其力沈而不浮以攻決爲用下一切癥瘕積聚能開心下熱痰以愈瘋狂降腸

胃熱實以通燥結其香竄透竅之力又兼利小便「大黃之色服後入小便其利小便可知」性雖下趨而又善清在上之熱故目疼齒疼用之皆爲要藥又善解瘡瘍熱毒以治疔毒尤爲特效之藥「疔毒甚劇他藥不效者當重用大黃以通其大便自愈」其性能降胃熱並能引胃氣下行故善止吐衄仲景治吐血衄血有瀉心湯大黃與黃連黃芩並用本經謂其能推陳致新因有黃良之名仲景治血痺虛勞有大黃廔蟲丸有百勞丸方中皆用大黃是眞能深悟推陳致新之旨者也

按金匱瀉心湯誠爲治吐血衄血良方惟脈象有實熱者宜之若脈象微似有熱者愚恆用大黃三錢煎湯送服赤石脂細末四五錢若脈象分毫無熱且心中不覺熱者愚恆用大黃細末肉桂細末各六七分用開水送服卽愈

凡氣味俱厚之藥皆忌久煎而大黃尤甚且其質經水泡卽軟煎一兩沸藥力皆出與他藥同煎宜後入若單用之開水浸服卽可若軋作散服之一錢之力可抵煎湯者四錢大黃之力雖猛然有病則病當之恆有多用不妨者是以治癩狂其脈實者可用至二兩治疔毒之毒熱甚盛者亦可用至兩許蓋用藥以勝病爲準不如此則不能勝病不得不

放胆多用也

愚在籍時曾至鄰縣海豐治病其地有程子河爲黃河入海故道海中之船恆泊其處其地有楊氏少婦得奇疾赤身臥帳中其背腫熱若有一縷着身卽覺熱不能忍百藥無效後有乘船自南來赴北閘鄉試者精通醫術延爲診視言係陽毒傳用大黃十斤煎湯十斤放量飲之數日飲盡竟霍然全愈爲其事至奇故附記之

朴硝硝石解

朴硝味鹹微苦性寒稟天地寒水之氣以結晶水能勝火寒能勝熱爲心火熾盛有實熱者之要藥療心熱生痰神經迷亂五心潮熱煩躁不眠且鹹能軟堅其性又善消故能通大便燥結化一切痰滯鹹入血分故又善消瘀血治妊婦胎殤未下外用化水點眼或煎湯薰洗能明目消翳愈目疾紅腫本經謂鍊服可以養生所謂鍊者如法製爲玄明粉則其性尤良也然今時之玄明粉鮮有如法鍊製者凡藥房中所鬻之玄明多係風化朴硝其性與朴硝無異

附案

一少年女子得瘋疾癲狂甚劇屢次用藥皆未能灌下後爲設方單用朴硝當鹽加於菜疏中服之病人不知月餘全愈因將其方載於衷中參西錄後法庫門生萬澤東治一少女瘋狂強灌以藥竟將藥碗咬破仍未灌下澤東素閱衷中參西錄知此方遂用朴硝和鮮菜蕪作湯令病人食之數日全愈

奉天清丈局科員劉敷陳年四十餘得結證飲食行至下脘復轉而吐出無論服何藥亦如茲且其處時時切疼上下不通者已旬日矣俾用朴硝六兩與鮮菜蕪片同煮至菜蕪爛熟撈出又添生片再煮換至六七次約用菜蕪七八斤將朴硝鹹味藉菜蕪提之將盡餘濃汁四茶杯每次溫飲一杯兩點鐘一次飲至三次其結已開大便通下其女公子時患痢疾俾飲其餘痢疾亦愈

奉天財政廳科長于允恭夫人年近五旬因心熱生痰痰火瘀滯煩燥不眠五心潮熱其脉象洪實遂用朴硝和炒熟麥麵煉蜜爲丸三錢重每丸中約有朴硝一錢早晚各服一丸半月全愈蓋人多思慮則心熱氣結其津液亦恆隨氣結於心下經心火灼煉而爲熱痰朴硝鹹而且寒原爲心經對宮之藥其鹹也屬水力能勝火而又寒能勝熱且其性善

消又能開結故以治心熱有痰者最宜也至於必同麥麵爲丸者以麥爲心穀心臟有病以朴硝瀉之卽以麥麵補之補破相濟爲用則藥性歸於和平而後可久服也

硝石卽焰硝俗名火硝味辛微鹹性與朴硝相近其寒涼之力遜於朴硝而消化之力勝於朴硝若與皂礬同用善治內傷黃疸消胆中結石膀胱中結石(卽石淋)及鉤蟲病(鉤蟲及胆石病皆能令人成黃疸)三期三卷有審定金匱硝石礬石散方可參觀

厚朴解

厚朴味苦辛性溫治胃氣上逆惡心嘔噦胃氣鬱結脹滿疼痛爲溫中下氣之要藥爲其性溫味又兼辛其力不但下行又能上升外達故本經謂其主中風傷寒頭痛金匱厚朴麻黃湯用治欬而脈浮與橘夏並用善除濕滿與薑朮並用善開寒痰凝結與硝黃並用善通大便燥結與烏藥並用善治小便因寒白濁味之辛者屬金又能入肺以治外感欬逆且金能制木又能入肝平肝木之橫恣以愈脇下揪疼其色紫而含有油質故兼入血分甄權謂其破宿血古方治月閉亦有單用之者諸家多謂其誤服能脫元氣獨葉香嚴謂多用則破氣少用通陽誠爲確當之論

附案

一少婦因服寒涼開胃之藥太過致胃陽傷損飲食不化寒痰瘀於上焦常常短氣治以苓桂朮甘湯加乾薑四錢厚朴二錢囑其服後若不覺溫煖可徐徐將乾薑加重後數月見其家人言乾薑加至一兩二錢厚朴加至八錢病始脫然問何以並將厚朴加重謂初但將乾薑加重則服之覺悶後將厚朴漸加重至八錢始服之不覺悶而寒痰亦從此開豁矣由是觀之元素謂寒脹之病於大熱藥中兼用厚朴爲結者散之之神藥誠不誤也愚二十餘歲時於仲秋之月每至申酉時腹中作脹後於將作脹時但嚼服厚朴六七分許如此兩日脹遂不作蓋以秋金收令太過致腹中氣化不舒申酉又是金時是以至其時作脹耳服厚朴辛以散之溫以通之且能升降其氣化是以愈耳

愚治衝氣上衝並挾痰涎上逆之證皆重用龍骨牡蠣半夏赭石諸藥以降之鎮之斂之而必少用厚朴以宣通之則衝氣痰涎下降而中氣仍然升降自若無滯礙

麻黃解

麻黃味微苦性溫爲發汗之主藥於全身之臟腑經絡莫不透達而又以逐發太陽風寒

爲其主治之大綱故本經謂其主中風傷寒頭痛諸證又謂其主欬逆上氣者以其善搜肺風兼能瀉肺定喘也謂其破癥瘕積聚者以其能透出皮膚毛孔之外又能探入積痰凝血之中而消堅化瘀之藥可借之以奏效也且其性善利小便不但走太陽之經兼能入太陽之府更能由太陽而及於少陰（是以傷寒少陰病用之）並能治瘡疽白硬陰毒結而不消

太陽爲周身之外廓外廓者皮毛也肺亦主之風寒襲人不但入太陽必兼入手太陰肺經恆有欬嗽微喘之證麻黃兼入手太陰爲逐寒搜風之要藥是以能發太陽之汗者不僮麻黃而傷寒論治太陽傷寒無汗獨用麻黃湯者治足經而兼顧手經也

凡利小便之藥其中空者多兼能發汗木通蘆蓄之類是也發汗之藥其中空者多兼能利小便麻黃柴胡之類是也傷寒太陽經病恆兼入太陽之府「膀胱」致留連多日不解麻黃治在經之邪而在府之邪亦兼能治之蓋在經之邪出汗而解而在府之邪亦可由小便而解彼後世自作聰明恆用他藥以代麻黃者於此義蓋未之審也

受風水腫之證金匱治以越婢湯其方以麻黃爲主取其能祛風兼能利小便也愚平素

臨證用其方屢藥後果能得汗其小便卽頓能利下而腫亦遂消特是其方因麻黃與石膏並用石膏之力原足以監制麻黃恆有服之不得汗者今變通其方於服越婢湯之前先用白糖水送服西藥阿斯必林一瓦半必能出汗趁其正出汗時將越婢湯服下其汗出必益多小便亦遂通下

東人三浦博士用麻黃十瓦煎成水一百瓦爲一日之量分三次服下治慢性腎炎小便不利及腎臟萎縮小便不利用之有效有不效以其證之涼熱虛實不同不知用他藥佐之以盡麻黃之長也試觀金匱水氣門越婢湯麻黃輔以石膏因其脈浮有熱也（脈浮固係有風實亦有熱）麻黃附子湯輔以附子因其脈沈而寒也通變化裁息息與病機相赴是真善用麻黃者矣

鄒潤安曰麻黃之質中黑外赤其莖宛似脈絡骨節中央赤外黃白（節上微有白皮）實者先天莖者後天先天者物之性其義爲由腎及心後天者物之用其義爲由心及脾肺由腎及心所謂腎主五液入心爲汗也由心及脾胃所以分布心陽外至骨節肌肉皮毛使其間留滯無不傾囊出也故栽此物之地冬不積雪爲其能伸陽氣於至陰之中不爲

盛寒所遏耳

古方中有麻黃皆先將麻黃煮數沸吹去浮沫然後納他藥蓋以其所浮之沫發性過烈去之所以使其性歸和平也

麻黃帶節發汗之力稍弱去節則發汗之力較強今時用者大抵皆不去節至其根則純係止汗之品本是一物而其根莖之性若是迥殊非經細心實驗何以知之

陸九芝謂麻黃用數分即可發汗此以治南方之人則可非所論於北方也蓋南方氣煖其人肌膚薄弱汗最易出故南方有麻黃不過錢之語北方若至塞外氣候寒冷其人之肌膚強厚若更爲出外勞碌不避風霜之人又當嚴寒之候恆用至七八錢始能汗者夫用藥之道貴因時因地因人活潑斟酌以勝病爲主不可拘於成見也

柴胡解

柴胡味微苦性平稟少陽生發之氣其氣於時爲春於五行爲木故柴胡爲足少陽主藥而兼治足厥陰肝氣不舒暢者此能舒之胆火甚熾盛者此能散之至外感在少陽者又能助其樞轉以透隔升出之故本經謂其主寒熱寒熱者少陽外感之邪也又謂其主心

腹腸胃中結氣飲食積聚誠以五行之理木能疏土爲柴胡善達少陽之木氣則少陽之氣自能疏通胃土之鬱而其結氣飲食積聚自消化也

本經柴胡主寒熱山茱萸亦主寒熱柴胡所主之寒熱爲少陽外感之邪若傷寒瘧疾是也故宜用柴胡和解之山萸肉所主之寒熱爲厥陰內傷之寒熱若肝臟虛極忽寒忽熱汗出欲脫是也故宜用山萸肉補斂之二證之寒熱雖同而其病因判若天淵臨證者當細審之用藥慎勿誤投也

柴胡非發汗之藥而多用之亦能出汗小柴胡湯多用之至八兩按今時分量計之且三分之（古方一煎二服故可三分）一劑可得八錢小柴胡湯中如此多用柴胡者欲藉柴胡之力升提少陽之邪以透膈上出也然多用之又恐其旁行發汗則上升之力不專小柴胡湯之去渣重煎所以減其發汗之力也

或疑小柴胡湯既非發汗之藥何以傷寒論百四十九節服柴胡湯後何以有汗出而解之語不知此節文義原爲誤下之後服小柴胡湯者說法夫小柴胡湯係和解之劑原非發汗之劑特以誤下之後脇下所聚外感之邪兼散漫於手少陽三焦因少陽爲游部手

足少陽原相貫徹也此時仍投以小柴胡和解之則邪之散漫於三焦者遂可由手少陽外達之經絡作汗而解而其留於脇下者亦與之同氣相求借徑於手少陽而汗解故於發熱汗出上特加一却字言非發其汗而却由汗解也然足少陽之由汗解原非正路乃其服小柴胡湯後脇下之邪欲上升透膈因下後氣虛不能助之透過而其邪之散漫於手少陽者且又以同類相招遂於蓄極之時而開旁通之路此際幾有正氣不能勝邪氣之勢故必先蒸蒸而振大有邪正相爭之象而後發熱汗出而解此卽所謂戰而後汗也觀下後服柴胡湯者其出汗若是之難則足少陽之病由汗解原非正路益可知也是以愚生平臨證於壯實之人用小柴胡湯時恆減去人參而於經醫誤下之後者若用小柴胡湯必用人參以助其戰勝之力

用柴胡以治少陽外感之邪不必其寒熱往來也但知其純係外感而有惡心欲吐之現象是卽病在少陽欲藉少陽樞轉之機透膈上達也治以小柴胡可隨手奏效此病機欲上者因而越之也又有其人不見寒熱往來亦並不喜嘔惟頻頻多吐黏涎斯亦可斷爲少陽病而與以小柴胡湯蓋少陽之去路爲太陰濕土因包脾之脂膜原與板油相近

而板油亦脂膜又有同類相招之義此少陽欲傳太陰而太陰濕土之氣經少陽之火鑠鍊遂凝爲黏涎頻頻吐出投以小柴胡湯可斷其入太陰之路俾由少陽而解矣又柴胡爲瘧疾之主藥而小心過甚者謂其人若或陰虛燥熱可以青蒿代之不知瘧邪伏於脇下兩板油中乃足少陽經之大都會柴胡能入其中升提瘧邪透膈上出而青蒿無斯力也若遇陰虛者或熱入於血分者不妨多用滋陰涼血之藥佐之若遇燥熱者或熱盛於氣分者不妨多用潤燥清火之藥佐之是以愚治瘧疾有重用生地熟地治愈者有重用生石膏知母治愈者其氣分虛者又有重用參耆治愈者然方中無不用柴胡也

#### 附案

一人年過四旬脅下揪疼大便七八日未行醫者投以大承氣湯大便未通而脅下之疼轉甚其脈弦而有力知係肝氣胆火恣盛也投以拙擬金鈴瀉肝湯「方載三期四卷係川棟子五錢乳香沒藥各四錢三稜莪各三錢甘草一錢」加柴胡龍胆草各四錢服後須臾大便通下脅疼頓愈審是則本經謂柴胡主腸胃中飲食積聚推陳致新者誠非虛語也且不但能通大便也方書通小便亦多有有用之者愚試之亦頗效驗蓋小便利之下通

必由手少陽三焦三焦之氣化能升而後能降柴胡不但升足少陽實兼能升手少陽也

桂枝解

桂枝味辛微甘性溫力善宣通能升大氣（卽胸中宗氣）降逆氣（如衝氣肝氣上衝之類）散邪氣（如外感風寒之類）仲景苓桂朮甘湯用之治短氣是取其能升也桂枝加桂湯用之治奔豚是取其能降也麻黃桂枝大小青龍諸湯用之治外感是取其能散也而本經論牡桂（卽桂枝）開端先言其主欬逆上氣似又以能降逆氣爲桂枝之特長諸家本草鮮有言其能降逆氣者是用桂枝而棄其所長也又小青龍湯原桂枝麻黃并用至喘者去麻黃加杏仁而不去桂枝誠以本經原謂桂枝主吐吸卽喘也去桂枝則不能定喘矣乃醫者皆知麻黃瀉肺定喘而鮮知桂枝降氣定喘是不讀本經之過也其花開於中秋是桂之性原得金氣而旺且又味辛屬金故善抑肝木之盛使不橫恣而桂之枝形如鹿角（樹形分鹿角蟹爪兩種）直上無曲故又善理肝木之鬱使之條達也爲其味甘故又善和脾胃能使脾氣之陷者上升胃氣之逆者下降脾胃調和則留飲自除積食自化也其宣通之力又能導引三焦下通膀胱以利小便（小便因熱不利者禁用）

然亦有用涼藥利小便而少加之作嚮導者。惟上焦有熱及恆患血證者忌用。

桂枝非發汗之品亦非止汗之品其宣通表散之力旋轉於表裏之間能和營衛煖肌肉活血脈俾風寒自解麻痺自開因其味辛而且甘辛者能散甘者能補其功用在於半散半補之間也故服桂枝湯欲得汗者必啜熱粥其不能發汗可知若陽強陰虛者誤服之則汗卽脫出其不能止汗可知。

按傷寒論用桂枝皆註明去皮非去枝上之皮也古人用桂枝惟取當年新生嫩枝折視之內外如一皮骨不分若見有皮骨可分辨者去之不用故曰去皮陳修園之姪鳴岐曾詳論之。

### 附案

一婦人年二十餘因與其夫反目怒吞鴉片已經救愈忽發喘逆迫促異常須臾又呼吸頓停氣息全無約十餘呼吸之頃手足亂動似有蓄極之勢而喘復如故若是循環不已勢近垂危延醫數人皆不知爲何病後愚診視其脉左關弦硬右寸無力精思良久恍然悟曰此必怒激肝胆之火挾下焦衝氣上衝胃氣夫胃氣本下行者因肝胆之火衝之轉

而上逆並迫肺氣亦上逆此喘逆迫促所由來也逆氣上干填塞胸膈排擠胸中大氣使之下陷夫肺懸胸中以大氣爲其圍闔之原動力須臾胸中無大氣卽須臾不能呼吸此呼吸頓停所由來也（此理參看二期四卷升陷湯後跋語方明）迨大氣蓄極而通仍上達胸中鼓動肺臟使得呼吸逆氣遂仍得施其擊撞此又病勢之所以循環也欲治此證非一藥而兼能升陷降逆不爲功遂單用桂枝尖四錢煎湯飲下須臾氣息調和如常徐靈胎謂受風有熱者誤用桂枝則吐血是誠確當之論憶曾治一媪年六旬春初感冒風寒投以發表之劑中有桂枝數錢服後卽愈其家人爲其方靈貼之壁上後至孟夏復受感冒自用其方取藥服之遂致吐血經醫治療始愈蓋前所受者寒風後所受者熱風故一則宜用桂枝一則忌用桂枝彼用桂枝湯以治溫病者可不戒哉特是徐氏旣知桂枝誤用可致吐血而其泗溪醫案中載治一婦人外感痰喘證其人素有血證時發時止發則微嗽「據此數語斷之其血證當爲欬血」因痰喘甚劇病急治標投以小青龍湯而愈按用小青龍湯治外感痰喘定例原去麻黃加杏仁而此證則當去桂枝留麻黃且仿金匱用小青龍湯之法再加生石膏方爲穩妥蓋麻黃桂枝皆能定喘而桂枝動血分麻

黃不動血分是以宜去桂枝留麻黃再藉石膏涼鎮之力以預防血分之妄動乃爲萬全之策而當日徐氏用此方未言加減豈略而未言乎抑用其原方乎若用其原方病雖治愈亦幾等孤注之一擲矣

### 三七解

三七味苦微甘性平（諸家多言性溫然單服其末數錢未有覺溫者）善化瘀血又善止血妄行爲吐衄要藥病愈後不至瘀血留於經絡證變虛勞（凡用藥強止其血者恆至血瘀經絡成血痺虛勞）兼治二便下血女子血崩痢疾下血鮮紅（宜與鴉胆子並用）久不愈腸中腐爛浸成潰瘍所下之痢色紫腥臭雜以脂膜此乃腸爛欲穿（三七能化腐生新是以治之）爲其善化瘀血故又善治女子癥瘕月事不通化瘀血而不傷新血允爲理血妙品外用善治金瘡以其末敷傷口立能血止疼愈若跌打損傷內連臟腑經絡作疼痛者外敷內服奏效尤捷瘡瘍初起腫疼者數之可消（當與大黃末等分醋調敷）至本草備要所謂近出一種葉似菊艾而勁厚有歧尖莖有赤稜夏秋開花花蕊如金絲盤紐可愛而氣不香根小如牛蒡味甘極易繁衍云是三七治金瘡折傷血病甚效

者是劉寄奴非三七也

附案

本邑留壇莊高姓童子年十四五歲吐血甚劇醫治旬日無效勢甚危急倉猝遣人詢方俾單用三七末一兩分三次服下當日服完其血立止

本莊黃氏婦年過四旬因行經下血不止彼時愚甫弱冠爲近在比鄰延爲診視投以尋常治血崩之藥不效病勢浸至垂危後延鄰村宿醫高魯軒投以傅青主女科中治老婦血崩方一劑而愈其方係黃芪當歸各一兩桑葉十四片煎湯送服三七細末三錢後愚用此方治少年女子血崩亦效惟心中覺熱或脈象有熱者宜加生地黃一兩

奉天大東關王姓少年素患吐血經醫調治已兩月不吐矣而心中發悶發熱時覺疼痛廉於飲食知係吐血時醫者用藥強止其血致留瘀血爲恙也爲疏方用滋陰養血健胃利氣之品煎湯送服三七細末二錢至二煎仍送服二錢四劑後又復吐血色多黑紫然吐後則悶熱疼痛皆減知爲吉兆仍與前方數劑後又吐血一次其病從此竟愈此足徵三七化瘀之功也

鄰村張馬村僮一牧童夏日牧牛田間衆牧童嬉戲強屈其項背納頭袴中倒縛其手戲名爲看瓜後經人救出氣息已斷爲盤膝坐捶其腰背多時方甦惟覺有物填塞胸膈壓其胸中大氣妨礙呼吸劇時氣息仍斷目翻身挺此必因在袴中悶極之時努掙不出熱血隨努掙之氣力上溢而停於膈上也俾單用三七細末三錢開水送服兩次全愈

按三七之性既善化血又善止血人多疑之然有確實可徵之處如破傷流血者用三七末擦之則其血立止是能止血也其破處已流出之血着三七皆化爲黃水是能化血也

### 滑石解

滑石色白味淡質滑而軟性涼而散本經謂其主身熱者以其微有解肌之力也謂其主癰閉者以其饒有淡滲之力也且滑者善通竅絡故又主女子乳難滑而能散故又主胃中積聚因熱小便不利者滑石最爲要藥若寒溫外感諸證上焦燥熱下焦滑瀉無度最爲危險之候可用滑石與生山藥各兩許煎湯服之則上能清熱下能止瀉莫不隨手奏效(有案附載於山藥條下可參觀)又外感大熱已退而陰虧脈數不能自復者可於大滋真陰藥中(若熟地黃生山藥枸杞之類)少加滑石則外感餘熱不至爲滋補之藥逗

留仍可從小便瀉出則其病必易愈若與甘草爲末（滑石六錢甘草一錢名六一散亦名天水散）服之善治受暑及熱痢若與赭石爲末服之善治因熱吐血衄血若其人蘊有濕熱周身漫腫心腹膨脹小便不利者可用滑石與土狗研爲散服之小便通利腫脹自消至內傷陰虛作熱宜用六味地黃湯以滋陰者亦可少加滑石以代苓澤則退熱較速蓋滑石雖爲石類而其質甚軟無論湯劑丸散皆與脾胃相宜故可加於六味湯中以代苓澤其滲濕之力原可如苓澤行熟地之滯泥而其性涼於苓澤故又善佐滋陰之品以退熱也

天水散爲河間治暑之聖藥然最宜於南方暑證因南方暑多挾濕滑石能清熱兼能利濕又少加甘草以和中補氣（暑能傷氣）是以用之最宜若北方暑證不必兼濕甚或有兼燥者當變通其方滑石生石膏各半與甘草配製方爲適宜

### 牛膝解

牛膝味甘微酸性微溫原爲補益之品而善引氣血下注是以用藥欲其下行者恆以之爲引經故善治腎虛腰疼腿疼或膝疼不能屈伸或腿痿不能任地兼治女子月閉血枯

催生下胎又善治淋疼通利小便此皆其力善下行之效也然別錄又謂其除腦中痛時珍又謂其治口瘡齒痛者何也蓋此等證皆因其氣血隨火熱上升所致重用牛膝引其氣血下行並能引其浮越之火下行是以能愈也愚因悟得此理用以治腦充血證伍以赭石龍骨牡蠣諸重墜收斂之品莫不隨手奏效治愈者不勝紀矣爲其性專下注凡下焦氣化不固一切滑脫諸證皆忌之此藥懷產者佳川產者有紫白兩種色紫者佳

### 附案

在遼寧時曾治一女子師範女教員月信期年未見方中重用牛膝一兩後復來診言服藥三劑月信猶未見然從前曾有腦中作疼病今服此藥腦中清爽異常分毫不覺疼矣愚聞此言乃知其腦中所以作疼者血之上升者多也今因服藥而不疼想其血已隨牛膝之引而下行遂於方中加廬虫五枚連服數劑月信果通

友人袁霖普君素知醫時當季春牙疼久不愈屢次服藥無效其脈兩寸甚實俾用懷牛膝生赭石各一兩煎服後疼愈強半又爲加生地黃一兩又服兩劑遂霍然全愈

### 遠志解

遠志味酸微辛性平其酸也能關其辛也能關故其性善理肺能使肺葉之關純任自然而肺中之呼吸於以調痰涎於以化卽欬嗽於以止矣若以甘草輔之誠爲養肺要藥至其酸斂之力入肝能斂輯肝火入腎能固澀滑脫入胃又能助生酸汁使人多進飲食和平純粹之品夫固無所不宜也若用水煎取濃汁去渣重煎令其汁濃若薄糊以敷腫疼瘡瘍及乳癰甚效若恐其日久發酵每一兩可加蓬砂二錢溶化其中

愚初次細嚼遠志嘗之覺其味酸而實兼有礬味西人謂其含有林檎酸而林檎酸中固無礬也後乃因用此藥若未服至二錢可作嘔吐乃知其中確含有礬味因悟礬能利痰其所以能利痰者亦以其含有礬味也礬能解毒綱目謂其解天雄附子烏頭毒且並能除瘡瘍腫疼者亦以其兼有礬味也是以愚用此藥入湯劑時未嘗過二錢恐多用之亦可作嘔吐也

### 龍胆草解

龍胆草味苦微酸性寒色黃屬土爲胃家正藥其苦也能降胃氣堅胃質其酸也能補益胃中酸汁消化飲食凡胃熱氣逆胃汁短少不能食者服之可以開胃進食西人渾以健

胃藥稱之似欠精細爲其微酸屬木故又能入胆肝滋肝血益胆汁降肝胆之熱使不上炎舉凡目疾吐血衄血二便下血驚癇眩暈因肝胆有熱而致病者皆能愈之其瀉肝胆實熱之力數倍於芍藥而以斂輯肝胆虛熱固不如芍藥也

### 半夏解

半夏味辛性溫有毒凡味辛之至者皆稟秋金收降之性故力能下達爲降胃安衝之主藥爲其能降胃安衝所以能止嘔吐能引肺中胃中濕痰下行納氣定喘能治胃氣厥逆吐血衄血（內經謂陽明厥逆衄嘔血陽明厥逆卽胃氣厥逆也）惟藥房因其有毒皆用白礬水煮之相制太過毫無辛味轉多礬味令人嘔吐卽藥房所鬻之清半夏中亦有礬以之利濕痰猶可若以止嘔吐及吐血衄血殊爲非宜愚治此等證必用微溫之水淘洗數次然後用之然屢次淘之則力減故須將分量加重也

### 附案

愚因藥房半夏製皆失宜每于仲春季秋之時用生半夏數斤浸以熱湯日換一次至旬日將半夏剖爲兩瓣再入鍋中多添涼水煮一沸速連湯取出盛盆中候水涼漉淨曬乾

備用偶有鄰村王姓童子年十二三歲忽晨起半身不能動轉其家貧無錢購藥贈以自製半夏俾爲末每服錢半用生薑煎湯送下日兩次約服二十餘日其病竟愈蓋以自製半夏辛味猶存不但能利痰實有開風寒濕痺之力也

東洋野津猛男曰英國軍醫官阿來甫屢屢吐絕食者久矣其弟與美醫寧馬氏協力治療之嘔吐卒不止乞診於余當時已認患者爲不起之人但求余一決其死生而已寧馬氏等遂將患者之證狀及治療之經過一一告余余遂向兩氏曰余有一策試姑行之遂辭歸檢査漢法醫書製小半夏加茯苓湯貯瓶令其服用一二服後奇效忽顯數日竟回復原有之康健至今半夏浸劑遂爲一種之鎮嘔劑先行於醫科大學次及於各病院與醫家按此證若用大半夏湯加赭石尤效因吐久則傷津傷氣方中人參能生津補氣加赭石以助之力又專於下行也若有熱者可再加天冬佐之若無自製半夏可用藥房清半夏兩許淘淨礬味入煎

括蕒解

括蕒味甘性涼能開胸間及胃口熱痰故仲景治結胸有小陷胸湯括蕒與連夏並用治

胸痺有括蕞薤白等方括蕞與薤酒桂朴諸藥並用若與山甲同用善治乳癰（括蕞兩個山甲二錢煎服）若與赭石同用善止吐衄（括蕞能降胃氣胃火故治吐衄）若但用其皮最能清肺斂肺寧嗽定喘（須用新鮮者方效）若但用其瓢（用溫水將瓢泡開揀出仁餘煎一沸連渣服之）最善滋陰潤燥滑痰生津若但用其仁（須用新炒熟者搗碎煎服）其開胸降胃之力較大且善通小便

### 附案

鄰村高魯軒邑之宿醫也甲午仲夏忽來相訪言其第三子年十三歲於數日之間痰涎鬱於胸中煩悶異常劇時氣不上達呼吸即停目翻身挺有危在頃刻之狀連次用藥分毫無效敢乞往爲診視施以良方時患有急務未辦欲遲數點鐘再去彼謂此病已至極點若稍遲延恐無及矣於是遂與急往診視其脉關前浮滑舌苔色白肌膚有熱知其爲溫病結胸其家自設有藥房俾用括蕞仁四兩炒熟（新炒者其氣香而能通）搗碎煎湯兩茶盅分兩次溫飲下其病頓愈隔數日其鄰高姓童子是愚表姪亦得斯證俾用新炒蕞仁三兩蘇子五錢煎服亦一劑而愈蓋傷寒下早成結胸溫病未經下亦可成結胸有

謂括蕞力弱故小陷胸湯中必須伍以黃連半夏始能建功者不知括蕞力雖稍弱重用之則轉弱爲強是以重用至四兩卽能隨手奏效挽回人命於頃刻也

天花粉解

天花粉括蕞根也色白而亮者佳味苦微酸性涼而潤清火生津爲止渴要藥（傷寒論小柴胡湯渴者去半夏加括蕞根古方書治消渴亦多用之）爲其能生津止渴故能潤肺化肺中燥痰寧肺止嗽治肺病結核又善通行經絡解一切瘡家熱毒疔癰初起者與連翹山甲並用卽消瘡瘍已潰者與黃耆甘草（皆須用生者）並用更能生肌排膿卽潰爛至深旁串他處不能敷藥者亦可自內生長肌肉徐徐將膿排出（有案附載黃耆條下可參觀）大凡籐蔓之根皆能通行經絡而花粉又性涼解毒是以有種種功效也

乾薑解

乾薑味辛性熱爲補助上焦中焦陽分之要藥爲其味至辛且具有宣通之力與厚朴同用治寒飲杜塞胃脘飲食不化與桂枝同用治寒飲積於胸中呼吸短氣與黃耆同用治寒飲漬於肺中肺痿欬嗽與五味子同用治感寒肺氣不降喘逆迫促與赭石同用治因

寒胃氣不降吐血衄血與白朮同用治脾寒不能統血二便下血或脾胃虛寒常作泄瀉與甘草同用能調其辛辣之味使不刺戟而其溫補之力轉能悠長本經謂其逐風濕痺指風濕痺之偏於寒者而言也而金匱治熱癰瘤亦用乾薑風引湯中與石膏寒水石並用者是也此乃取其至辛之味以開氣血之凝滯也有謂炮黑則性熱能助相火者不知炮之則味苦熱力卽減且其氣輕浮轉不能下達觀後所引陳氏釋本經之文自明

陳修園曰乾薑氣溫稟厥陰風木之氣若溫而不烈則氣歸平和而屬土矣味辛得陽明燥金之味若辛而不偏則金能生水而轉潤矣故乾薑爲臟寒之要藥也胸中者肺之分也肺寒則金失下降之性氣壅於胸中而滿也滿則氣上所以欬逆上氣之證生焉其主之者辛散溫行也中者土也土虛則寒而此能溫之止血者（多指下血而言若吐血衄亦間有因寒者必與赭石同用方妥）以陽虛陰必走得煖則血自歸經也出汗者辛溫能發散也逐風濕痺者治寒邪之留於筋骨也治腸澼下痢者除寒邪之陷於腸胃也以

上諸主治皆取其雄烈之用如孟子所謂剛大浩然之氣塞乎天地之間也生則辛味渾全故尤申言之曰生者尤良卽金匱治肺痿用甘草乾薑湯自註炮用以肺虛不能驟受

過辛之味炮之使辛味稍減亦一時之權宜非若後世炮黑炮炭全失薑之本性也

徐靈胎曰凡味厚之藥主守氣厚之藥主散乾薑氣味俱厚故散而能守夫散不全散守不全守則旋轉於經絡臟腑之間驅寒除濕和血通氣所必然矣散性雖猛峻不妨服食

附案

愚在滄州賈官屯張壽田家治病見有製丸藥器具問用此何爲答謂舍妹日服礞石滾痰丸恐藥舖治不如法故自製耳愚曰礞即滾痰丸原非常服之藥何日日服之壽田謂舍妹素多痰飲杜塞胃脘作脹滿一日不服滾痰丸即不欲進食今已服月餘亦無他變想此藥與其氣質相宜耳愚再三駁阻彼終不以爲然後隔數月迎愚往爲診治言從前服滾痰丸飲食加多繼則飲食漸減後則一日不服藥即不能進食今則服藥亦不能進食日僅一餐惟服稀粥少許且時覺熱氣上浮耳鳴欲聽脉象浮大按之甚軟知其心肺陽虛脾胃氣弱爲服苦寒攻瀉之藥太過故病證脈象如斯也擬治以理飲湯（方在三期三卷係乾薑五錢於朮四錢桂枝尖生杭芍茯苓片炙甘草各二錢陳皮厚朴各錢半）壽田謂從前醫者用桂附即覺上焦煩躁不能容受愚曰桂附原非正治心肺脾胃之

藥况又些些用之病重藥輕宜其不受若拙擬理飲湯與此證針芥相投服之必效若畏其藥不敢輕服單用乾薑五錢試服亦可於斯遂單將乾薑五錢煎服耳卽不鳴須臾覺胸次開通可以進食繼投以理飲湯服數劑後心中轉覺甚涼遂將乾薑改用一兩甘草厚朴亦稍加多連服二十餘劑全愈

一婦人年四十許上焦滿悶煩躁思食涼物而偶食之則滿悶益甚且又黎明泄瀉日久不愈心腹寢形膨脹脈象弦細而遲知係寒飲結胸阻寒氣化欲投以理飲湯病家聞而遲疑亦俾先煎乾薑數錢服之胸中煩躁頓除爲其黎明泄瀉遂將理飲湯去厚朴白芍加生鷄內金錢半補骨脂三錢連服十劑諸病皆愈

一婦人年近五旬常覺短氣飲食減少屢次延醫服藥或投以宣通或投以升散或投以健補脾胃兼理氣之品皆分毫無效寢至飲食日減羸弱不起奄奄一息病家亦以爲不治之證後聞愚在其鄰村屢救危險之證延爲診視其脈弦細欲無頻吐稀涎其心中覺有物杜塞氣不上達知其爲寒飲凝結也投以理飲湯方中乾薑改用七錢連服三劑胃口開通又覺呼吸無力遂於方中加生黃芪三錢連服十餘劑全愈

一婦人年四十許胸中常覺滿悶發熱或旬日或浹辰之間必大喘一兩日醫者用清火理氣之藥初服稍效久服病轉增劇其脈沈細幾不可見病家問係何病因愚曰此乃心肺陽虛不能宣通脾胃以致多生痰飲也人之脾胃屬土若地輿然心肺居臨其上正當太陽部位（膈上屬太陽經觀傷寒論太陽篇自知）其陽氣宣通敷布若日麗中天暖光下照而胃中所納水穀實藉其陽氣宣通之力以運化精微而生氣血傳送渣滓而爲二便清升濁降痰飲何由而生惟心肺陽虛不能如離照當空脾胃卽不能藉其宣通之力以運化傳送於是飲食停滯胃口若大雨之後陰霧連旬徧地汗淖不能乾滲而痰飲生矣痰飲既生日積月累鬱滿上焦則作悶澀滿肺竅則作喘阻遏心肺陽氣不能四布則作熱或逼陽氣外出則周身發熱迫陽氣上浮則目眩耳聾醫者不知病源猶用涼藥清之勿怪其久而增劇也病家甚疑愚言遂爲開理飲湯方服一劑心中熱去數劑後轉覺涼甚遂去芍藥連服二十餘劑胸次豁然喘不再發

歲在壬寅訓蒙於邑北境劉仁村莊愚之外祖家也有學生劉玉良者年十三歲一日之間衄血四次診其脈甚和平詢其心中不覺涼熱爲衄血之證熱者居多且以童子少陽

之體時又當夏令遂略用清涼止血之品衄益甚脈象亦現微弱知其胃氣因寒不降轉迫血上溢而爲衄也（內經謂陽明厥逆衄血）投以溫降湯（方載三期二卷係乾薑白朮清半夏各三錢生懷山藥六錢生赭石細末四錢生杭芍生薑各二錢厚朴錢半）一劑卽愈

又有他學校中學生年十四歲吐血數日不愈其吐血之時多由於欬嗽診其脈象遲濡右關尤甚疑其脾胃虛寒不能運化飲食詢之果然蓋吐血之證多由於胃氣不降飲食不能運化胃氣卽不能下降欬嗽之證多由於痰飲入肺飲食遲於運化又必多生痰飲因痰飲而生欬嗽因欬嗽而氣之不降者更轉而上逆此吐血之所由來也亦投以溫降湯一劑血止接服數劑飲食運化欬嗽亦愈

近在瀋陽醫學研究社與同人論吐血衄血之證間有因寒者宜治以乾薑社友李子林謂從前小東關有老醫徐敬亭者曾用理中湯治愈歷久不愈之吐血證是吐血證誠有因胃寒者之明徵也然徐君但知用理中湯以煖胃補胃而不知用赭石半夏佐之以降胃氣是處方猶未盡善也特是藥房製藥多不如法雖清半夏中亦有礬以治血證吐證

必須將礬味用微溫之水淘淨然淘時必於方中原定之分量外加多數錢淘之以補其投去礬味所減之分量及所減之藥力

鄰村高邊務高某年四十餘小便下血久不愈其脈微細而遲身體虛弱惡寒飲食減少知其脾胃虛寒中氣下陷黃坤載所謂血之亡於便溺者太陰不升也爲疎方乾薑於朮各四錢生山藥熟地各六錢烏附子炙甘草各三錢煎服一劑血見少連服十餘劑全愈

生薑解

將鮮薑種於地中秋後剖出去皮曬乾爲乾薑將薑上所生之芽種於地中秋後剖出其當年所生之薑爲生薑是以乾薑爲母薑生薑爲子薑乾薑老而生薑嫩也爲生薑係嫩薑其味之辛性之溫皆亞於乾薑而所具生發之氣則優於乾薑故能透表發汗與大棗同用善和營衛蓋藉大棗之甘緩不使透表爲汗惟旋轉於營衛之間而營衛遂因之調和也其辛散之力善開痰理氣止嘔吐逐除一切外感不正之氣若但用其皮其溫性稍減又善通利小便能解半夏毒及菌簞諸物毒食料中少少加之可爲健胃進食之品孕婦食之令兒生支指瘡家食之致生惡肉不可不知

### 附子烏頭天雄解

附子味辛性大熱爲補助元陽之主藥其力能升能降能內達能外散凡凝寒錮冷之結於臟腑着於筋骨痺於經絡血脉者皆能開之通之而溫通之中又大具收斂之力故治汗多亡陽（汗多有亡陽亡陰之殊亡陽者身涼亡陰者身熱臨證時當審辨涼亡陽者宜附子與黃肉人參並用熱亡陰者宜生地與黃肉人參並用）陽冷泄瀉下焦陽虛陰走精寒自遺論者謂善補命門相火而服之能使心脈跳動加速是於君相二火皆能大有補益也

種附子於地其當年旁生者爲附子其原種之附子則成烏頭矣烏頭之熱力減於附子而宣通之力較優故金匱治歷節風有烏頭湯治心痛徹背背痛徹心有烏頭赤石脂丸治寒疝有烏頭煎烏頭桂枝湯等方若種後不旁生附子惟原種之本長大若蒜之獨頭無瓣者名謂天雄爲其力不旁溢故其溫補力更大而獨能稱雄也今藥房中所鬻之烏附子其片大而且圓者卽是天雄而其黑色較尋常附子稍重蓋因其力大而色亦稍改變也附子烏頭天雄皆反半夏

陳修園曰附子主寒濕諸家俱能解到而仲景用之則化而不可知之謂神且夫人之所  
以生者陽也亡陽則死亡字分二音一無方切音忘逃也卽春秋傳出亡之義一微夫切  
音无無也論語亡而爲有孟子問有餘曰亡矣之義也誤藥大汗不止爲亡陽如唐之幸  
蜀仲景用四逆湯真武湯等法以迎之吐利厥冷爲亡陽如周之守府仲景用通脈四逆  
湯薑附湯以救之且太陽之標陽外呈而發熱附子能使之交於少陰而熱已少陰之神  
機病附子能使自下而上而脈生周身通達而厥愈合苦甘之芍草而補虛合苦淡之苓  
芍而溫固玄妙不能盡述按其立法與本經之說不同豈仲景之創見歟然本經謂氣味  
辛溫有大毒七字仲景卽於此悟出附子大功用溫得東方風木之氣而溫之至則爲熱  
內經所謂少陰之上君火主之是也辛爲西方燥金之味而辛之至則反潤內經所謂辛  
以潤之是也凡物性之偏處則毒偏而至於無可加處則大毒因大毒二字知附子之溫  
爲至極辛爲至極也仲景用附子之溫有二法雜於苓芍甘草中雜於地黃澤瀉中如冬  
日可愛補虛法也佐以薑桂之熱佐以麻辛之雄如夏日可畏救陽法也用附子之辛又  
有三法桂枝附子湯桂枝附子去桂加白朮湯甘草附子湯辛燥以祛除風濕也附子湯

芍藥甘草附子湯辛潤以溫補水臟也若白通湯通脈四逆湯加入尿豬胆汁則取西方秋收之氣得復元陽而有天封大固之妙矣

鄒潤安曰烏頭老陰之生育已竟者也天雄孤陽之不能生育者也附子卽烏頭天雄之種含陰苞陽者也老陰生育已竟者其中空以氣爲用孤陽不能生育者其中實以精爲用氣主發散精主斂藏發散者能外達腠理故主中風惡風洗洗出汗欬逆上氣斂藏者能內入筋骨故主歷節疼痛拘攣緩急筋骨不强身重不能行步而味辛性銳兩物略同故除風寒濕痺破積聚邪氣之功亦同附子則兼備二氣內充實外強健且其物不假系屬以氣相貫而生故上則風寒欬逆上氣中則癥堅積聚血癥下則寒濕痿躄拘攣膝痛不能行步無一不可到無一不能治惟其中畜二物之精斯能兼擅二物之長其用較二物爲廣矣凡物之性陽者上浮而附子獨能使火就下者其義何居蓋譬之蒸燭兩條使上下參相直先熄下燭之火則必有濃煙一縷自燭心直冲而比抵上燭則上燭分火隨煙條下下燭復燒附子味辛烈而氣雄健又偏以氣爲用確與火後濃烟略無殊異能引火下歸固其宜矣惟恐在下膏澤已竭火無所鍾反能引在上之火升騰飛越耳故夫膏

饒則火聚火聚則蒸騰變化莫不由是而始矣

附案

一少婦上焦滿悶煩躁不能飲食繞臍板硬月信兩月未見其脈左右皆弦細仲景謂雙弦者寒偏弦者飲脈象如此其爲上有寒飲下有寒積無疑其煩躁者腹中寒氣充溢迫其元陽浮越也投以理飲湯（方載乾薑解下）去桂枝加附子三錢方中芍藥改用五錢一劑滿悶煩躁皆見愈又服一劑能進飲食且覺腹中涼甚遂去芍藥將附子改用五錢後又將乾薑減半附子加至八錢服逾十劑大便日行四五次所下者多白色冷積湯藥仍日進一劑如此五日冷積瀉盡大便自止再診其脈見有滑象尺部較甚疑其有妊俾停藥勿服後至期果生子夫附子原有損胎之說此證服附子如此之多而胎固安然無恙誠所謂有故無損亦無損也

肉桂解

肉桂味辛而甘氣香而竄性大熱純陽爲其爲樹身近下之皮故性能下達煖丹田壯元陽補相火其色紫赤又善補助君火溫通血脉治周身血脈因寒而痺故治關節腰肢疼

痛及瘡家白疽木得桂則枯且又味辛屬金故善平肝木治肝氣橫恣多怒若肝有熱者可以龍胆草芍藥諸藥佐之本經謂其爲諸藥之先聘通使蓋因其香竄之氣內而臟腑筋骨外而經絡腠理倏忽之間莫不周徧故諸藥不能透達之處有肉桂引之則莫不透達也

按附子肉桂皆氣味辛熱能補助元陽然至元陽將絕或浮越脫陷之時則宜用附子而不宜用肉桂誠以附子但味厚肉桂則氣味俱厚補益之中實兼有走散之力非救危扶顛之大藥觀仲景傷寒論少陰諸方用附子而不用肉桂可知也

### 附案

奉天警務處長王蓮波夫人年三十許欬嗽痰中帶血劇時更大口吐血常覺心中發熱其脈一分鐘九十至按之不實投以滋陰寧嗽降火之藥不效因思此證若用藥專止其嗽嗽愈其吐血亦當愈遂用川貝兩許煎取清湯四茶杯調入生山藥細末一兩煮作稀粥俾於一日之間連進二劑其嗽頓止血遂不吐數日後證又反覆自言夜間睡時常作惱怒之夢怒極或夢中哭泣醒後必然吐血據所云云其肝氣必然鬱遏遂改用舒肝瀉

肝之品而以養肝鎮肝之藥輔之數劑病稍輕減而猶間作惱怒之夢夢後仍復吐血再四躊躇恍悟平肝之藥以肉桂爲最要因肝屬木木得桂則枯也而單用之則失於熱降胃止血之藥以大黃爲最要胃氣不上逆血卽不逆行也而單用之又失於寒若二藥並用則寒熱相濟性歸和平降胃平肝兼顧無遺况俗傳原有用此二藥爲散治吐衄者用於此證當有捷效若再以重墜之藥輔之則力專下行其效當更捷也遂用大黃肉桂細末各一錢和勻更用生赭石細末六錢煎湯送下吐血頓愈惱怒之夢亦無矣卽此觀之肉桂眞善於平肝哉

濟南金姓寓奉天大西關月窗胡同得吐血證甚劇屢次服藥無效其人正當壯年身體亦強壯脈象有力遂用前方將大黃加倍又將赭石細末六錢和於大黃肉桂末中分三次用開水送服病頓愈後其方屢試皆效遂將其方載於三期二卷名秘紅丹

知母解

知母味苦性寒液濃而滑其色在黃白之間故能入胃以清外感之熱伍以石膏可名白虎（二藥再加甘草粳米和之名白虎湯治傷寒溫病熱入陽明入肺以潤肺金之燥而

肺爲腎之上源伍以黃柏兼能滋腎（一藥少加肉桂嚮導名滋腎丸）治陰虛不能化陽小便不利爲其寒而多液故能壯水以制火治骨蒸勞熱目病努肉遮掩白睛爲其液寒而滑有流通之性故能消瘡瘍熱毒腫疼本經謂主消渴者以其滋陰壯水而渴自止也謂其主肢體浮腫者以其寒滑能通利水道而腫自消也謂其益氣者以其能除食氣之壯火而氣自得其益也

知母原不甚寒亦不甚苦嘗以之與黃芪等分並用卽分毫不覺涼熱其性非大寒可知又以知母一兩加甘草二錢煑飲之卽甘勝於苦其味非大苦可知寒苦皆非甚大而又多液是以能滋陰也有謂知母但能退熱不能滋陰者猶淺之乎視知母也是以愚治熱實脈數之證必用知母若用黃芪補氣之方恐其有熱不受者亦恆輔以知母惟其液滑能通大便其人大便不實者忌之

### 天門冬解

天冬味甘微辛性涼津液濃厚滑潤其色黃而兼白能入肺以清燥熱故善利痰寧嗽入胃以消實熱故善生津止渴其津濃液滑之性又能通利二便流通血脈暢達經絡雖爲

滋陰之品實兼能補益氣分

本經謂天冬主暴風濕偏痺痿骨髓二語經後世註解其理終未透徹愚嘗嚼服天門冬毫無渣滓盡化津液且覺兼有人參氣味蓋其津濃液滑之中原含有生生之氣猶人之積精以化氣也其氣挾其濃滑之津液以流行於周身而痺之偏於半身者可除周身之骨得其濡養而骨髓可健且入藥者爲天冬之根乃天冬之在內者也其外生之蔓多有逆刺若無逆刺者其皮又必澀而戟手天冬之物原外剛內柔也而以其作藥則爲柔中含剛是以痺過其柔中之剛則不期開而自開骨得其柔中之剛不惟健骨且能健髓也至別錄謂其保定肺氣益氣力冷而能補諸語實亦有以見及此也

湖北潛江紅十字分會張港義務醫院長崔蘭亭來函云向染欬嗽百藥不效後每服松脂一錢涼茶送服不但欬嗽痊愈精神比前更強迨讀衷中參西錄四期藥物講義知天冬含有人參性味外剛內柔汁漿濃潤遂改服天冬二錢日兩次今已三年覺神清氣爽氣力倍增遠行不倦皮膚發潤面上癍痕全消至於用書中之講究以挽回垂危之證者尤不勝紀誠濟世之慈航也

### 麥門冬解

麥冬味甘性涼氣微香津液濃厚色兼黃白能入胃以養胃液開胃進食更能入脾以助脾散精於肺定喘寧嗽卽引肺氣清肅下行統調水道以歸膀胱蓋因其性涼液濃氣香而升降濡潤之中兼具開通之力故有種種諸效也用者不宜去心

本經謂麥冬主心腹結氣傷中傷飽胃絡脉絕羸瘦短氣文義深奧解者鮮能透徹惟鄒靜安詮解最妙其言謂胃之爲腑多氣多血凡有變動每患其實不比於虛設使胃氣偏勝所納雖多轉輸稍不循序則氣之壅結所不能免是心腹結氣傷中傷飽所由來也至胃絡脈絕當以仲景胃氣生熱其陽則絕爲解蓋心腹既有結氣則輸送之機更滯是以中氣無權不患傷饑每爲飽困由是胃氣益盛孤陽生熱漸致脈絡不與心肺相通則食入不得爲榮形羸氣短諸恙叢生矣麥冬質柔而韌色兼黃白脈絡貫心恰合胃之形象其一本間根株纍纍四旁橫出自十二至十六之多則有似夫與他臟腑脈絡貫注之義其葉隆冬愈茂青蔥潤澤鑑之有光則其吸土中精氣上滋梗葉絕勝他物可知且其味甘中帶苦又合從胃至心之妙是以胃得之而能輸精上行自不與他臟腑相絕肺得之

而能敷布四臟灑陳五腑結氣自爾消鎔蟻絡自爾聯續飲食能養肌膚穀神旺而氣隨之充也

黃連解

黃連味大苦性寒而燥爲苦爲火之味燥爲火之性故善入心以清熱心中之熱清則上焦之熱皆清故善治腦膜生炎腦部充血時作眩暈目疾腫疼努肉遮睛（目生雲翳者忌用）及半身以上赤游丹毒其色純黃能入脾胃以除實熱使之進食（西人以黃連爲健胃藥蓋胃有熱則惡心懶食西人身體強壯且多肉食胃有積熱故宜黃連清之）更由胃及腸治腸瀉下利膿血爲其性涼而燥故治濕熱鬱於心下作痞滿（仲景小陷胸湯諸瀉心湯皆用之）女子陰中因濕熱生炎潰爛

徐靈胎曰苦屬火性宜熱此常理也黃連至苦而反至寒則得火之味與水之性故能除水火相亂之病水火相亂者濕熱是也是故熱氣目痛背傷淚出目不明乃濕熱在上者腸瀉腹痛下利乃濕熱在中者婦人陰中腫痛乃濕熱在下者悉能除之矣凡藥能去濕者必增熱能除熱者必不能去濕惟黃連能以苦燥濕以寒除熱一舉而兩得焉

鄒潤安曰別錄謂黃連調胃厚腸不得渾稱之曰厚腸胃也（渾曰厚腸胃此後世本草語）夫腸胃中皆有脂膜一道包裹其內所以護導滓穢使下行者若有濕熱混於其間則脂膜消鎔隨滓穢而下古人謂之腸澼後人目爲刮腸痢亦曰腸垢胃體廣大容垢納汗雖有所留亦未必剝及脂膜故但和其中之所有邊際自不受傷故曰調腸勢曲折盤旋之處更爲濕氣留聚濕阻熱益生熱阻脂膜益消去其所阻則消燦之源絕而薄者厚矣故曰厚此見古人造句之精一字不混淆也

黃連治目之功不必皆內服也愚治目睛脹疼者俾用黃連淬水乘熱屢用棉花蘸擦眼上至咽中覺苦乃止則脹疼立見輕又治目疾紅腫作疼者將黃連細末調以脂麻油頻頻聞於鼻中亦能立見效驗

### 黃芩解

黃芩味苦性涼中空象肺最善清肺經氣分之熱由脾而下通二焦達於膀胱以利小便色黃屬土又善入脾胃清熱由胃而下及於腸以道腸澼下利膿血又因其色黃而微青青者木色又善入肝胆清熱治少陽寒熱往來（大小柴胡湯皆用之）爲中空兼能調

氣無論何臟腑其氣鬱而作熱者皆能宣通之爲其中空又善清軀殼之熱凡熱之伏藏於經絡散漫於腠理者皆能消除之治肺病肝胆病軀殼病宜用枯苓（卽中空之苓）治腸胃病宜用條苓「卽嫩時中空者亦名子苓」究之皆爲黃苓其功用原無甚差池也李瀕湖曰有人素多酒慾病少腹絞痛不可忍小便如淋諸藥不效偶用黃苓木通甘草三味煎服遂止按黃苓治少腹絞痛別錄原明載之由此見古人審藥之精非後人所能及也然必因熱氣所迫致少腹絞痛者始可用非可概以之治腹痛也又須知太陰腹痛無熱證必少陽腹痛始有熱證別錄明標之曰少腹絞痛是尤其立言精細處

瀕湖又曰余年二十時因感冒欬嗽既久且犯戒遂病骨蒸發熱膚如火燎每日吐痰盈許暑月煩渴寢食俱廢六脈浮洪徧服柴胡麥冬荆瀝諸藥月餘益劇皆以爲必死矣先君偶思李東垣治肺熱如火燎煩燥引飲而晝盛者氣分熱也宜一味黃苓湯以瀉肺經氣分之火遂按方用片苓一兩水二鍾煎一鍾頓服次日身熱盡退而痰嗽皆愈藥中肯綮如鼓應桴醫中之妙有如此哉觀瀕湖二段云云其善清氣分之熱可爲黃苓獨具之良能矣

## 衷中參西錄第四期第四卷

### 白茅根解

白茅根味甘性涼中空有節根類萑葦而象震『易繫辭震爲萑葦』最善透發臟腑鬱熱托痘疹之毒外出其根不但中空週遭引上且有十二小孔統體玲瓏故善利小便淋瀝作疼因熱小便短少腹脹身腫爲其色白中空故能入肺清熱以寧嗽定喘爲其味甘且鮮者嚼之多液故能入胃滋陰以生津止渴並治肺胃有熱欬血吐血衄血小便下血然必用鮮者其效方著春前秋後刮用之味甘至生苗盛茂時味卽不甘用之亦有效驗遠勝乾者

作茅根湯法用鮮白茅根去淨皮及節間細根洗淨剉細斤許和涼水三斤煮一沸候半句鐘再煮一沸又候半句鐘視其茅根皆沈水底其湯卽成漉出爲一日之量渴則當茶溫飲之以治虛熱實熱外感之熱皆宜用治因熱小便不利積成水腫尤有奇效三期二卷白茅根湯後載有數案可參觀若無鮮白茅根可用藥房中乾者一斤浸以開水至水涼再用微火溫之不可令開約六十分鐘許瀝去渣徐徐當茶溫飲之亦有效驗

茅針卽茅芽初發猶未出土形如巨針者其性與茅根同而稍有破血之力凡瘡潰膿未破者將茅針煑服其瘡卽破用一針破一孔兩針破兩孔

附案

一人年近五旬受溫疹之毒傳染痧疹徧身表裏壯熱心中煩躁不安證實脈虛六部不起屢服清解之藥無效其清解之藥稍重大便卽溏俾用鮮茅根六兩如法煑湯一大碗頓服之病愈強半又服一次全愈

一西醫得溫病頭疼壯熱心中煩躁自服西藥別臘蜜童安知歇貌林諸退熱之品服後熱見退旋又反覆其脈似有力惟在浮分中分俾用鮮茅根四兩滑石一兩煎三四沸取湯服之周身得微汗一劑而諸病皆愈

一婦人年近四旬因陰虛發熱漸覺小便不利積成水腫服一切通利小便之藥皆無效其脈數近六至重按似有力問其心中常覺煩躁知其陰虛作熱又兼有實熱以致小便不利而成水腫也俾用鮮茅根半斤如法煎湯兩大盃以之當茶徐徐溫飲之使藥力晝夜相繼連服五日熱退便利腫遂盡消

葦莖蘆根解

葦與蘆原係一物其生於水邊乾地小者爲蘆生於水深之處大者爲葦蘆因生於乾地其色暗綠近黑故字從盧（盧卽黑色）葦因生於水中其形長大有偉然之意故字從葦千金葦莖湯薏苡仁瓜瓣（卽甜瓜瓣）各半升桃仁五十枚葦莖切二升水二斗煮取五升去渣納前藥三味煮取二升服一升當有所見吐膿血釋者謂葦用莖不用根者以肺原在上取本乎天者親上也而愚則以爲不然嘗讀易繫辭震爲萑葦震之卦體一陽居於二陰之下卽萑葦之根居於水底之象爲其稟水中之真陽是以其性涼而善升患大頭瘟者愚常用之爲引經要藥（無葦根者可代以荷葉義皆取其象震）是其上升之力可至腦部而况於肺乎且其性涼能清肺熱中空能理肺氣而又味甘多液更善滋陰養肺則用根實勝於用莖明矣今藥房所鬻者名爲蘆根實卽葦根也其善發痘疹者以其得震卦振發之性也其善利小便者以其體中空且生水中自能行水也其善止吐血衄血者以其性涼能制血熱妄行且血亦水屬（血中明水居多）其性能引水下行自善引血下行也其性頗近茅根凡當用茅根而無鮮者皆可以鮮蘆根代之也

### 鮮小薊根解

鮮小薊根味微辛氣微腥性涼而潤爲其氣腥與血同臭且又辛涼濡潤故善入血分最清血分之熱凡欬血吐血衄血二便下血之因熱者服之莫不立愈又善治肺病結核無論何期用之皆宜卽單用亦可奏效並治一切瘡瘍腫疼花柳毒淋下血澀疼蓋其性不但能涼血止血兼能活血解毒是以有以上種種諸效也其涼潤之性又善滋陰養血治血虛發熱至女子血崩赤帶之因熱者用之亦效 按小薊各處皆有而直隸田禾間亦多生此物是以北京之山名薊門卽因其多生大小薊也俗名刺爾菜（小薊原名刺薊）又名青青菜山東俗名萋萋菜萋字當爲薊字之轉音奉天俗名槍刀菜因其多刺如槍刀也其葉長二寸許寬不足一寸葉邊多刺葉上微有絨毛其葉皆在莖上其莖紫色高尺許莖端開紫花花瓣如絨絲其大如錢作圓形狀若小絨球其花葉皆與紅花相似嫩時可作羹其根與莖葉皆可用而根之性尤良剖取鮮者搗爛取其自然汁沖開水服之若以入煎劑不可久煎宜保存其新鮮之性約煎四五沸卽取湯飲之又其莖中生蟲卽結成疙瘡狀如小棗其涼血之力尤勝若取其鮮者十餘枚搗爛開水沖服以治吐血

衄血之因熱者尤效今藥房中有以此爲大薊者殊屬差誤用時宜取其生農田之間嫩而白者

### 附案

一少年素染花柳毒服藥治愈惟頻頻欬服一切理嗽藥皆不效經西醫驗其血謂仍有毒其毒侵肺是以作嗽詢方於愚俾用鮮小薊根兩許煮湯服之服過兩旬其嗽遂愈  
一少年每年吐血反三四次數年不愈診其脈血熱火盛俾日用鮮小薊根二兩煮湯數鍾當茶飲之連飲二十餘日其病從此除根

### 大麥芽解

大麥芽性平味微酸（含有稀鹽酸是以善消）能入脾胃消化一切飲食積聚爲補助脾胃藥之輔佐品（補脾胃以參朮芪爲主而以此輔之）若與參朮芪並用能運化其補益之力不至作脹滿爲其性善消化兼能通利二便雖爲脾胃之藥而實善舒肝氣（舒肝宜生用炒用之則無效）蓋肝於時爲春於五行爲木原爲人身氣化之萌芽（氣化之本在腎氣化之上達由肝故肝爲氣化之萌芽）麥芽與肝爲同氣相求故善舒之

夫肝主疏泄爲腎行氣爲其力能舒肝善助肝木疏泄以行腎氣故又善於催生至婦人之乳汁爲血所化因其善於消化微兼破血之性故又善回乳「無子吃乳欲回乳者用大麥芽二兩炒爲末每服五錢白湯下」入丸散劑可炒用入湯劑皆宜生用化學家生麥芽於理石(卽石膏)上其根蟠曲之處理石皆成微凹可徵其消化之力

附案

一婦人年三十餘氣分素弱一日忽覺有氣結於上脘不能上達亦不下降俾單用生麥芽一兩煎湯飲之頓覺氣息通順

一婦人年近四旬脇下常常作疼飲食入胃常停滯不下行服藥數年不愈此肝不升胃不降也爲疏方用生麥芽四錢以升肝生鷄內金二錢以降胃又加生懷山藥一兩以培養臟腑之氣化防其因升之降之而有所傷損連服十餘劑病遂全愈

茵陳解

茵陳者青蒿之嫩苗也秋日青蒿結子落地發生貼地大如錢至冬霜雪滿地萌芽無恙甫經立春卽勃然生長宜於正月中旬採之其氣微香其味微辛微苦秉少陽最初之氣

是以涼而能散本經謂其善治黃疸仲景治疸證亦多用之爲其稟少陽初生之氣原與少陽同氣相求是以善清肝胆之熱兼理肝胆之鬱熱消鬱開胆汁入小腸之路毫無阻隔也別錄謂其利小便除頭熱亦清肝胆之功效也其性頗近柴胡實較柴胡之力柔和凡欲提出少陽之邪而其人身弱陰虛不住柴胡之升散者皆可以茵陳代之

### 附案

一人因境多拂逆常動肝氣肝火致腦部充血作疼治以鎮肝涼肝之藥服後周身大熱汗出如洗恍悟肝爲將軍之官中寄相火用藥強制之是激動其所寄之相火而起反動力也卽原方爲加茵陳二錢服後卽安然矣

一少年常患頭疼診其脈肝胆火盛治以茵陳川芎菊花各一錢一劑疼卽止又卽原方爲加龍胆草二錢服兩劑覺頭部輕爽異常又減去川芎連服四劑病遂除根

### 萊菔子解

萊菔子生用味微辛性平炒用氣香性溫其力能升能降生用則升多於降炒用則降多於升取其升氣化痰宜用生者取其降氣消食宜用炒者究之無論或生或炒皆能順氣

開鬱消脹除滿此乃化氣之品非破氣之品而醫者多謂其能破氣不宜多服久服殊非確當之論蓋凡理氣之藥單服久服未有不傷氣者而萊菔子炒熟爲末每飯後移時服錢許藉以消食順氣轉不傷氣因其能多進飲食氣分自得其養也若用以除滿開鬱而以參芪朮諸藥佐之雖多服久服亦何至傷氣分乎

附案

一人年五旬當極忿怒之餘腹中連脇下突然脹起服諸理氣開氣之藥皆不效俾用生萊菔子一兩柴胡川芎生麥芽各三錢煎湯兩鍾分三次溫服下盡劑而愈

一人年二十五六素多痰飲受外感三四日間覺痰延凝結於上脘阻隔飲食不能下行須臾仍復吐出俾用萊菔子一兩生熟各半搗碎煑湯一大鍾送服生赭石細末三錢遲點半鐘再將其渣重煎湯一大鍾仍送服生赭石細末三錢其上脘頓覺開通可進飲食又爲開辛涼清解之劑連服兩劑全愈

枸杞子解

枸杞子味甘多液性微涼爲滋補肝腎最良之藥故其性善明目退虛熱壯筋骨除腰疼

久久服之延年益壽此皆滋補肝腎之功也乃因古有隔家千里勿食枸杞之諺遂疑其能助陽道性或偏於溫熱而愚則謂其性決不熱且確有退熱之功效此從細心體驗而得原非憑空擬議也

愚自五旬後臟腑間陽分偏盛每夜眠時無論冬夏床頭置涼水一壺每醒一次覺心中發熱卽飲涼水數口至明則壺中之水已所餘無幾矣惟臨睡時嚼服枸杞子一兩涼水卽可少飲一半且晨起後覺心中格外鎮靜精神格外充足卽此以論枸杞則枸杞爲滋補良藥性未必涼而確有退熱之功效不可斷言乎

或問枸杞爲善滋陰故能退虛熱今先生因睡醒而覺熱則此熱果虛熱乎抑實熱乎答曰余生平胖壯陰分不虧此非虛熱明矣然白晝不覺熱卽夜間徹夜不睡亦不覺熱惟睡初醒時覺心中發熱是熱生於睡中也其不同於泛泛之實熱又明矣此乃因睡時心腎自然交感而生熱乃先天元陽壯旺之現象惟枸杞能補益元陰與先天元陽相濟是以有此功效此所以久久服之而能延年益壽也若謂其僅能退虛熱猶淺之乎視枸杞矣且其樹壽逾松柏萬年不老無論生於何地其根皆能直達黃泉莫不盛茂從未見有

自枯萎者人服枸杞而壽或亦因斯歟

附方

（金髓煎）枸杞子逐日擇紅熟者以無灰酒浸之蠟紙封固勿令洩氣兩月足取入砂盆中研爛濾取汁同原浸之酒入銀鍋內慢火熬之不住箸攪恐黏住不勻候成錫淨瓶密封貯每早溫酒服二大匙夜臥再服百日身輕氣壯積年不輟可以羽化

地骨皮卽枸杞根上之皮也其根下行直達黃泉稟地之陰氣最厚是以性涼長於退熱爲其力優於下行有收斂之力是以治有汗骨蒸能止吐血衄血更能下清腎熱通利二便並治二便因熱下血且其收斂下行之力能使上焦浮游之熱因之清肅而肺爲熱傷作嗽者服之可愈是以諸家本草多謂其能治嗽也惟肺有風邪作嗽者忌用以其性能斂也

海螵蛸茜草解

內經有四烏鯁骨一蘆茹丸治傷肝之病時時前後血方用烏鯁骨四蘆茹一丸以雀卵如小豆大每服五丸鮑魚湯送下按烏鯁骨卽海螵蛸蘆茹卽茜草詳閱諸家本草載此

二藥之主注皆謂其能治崩帶是與內經用二藥之義相合也又皆謂其能消癥瘕是又與內經用二藥之義相反也本草所載二藥之性如此自相矛盾令後世醫者並疑內經之方而不敢輕用則良方幾埋沒矣而愚對於此二藥其能治崩帶洵有確實徵驗其能消癥瘕歟否則又不敢遽斷也

憶在籍時曾治滄州董姓婦人患血崩甚劇其脈象虛而無力遂重用黃芪白朮輔以龍骨牡蠣萸肉諸收澀之品服後病稍見愈遂即原方加海螵蛸四錢茜草二錢服後其病頓愈而分毫不見血矣愚於斯深知二藥止血之能力遂擬得安衝湯固衝湯二方於方中皆用此二藥登於三期八卷中以公諸醫界

又治鄰村星馬村劉氏婦月信月餘不止病家示以前服之方即拙擬安衝湯去海螵蛸茜草也遂於原方中加此二藥服一劑即愈俾再服一劑以其善後病家因疑而問曰所加之藥如此效驗前醫者如何去之答曰此醫者轉是細心人彼蓋見此二藥有能消癥瘕之說因此生疑而平素對於此二藥又無確實經驗是以有此失也

至於海螵蛸茜草之治帶證愚亦有確實經驗初臨證時以婦女之帶證原係微末之疾

未嘗注意後治一婦人因病帶已不起床初次爲疏方不效後於方中加此二藥遂大見效驗服未十劑脫然全愈於斯愚擬得清帶湯方此二藥與龍骨牡蠣山藥並用登於三期八卷爲治帶證的方後在滄州治一媪年近六旬患帶下赤白相兼心中發熱頭目眩暈已半載不起床矣診其脈甚洪實遂於清帶湯中加苦參龍胆草白頭翁各數錢連服八劑全愈心熱眩暈亦愈

又在本邑治一少婦累年多病身形羸弱繼又下白帶甚劇屢經醫治不效診其脈遲弱無力自覺下焦涼甚亦治以清帶湯爲加乾薑六錢鹿角膠三錢炙甘草三錢連服十劑全愈統以上數次經驗觀之則海螵蛸茜草之治帶不又確有把握哉至其能消癥瘕歟否因未嘗單重用之實猶欠此經驗而不敢遽定也

罌粟殼解

罌粟殼卽罌粟花所結之子外包之殼也其所結之子形如罌中有子如粟可作粥甚香美（炒之則香）故名其外皮爲罌粟殼藥房間省文曰米殼其味微酸性平其嫩時撈出白漿可製鴉片以其猶含鴉片之餘氣故其性能斂肺瀉腸固腎治久嗽久痢遺精脫肛

女子崩帶嗽痢初起及欬嗽兼外感者忌用

按罌粟殼治久嗽久痢誠有效驗如虛勞欬嗽證但用山藥地黃枸杞玄參諸藥以滋陰養肺其嗽不止者加罌粟殼二三錢則其嗽可立見輕減或又少佐以通利之品若牛蒡射干諸藥尤爲穩妥至於久痢其腸中或有腐爛若用三七鴉胆子化其腐爛而其痢仍不止者當將罌粟殼數錢與山藥芍藥諸藥並用連服數劑其痢可全愈

### 竹茹解

竹茹味淡性微涼善開胃鬱降胃中上逆之氣使之下行（胃氣息息下行爲順）故能治嘔吐止吐血衄血（皆降胃之功）金匱治婦人乳中虛煩亂嘔逆有竹皮大丸竹皮卽竹茹也爲其爲竹之皮且涼而能降故又能清肺利痰宣通三焦水道下通膀胱爲通利小便之要藥與葉同功而其力尤勝於葉又善清腸中之熱除下痢後重腹疼爲其涼而宣通損傷瘀血腫疼者服之可消腫愈疼融化瘀血醋煮口漱可止齒齦出血須用嫩竹外邊青皮裏層者力減

族家孀母年四旬足大指隱白穴處忽然破裂出血且色紫且甚多外科家以爲疔毒屢

次服藥不效時愚甫習醫診其脈洪滑有力知係血熱妄行遂用生地黃兩半碎竹茹六錢煎湯服之一劑血止又服數劑脈亦平和蓋生地黃涼血之力雖能止血然恐止後血瘀經絡致生他病輔以竹茹宣通消瘀且其性亦能涼血止血是以有益而無弊也

友人劉幹臣之女嫁於鄰村得溫病幹臣邀愚往視其證表裏俱熱胃口滿悶時欲嘔吐舌苔白而微黃脈象洪滑重按未實問其大便昨行一次微燥一醫者欲投以調胃承氣湯疏方尙未取藥愚曰此證用承氣湯尙早遂另爲疏方用生石膏一兩碎竹茹六錢青連翹四錢煎湯服後周身微汗滿悶立減亦不復欲嘔吐從前小便短少自此小便如常其病頓愈

沙參解

沙參味淡微甘性涼色白質鬆中空故能入肺清熱滋陰補益肺氣兼能宣通肺鬱故本經謂其主血積肺氣平而血之上逆者自消也人之魂藏於肝魄藏於肺沙參能清補肺臟以定魄更能使肺金之氣化清肅下行鎮輯肝木以安魂魄魄安定驚恐自化故本經又謂主驚氣也

徐靈胎曰肺主氣故肺家之藥氣勝者爲多但氣勝之品必偏於燥而能滋肺者又膩滯而不清虛惟沙參爲肺家氣分中理血之藥色白體輕疏通而不燥潤澤而不滯血阻於肺者非此不能清也

沙參以體質輕鬆中心空者爲佳然必生於沙磧之上土性鬆活始能如此渤海之濱沙磧綿亘純係蚌殼細末毫無土質其上所長沙參粗如拇指中空大於藕孔其味甘於他處沙參因其處若三四尺深卽出甜水是以所長之沙參其味獨甘鮮嚼服之大能解渴故以治消渴尤良其葉光澤如鏡七月抽莖開白花純稟金氣肺熱作嗽者用之甚效洵良藥也

#### 連翹解

連翹味淡微苦性涼具升浮宣散之力能流通氣血治十二經血凝氣聚爲瘡家要藥能透表解肌清熱逐風又爲治風熱要藥且其性能托毒外出又爲發表疹癰之要藥爲其性涼而升浮故又善治頭目之疾凡頭疼目疼齒疼鼻淵或流濁涕成腦漏證皆能主之爲其味淡能利小便故又善治淋證溺管生炎

仲景方中所用之連翹乃連翹之根卽本經之連根也其性與連翹相近其發表之力不及連翹而其利水之力則勝於連翹故仲景麻黃連翹赤小豆湯用之以治瘀熱在裏身將發黃取其能導引濕熱下行也

按連翹諸家皆未言其發汗而以治外感風熱用至一兩必能出汗且其發汗之力甚柔和又甚綿長曾治一少年風溫初得俾單用連翹一兩煎湯服徹夜微汗翌晨病若失又連翹善理肝氣既能舒肝氣之鬱又能平肝氣之盛曾治一媪年過七旬其手連臂腫疼數年不愈其脉弦而有力遂於清熱消腫藥中每劑加連翹四錢旬日腫消疼愈其家人謂媪從前最易憤怒自服此藥後不但病愈而憤怒全無何藥若是之靈妙也由是觀之連翹可爲理肝之要藥矣

川棟子解 大如栗者是川棟子他處棟子小而味苦 去核名金鈴子

川棟子味微酸微苦性涼酸者入肝苦者善降能引肝胆之熱下行自小便出故治肝氣橫恣胆火熾盛致脅下掀疼並治胃脘氣鬱作疼木能疏土也其性雖涼治疝氣者恆以之爲嚮導藥因其下行之力能引諸藥至患處也至他處之苦棟子因其味苦有小毒除

蟲者恆用之

薄荷解

薄荷味辛氣清郁香竄性平少用則涼多用則熱（如以鮮薄荷汁外擦皮膚少用殊覺清涼多用卽覺灼熱）其力能內透筋骨外達肌表宣通臟腑貫串經絡服之能透發涼汗爲溫病宜汗解者之要藥若少用之亦善調和內傷治肝氣胆火鬱結作疼或肝風內動忽然癇瘳癩癰頭疼目疼鼻淵鼻塞齒疼咽喉腫疼肢體拘攣作疼一切風火鬱熱之疾皆能治之痢疾初起挾有外感者亦宜用之散外感之邪卽以清腸中之熱則其痢易愈又善消毒菌（薄荷冰善消霍亂毒菌薄荷亦善消毒菌可知）逐除惡氣一切霍亂痧證亦爲要藥爲其味辛而涼又善表疹癰愈皮膚瘙癢爲兒科常用之品

溫病發汗用薄荷猶傷寒發汗用麻黃也麻黃服後出熱汗熱汗能解寒是以宜於傷寒薄荷服後出涼汗涼汗能清溫是以宜於溫病若以麻黃發溫病之汗薄荷發傷寒之汗大抵皆不能出汗卽出汗亦必不能愈病也

按薄荷古原名苛以之作蔬不以之作藥本經別錄皆未載之至唐時始列於藥品是以

傷寒論諸方未有用薄荷者然細審傷寒論之方確有方中當用薄荷因當時猶未列入藥品卽當用薄荷之方不得不轉用他藥者試取傷寒之方論之如麻杏甘石湯中之麻黃宜用薄荷代之蓋麻杏甘石湯原治汗出而喘無大熱既云無大熱其仍有熱可知有熱而猶用麻黃者取其瀉肺定喘也然麻黃能瀉肺定喘薄荷亦能瀉肺定喘（薄荷之辛能抑肺氣之盛又善搜肺氣）用麻黃以熱治熱何如用薄荷以涼治熱乎又如凡有葛根諸湯中之葛根亦可以薄荷代之蓋葛根原所以發表陽明在經之熱葛根之涼不如薄荷而其發表之力又遠不如薄荷則用葛根又何如用薄荷乎斯非背古訓也古人當藥物未備之時所製之方原有不能盡善盡美之處無他時勢限之也吾人當藥物既備之時而不能隨時化裁與古爲新是仍未會古人製方之意也醫界之研究傷寒者尙其深思愚言哉

茯苓茯神解

茯苓氣味俱淡性平善理脾胃因脾胃屬土土之味原淡（土味淡之理徐靈胎曾詳論之）是以內經謂淡氣歸胃而慎柔五書上述內經之旨亦謂味淡能養脾陰蓋其性能

化胃中痰飲爲水液引之輸於脾而達於肺復下循三焦水道以歸膀胱爲滲濕利痰之主藥然其性純良瀉中有補雖爲滲利之品實能培土生金有益於脾胃及肺且以其得松根有餘之氣伏藏地中不外透生苗故又善斂心氣之浮越以安魂定魄兼能瀉心下之水飲以除驚悸又爲心經要藥且其伏藏之性又能斂抑外越之水氣轉而下注不使作汗透出兼爲止汗之要藥也其抱根而生者爲茯神養心之力較勝於茯苓

劉潛江曰茯苓本古松靈氣綸結成形盧子繇謂其精英不發於枝葉返旋生氣吸伏於踵一若真人之息若但視爲利濕殆有未然蓋松之凌冬不凋非以其稟真陽之性耶乃其氣入土久而結茯苓是其質成於陰氣稟於陽也陶隱居謂其無朽蛀埋地中三十年猶色理無異不可見其堅貞哉

茯苓若入煎劑其切作塊者終日煎之不透必須切薄片或搗爲末方能煎透

友人竹芷熙曰岷縣地固多山有葛溪口岷東山名也本層巒疊嶂峯迴水繞之所吳氏聚族而居約四五十家以種苓爲業其種苓之法秘而不宣雖親戚不告焉新岷藥肆間茯苓皆出於是春間吳氏之媳病蓋產後月餘壯熱口渴不引飲汗出不止心悸不寐延

余往治病人面現紅色脉有滑象急用甘草麥冬竹葉柏子仁浮小麥大棗煎成與飲不效繼用酸棗仁湯減川芎加浮小麥大棗亦不效又用歸脾湯龍骨牡蠣淨黃肉則仍然如故當此之時余束手無策忽一人進而言曰何不用補藥以緩之余思此無稽之談所云補藥者心無見識也姑漫應之時已屆晚寢之時至次日早起其翁奔告曰予媳之病昨夜用補藥醫痊矣余將信將疑不識補藥究係何物乃翁持渣來見罇中有茯苓四五兩噫茯苓焉胡爲云補藥哉余半晌不能言危坐思之凡病有一線生機皆可醫治茯苓固治心悸之要藥亦治汗出之主藥仲景治傷寒汗出而渴者五苓散不渴者茯苓甘草湯傷寒厥而心下悸者宜先治水當服茯苓甘草湯可知心悸者汗出過多心液內涸腎水上救入心則悸餘藥不能治水故用茯苓以鎮之是證心悸不寐其不寐由心悸而來卽心悸亦從汗出而來其壯熱口渴不引飲脈滑皆有水氣之象今幸遇種苓家否則汗出不止終當亡陽水氣凌心必當滅火是誰之過歟余引咎而退觀竹君此論不惜暴言已之失以爲醫界說法其疏解經文之處能將仲景用茯苓之深意彰彰表出固其析理之精亦見其居心之厚也夫仁人之後必昌君之諱嗣名餘祥青年英發馳名醫界時與

愚有魚雁往來其造就固未可量也

湖北天門縣崔蘭亭來函云民紀十九年四十八師李團長夫人頭目眩暈心中怔忡嘔吐涎沫有時覺氣上衝昏憒不省人事軍醫治以安神之藥無效繼又延醫十餘人皆服藥無效危險已至極點生診其脈浮而無力視其形狀無可下藥恍悟四期衷中參西錄茯苓解中所論重用茯苓之法當可挽回此證遂俾單用茯苓一兩煎湯服之服後甫五分鐘病即輕減旋即煎渣再服益神清氣爽連服數劑病即全愈後每遇類此證者投此方皆可奏效

### 木通解

木通味苦性涼爲籐蔓之梗其全體玲瓏通徹故能貫串經絡通利九竅能瀉上焦之熱曲曲引之下行自水道達出爲利小便清淋濁之要藥其貫串經絡之力又能治周身拘攣肢體痺疼活血消腫催生通乳多用亦能發汗

愚平素不喜用苦藥木通諸家未嘗言苦而其味實甚苦因慮人嫌其苦口難服故於木通未嘗獨用重用以資研究近因遇一肢體關節腫疼證投以清熱利濕活血之品更以

西藥阿斯必林佐之治愈適法庫門生萬澤東來奉因向彼述之澤東曰金鑑治三痺（行痺痛痺著痺）有木通湯方學生以治痛痺極有效驗且服後必然出汗曾用數次皆一劑而愈愚曰我亦見其方但未嘗試用故不知如此神效既效驗如此當急錄出以公諸醫界爰列其方於左

木通湯 用木通一味不見水者（其整者皆未見水搗碎用）二兩以長流水二碗煎一碗熱服取微汗不愈再服以愈爲度若其痛上下左右流走相移者加羌活防風以祛風邪其痛涼甚者有汗加附子無汗加麻黃以去寒邪其痛重著難移者加防己以勝濕邪其所應加之藥不可過三錢弱者俱減半服

蒲黃解

蒲黃味淡微甘微辛性涼善治氣血不和心腹疼痛遊風腫疼顛仆血悶（用生蒲黃半兩煎湯灌下卽醒）痔瘡出血（水送服一錢日三次）女子月閉腹痛產後瘀血腹疼爲其有活血化瘀之力故有種種諸效若炒熟用之（不宜炒黑）又善治吐血欬血衄血二便下血女子血崩帶下外用治舌脹腫疼甚或出血一切瘡瘍腫疼蜜調敷之）皆宜用

生者）皆有捷効爲其生於水中且又味淡故又善利小便鄒潤安曰凡生水中之物皆以水爲父母而聽其消漲以爲榮枯矧蒲黃又生於四五月大火得令時能吸火氣以媾於水而成中五之色者是能合水火之精以成土者也人身惟水火不諧方小便不利而爲心腹膀胱寒熱蒲黃象土本可防水且又生於水中用之使調和水火則寒熱於以解小便遂自利柔化之功反速於剛制也若夫熱傍水勢而迫血妄行熱阻水行而停血成瘀則亦行者能止瘀者能消而均可無慮故本經謂其主心腹膀胱寒熱利小便止血又消瘀血也詳觀此論是蒲黃之性原善化瘀血又善止血妄行非炒而色紫黑始能止血也卽欲炒用之以止血亦惟炒熟而已斷不宜過炒之以失其本性

鄒氏又謂金匱用蒲灰散利小便治厥而皮水解者或以爲香蒲或以爲蒲席燒灰然香蒲但能清上熱不云能利水敗蒲席別錄主筋溢惡瘡亦非利水之物蒲黃本經主利小便且本事方芝隱方皆述其治舌脹神驗予亦曾治多人毫絲不爽不正合治水之腫於皮乎夫皮水爲膚腠間病不應有厥厥者下焦病也膀胱與腎爲表裏膀胱以水氣歸皮致小便不利氣阻而成寒熱則腎亦承其弊爲之陰壅而陽不得達遂成厥焉病本在外

非可用溫又屬皮水無從發散計惟解心腹膀胱之寒熱使小便得利又何厥逆之有以是知其爲蒲黃無疑也曰蒲灰者蒲黃之質固有似於灰也

按蒲黃誠爲妙藥失笑散用蒲黃五靈脂等分生研每用五錢水酒各半加醋少許煎數沸連渣服之能愈產後腹疼於頃刻之間人多因蒲黃之質甚軟且氣味俱淡疑其無甚力量而忽視之是皆未見鄒氏之論故不能研究本經主治之文也

### 三稜莪朮解

三稜氣味具淡微有辛意莪朮味微苦氣微香亦微有辛意性皆微溫爲化瘀血之要藥以治男子痿痺女子癥瘕月閉不通性非猛烈而建功甚速其行氣之力又能治心腹疼痛脇下脹疼一切血凝氣滯之證若與參朮耆諸藥並用大能開胃進食調血和血若細覈二藥之區別化血之力三稜優於莪朮理氣之力莪朮優於三稜

藥物恆有獨具良能不能從氣味中窺測者如三稜莪朮性近和平而以治女子瘀血雖堅如鐵石亦能徐徐消除而猛烈開破之品轉不能建此奇功此三稜莪朮獨具之良能也而耳食者流恆以其能消堅開瘀轉疑爲猛烈之品而不敢輕用幾何不埋沒良藥哉

三稜莪朮若治陡然腹脅疼痛由於氣血凝滯者可但用三稜莪朮不必以補藥佐之若治瘀血積久過堅硬者原非數劑所能愈必以補藥佐之方能久服無弊或用黃芪六錢三稜莪朮各三錢或減黃芪三錢加野臺參三錢其補破之力皆可相敵不但氣血不受傷損瘀血之化亦較速蓋人之氣血壯旺愈能駕馭藥力以勝病也

### 附案

鄰村武生李卓亭夫年三十餘癥瘕起於少腹漸長而上其當年長者尙軟隔年卽硬如石七年之間上至心口旁塞兩肋飲食減少時而昏憤劇時昏睡一晝夜不飲不食屢次服藥無效後愚爲診視脈雖虛弱至數不數許爲治愈授以拙擬理衝湯方（方載三期八卷中有三稜莪朮各三錢）病人自揣其病斷無可治之理竟置不服次年病益進昏睡四日不醒愚用藥救醒之遂懇切告之曰去歲若用愚方病愈已久何至危困若此然此病尙可爲甚勿再遲淹也仍爲爾前方病人喜信愚言連服三十餘劑磊塊皆消惟最初所結之病根大如核桃之巨者尙在又加水蛭（不宜炙）服數劑全愈

### 乳香沒藥解

乳香氣香竄味淡故善透竅以理氣沒藥氣則淡薄而味則辛而微酸故善化瘀以理血其性皆微溫二藥並用爲宣通臟腑流通經絡之要藥故凡心胃脇腹肢體關節諸疼痛皆能治之又善治女子行經腹痛產後瘀血作疼月事不以時下其通氣活血之力又善治風寒濕痺周身麻木四肢不遂及一切瘡瘍腫疼或其瘡硬而不疼外用爲粉以敷瘡瘍能解毒消腫生肌止痛雖爲開通之品不至耗傷氣血誠良藥也

按乳香沒藥最宜生用若炒用之則其流通之力頓減至用於丸散中者先軋作粗渣入鍋內隔紙烘至半鎔候冷軋之卽成細末此乳香沒藥去油之法

附案

一人年三十許當臍忽結癥瘕自下漸長而上其初長時稍軟數日後卽硬如石旬日長至心口向愚詢方自言凌晨冒寒得於途間愚再三思之不得其證之主名然卽形迹論之約不外氣血凝滯爲疏方用當歸丹參乳香沒藥各五錢流通氣血之中大具融化氣血之力連服十劑全愈以後用此方治內外瘡瘍心腹肢體疼痛凡病之由於氣血凝滯者恆多奇效因將其方登於三期四卷名活絡效靈丹

一少婦左脇起一瘡其形長約五寸上半在乳下半在肋皮色不變按之甚硬而微熱於他處延醫詢方調治兩月不效且漸大於從前後愚診視閱其所服諸方有遵林屋山人治白疽方治者有按乳癰治者愚曉病家曰此證硬而色白者陰也按之微熱者陰中有陽也統觀所服諸方有治純陰純陽之方無治半陰半陽之方勿怪其歷試皆不效也亦俾用活絡效靈丹作湯服之此方原有作湯服作散服兩種服法若作散服每次四錢溫酒送下數劑見消服至三十劑消無芥蒂

一鄰村婦人心腹疼痛異常延醫服藥無效勢近垂危其家人夜走四五里叩門求方適遇他出長子陰潮爲關活絡效靈丹方授之煎服一劑卽愈蓋擬得此方以來十餘年間治愈心腹疼痛者不勝紀矣

### 常山解

常山性涼味微苦善消脾中之痰爲治瘧疾要藥（瘧疾皆係脾中多痰凡久瘧脇下有硬塊名瘧母者皆係脾脹兼有痰也）少服則痰可徐消若多服卽可將脾中之痰吐出爲其多服卽作嘔吐故諸家本草皆謂其有毒醫者用之治瘧亦因此不敢多用遂至有

效有不效若欲用之必效當效古人一劑三服之法用常山五六錢煎湯一大鍾分五六次徐徐溫服下即可不作嘔吐瘧疾亦有八九可愈

民紀六年愚欲將衷中參西錄初期付梓時當仲夏臆寫真本勞碌過度兼受暑遂至病瘧乃於不發瘧之日清晨用常山八錢煎湯一大碗徐徐溫飲之一次止飲一大口飲至日夕而劑盡心中分毫未覺難受而瘧亦遂愈後遂變湯劑爲丸劑將常山軋細過羅水泛爲丸桐子大每服八分一日之間自晨至暮服五次共服藥四錢瘧亦可愈若病發時熱甚劇者可用生石膏一兩煎湯初兩次服藥時可用此湯送服西人謂病瘧者有瘧虫西藥金鷄納霜善除瘧虫故善治瘧常山想亦善除瘧虫之藥品歟

### 山查解

山查味至酸微甘性平皮赤肉紅黃故善入血分爲化瘀血之要藥能除痞癥癭女子月閉產後瘀血作疼（俗名兒枕疼）爲其味酸而微甘能補助胃中酸汁故能消化飲食積聚以治肉積尤效其化瘀之力更能蠲除腸中瘀滯下痢膿血且兼入氣分以開氣鬱痰結療心腹疼痛若以甘藥佐之（甘草蔗糖之類酸甘相合有甲已化土之義）化瘀血

而不傷新血開鬱氣而不傷正氣其性尤和平也

女子至期月信不來用山查兩許煎湯沖化紅蔗糖七八錢服之卽通此方屢試屢效若月信數月不通者多服幾次亦通下

痢疾初得者用山查一兩紅白蔗糖各五錢好毛尖茶葉錢半將山查煎湯沖糖與茶葉在蓋碗中浸片時飲之卽愈

本草綱目山查後載有兩方一方治腸風下血若用涼藥熱藥補脾藥俱不效者獨用乾山查爲末艾葉煎湯調下應手卽愈一方治痘疹乾黑危困者用山查爲末紫草煎酒調服一錢按此二方皆有效驗故附載之

### 石榴解

石榴有酸甜二種以酸者爲石榴之正味故入藥必須酸者其性微涼能斂輯肝火保合肺氣爲治氣虛不攝肺勞喘嗽之要藥又爲治肝虛風動相火浮越之要藥若連皮搗爛煮湯飲之又善治大便滑瀉小便不禁久痢不止女子崩帶以其皮中之液最澀故有種種諸效也

愚在籍時最喜用酸石榴及至奉天欲用此物恆遣人搜羅鮮果舖數十家僅得一二枚又恆有搜羅終日而一枚不得者蓋酸石榴必來自關裏本地之石榴則無一酸者此或土地攸關歟抑或酸石榴之種未至東省歟愚今言此欲醫界同人若用石榴時當自嘗其果係酸者而後可以之入藥也

附案

周姓叟年近七旬素有勞疾且又有阿片嗜好於季秋患溫病陽明府熱熾盛脉象數而不實喘而兼嗽吐痰稠黏投以白虎加人參湯以生山藥代粳米一劑大熱已退而喘嗽仍不愈且氣息微弱似不接續其家屬惶恐以爲難愈且謂如此光景難再進藥愚曰此次無須用藥尋常服食之物即可治愈爲疏方用生懷山藥兩半酸石榴自然汁六錢甘蔗自然汁一兩生鷄子黃四個先將山藥煎取清湯一大碗再將餘三味調入碗中分三次溫飲下盡劑而愈後屢用此方治愈多人遂將其方登於衷中參西錄名之曰寧嗽定喘飲

門生高如璧之父曾向愚問治泄瀉方語以酸石榴連皮搗爛煮服甚效後歲值壬寅霍

亂盛行有甫受其病泄瀉者彼與以服酸石榴方泄瀉止而病亦遂愈蓋霍亂之上吐下瀉原係肝木挾外感之毒尅伐脾胃乃當其病勢猶未橫恣急以酸石榴斂輯肝木使不至助邪爲虐致吐瀉不已則元氣不漓自可以抗禦毒菌况酸石榴之味至酸原有消除毒菌之力乎（凡味之至酸者皆善消）古方治霍亂多用木瓜取其酸能斂肝也酸石榴之酸遠勝木瓜是以有此效也

鄰村張氏婦年過四旬素患肺勞喘嗽夜不安枕者已數年已無論服何藥皆無效驗一晚偶食酸石榴覺夜間喘嗽稍輕從此每晚服之其喘嗽日輕一日服過三月竟脫然無累矣

#### 龍眼肉解

龍眼肉味甘氣香性平液濃而潤爲心脾緊藥能資生心血（凡藥之色赤液濃而甘者皆能生血）兼能保合心氣（甘而且香者皆能助氣）能滋補脾血（味甘歸脾）兼能強健脾胃（氣香能醒脾）故能治思慮過度心脾兩傷（脾主思過思則傷脾）或心虛怔忡寢不成寐或脾虛泄瀉或脾虛不能統血致二便下血爲其味甘能培補脾土卽能有益

肺金(土生金)故又治肺虛勞嗽痰中帶血食之甘香適口以治小兒尤佳

附案

一少年心中怔忡夜不能寐其脉弦硬微數知其心脾血液短也俾購龍眼肉飯甑蒸熟  
隨便當點心食之至斤餘病遂除根

一六七歲童子大便下血數月不愈服藥亦無效驗亦俾蒸熟龍眼肉服之約日服兩許  
服至旬日全愈

一婦人年四十許初因心中發熱氣分不舒醫者投以清火理氣之劑遂泄瀉不止更延  
他醫投以溫補之劑初服稍輕久服則瀉仍不止一日夜四五次遷延半載以爲無藥可  
醫後患爲診視脉雖濡弱而無弦數之象知猶可治但瀉久身弱虛汗淋漓心中怔忡飲  
食減少躊躇再四爲擬方用龍眼肉生山藥炒白朮各一兩補脾兼補心腎數劑瀉止而  
汗則加多遂於方中加生龍骨生牡蠣各六錢兩劑汗止又變爲漫腫蓋從前瀉時小便  
短少瀉止後小便仍少水氣下無出路故蒸爲汗汗止又爲漫腫也斯非分利小便使水  
氣下行不可特其平素常覺腰際涼甚利小便之藥涼者斷不可服遂去龍骨牡蠣加椒

目三錢連服十劑全愈

柏子仁解

柏子仁味微甘微辛氣香性平多含油質能補助心氣治心虛驚悸怔忡能涵濡肝木潤肝氣橫恣脅疼滋潤腎水治腎虧虛熱上浮雖含油質甚多而性不濕膩且氣香味甘實能有益脾胃本經謂其除風濕痺脾胃之氣化壯旺由中四達而痺者自開也其味甘而兼辛又得秋金肅降之氣能入肺寧嗽定喘導引肺氣下行統言之和平純粹之品於五臟皆有補益故本經謂安五臟也宜去淨皮炒香用之不宜去油

徐靈胎曰柏得天地堅剛之性以生不與物變遷經冬彌翠故能寧心神斂心氣而不爲邪風游火所侵尅也又曰人之生理謂之仁仁藏於心物之生機在於實故實亦謂之仁凡草木之仁皆能補心氣以類相應也

周伯度曰柏爲百木之長葉獨西指是爲金木相媾仁則色黃白而味辛甘氣清香有脂而燥雖潤不膩故肝得之而風虛能去脾得之而濕痺能通肺得之而大腸虛秘能已金匱竹皮大丸喘加柏實者肺病亦肝病也蓋婦人乳中煩嘔是肝氣之逆逆則不下歸腎

而上衝肺柏實得西指之氣能降肺以輯肝喘寧有不止者乎此與他喘證不同故用藥亦異也

凡植物皆喜陽光故樹杪皆向東南柏樹則獨向西北（不單西指）西北者金水合併之方也且其實成於秋而採於冬飽經霜露得金水之氣尤多肝臟屬木中寄相火性甚暴烈內經名爲將軍之官如驕將悍卒必恩威並用而後能統馭之柏子仁既稟金水之氣水能滋木如統師旅者之厚其餉也金能鎮木如統師旅者之嚴其律也滋之則肝木得其養兼得其平將軍之官安其職矣本經謂柏實能安五臟而實於肝臟尤宜也會治鄰村毛姓少年其肝臟素有傷損左關脈獨微弱一日忽脇下作疼俾單用柏子仁一兩煎湯服之立愈觀此則柏子仁善於理肝可知矣

大棗解

大棗味甘微辛性溫其津液濃厚滑潤最能滋養血脉潤澤肌肉強健脾胃固腸止瀉調和百藥能緩猛藥健悍之性使不傷脾胃是以十棗湯葶藶大棗湯諸方用之若與生薑並用爲調和營衛之妙品是以桂枝湯柴胡湯諸方用之本經謂其能安中者因其味至

甘能守中也又謂其能通九竅者因其津液滑潤且微有辛味故兼有通利之能也謂其補少氣少津液者爲其味甘能益氣其津液濃厚滑潤又能補人身津液之不足也雖爲尋常食品用之得當能建奇功

周伯度曰生薑味辛色黃由陽明入衛大棗味甘色赤由太陰入營其能入營由於甘中有辛惟其甘守之力多得生薑乃不至過守生薑辛通之力多得大棗乃不至過通二藥并用所以爲和營衛之主劑

本經名之爲大棗者別於酸棗仁之小棗也凡棗之酸者皆小甘者皆大而大棗又非一種約以生食不脆乾食肉多味極甘者爲入藥之品若用爲服食之物而日日食之者宜先用水將棗煮兩三沸遲一點鐘將棗撈出（此時嘗其煮棗之水甚苦故先宜將苦水澆出）再用飯甑上蒸熟則其味甘美其性和平可以多服久服不至生熱

### 附案

邑中友人趙厚菴身體素羸弱年屆五旬飲食減少日益消瘦詢方于愚俾日食熟大棗數十枚當點心用之後年餘覲面貌較前豐腴若干自言自聞方後卽日服大棗至今未

嘗間斷飲食增於從前三分之一是以身形較前強壯也

表叔高福亭先生年過五旬胃陽不足又兼肝氣鬱結因之飲食減少時覺滿悶服藥半載毫無效驗適愚遠遊還里覲面談及俾用大棗六斤生薑一斤切片同在飯甑蒸熟白內搗如泥加桂枝尖細末三兩炒熟麥麵斤半和勻捏成小餅爐上炙乾隨意當點心服之盡劑而愈

胡桃 亦名核桃解

胡桃味微甘氣香性溫多含油質將油榨出須臾卽變黑色爲滋補肝腎強健筋骨之要藥故善治腰疼腿疼一切筋骨疼痛爲其能補腎故能固齒牙烏鬚髮治虛勞喘嗽氣不歸元下焦虛寒小便頻數女子崩帶諸證其性又能消堅開瘀治心腹疼痛砂淋石淋杜塞作疼腎敗不能漉水小便不利或誤吞銅物多食亦能消化（試與銅錢同嚼其錢卽碎能化銅可知）又善消瘡疽及皮膚疥癬頭上白禿又能治瘡毒深入骨髓軟弱不能步履

果之有核猶人之有骨是以骨亦名骸其偏旁皆從亥也胡桃之核較他核爲最大且其

中之仁又含有多脂而色黑其善於補骨更能補骨中之髓可知（齒爲骨之餘食酸齏齒者嚼胡桃仁卽愈亦其能補骨之實徵）曾治一幼童五齡猶不能行身多瘡瘍治愈復發知其父素有梅毒此係遺傳性病在骨髓也爲疏方每劑中用胡桃仁八錢佐以金銀花白鮮皮土茯苓川貝母玄參甘草諸藥如此方少有加減服藥二十餘劑其瘡皆愈從此漸亦能行步矣

古方治虛寒喘嗽腰酸痛用胡桃仁二十兩爛研補骨脂十兩酒蒸爲末蜜調如飴每晨酒服一大匙不能飲者熱水調服汪詡菴謂補骨脂屬火入心包命門能補相火以通君火暖丹田壯元陽胡桃屬木能通命門利三焦溫肺潤腸補養氣血有木火相生之妙愚常用之以治下焦虛寒之證誠有奇效

又前方加杜仲一斤生薑炒蒜四兩同爲丸名青娥丸治腎虛腰疼而此方不但治腎虛腰疼也以治虛寒腿疼亦極效驗曾治一媪年過六旬腿疼年餘不愈其脉兩尺沈細俾日服青娥丸月餘全愈若虛寒之甚者可於方加生硫黃三兩至硫黃生用之理觀三期八卷所載服生硫黃法自明

### 五味子解

五味子性溫五味俱備酸鹹居多其酸也能斂肺故本經謂主欬逆上氣其鹹也能滋腎故本經謂其強陰益男子精其酸收之力又能固攝下焦氣化治五更泄瀉夢遺失精及消渴小便頻數或飲一澗一或飲一澗二其至酸之味又善入肝肝開竅於目故五味能斂瞳子散大然其酸收之力甚大若欬逆上氣挾有外感者須與辛散之藥同用（若乾薑生薑麻黃細辛諸藥）方能服後不至留邪凡入煎劑宜搗碎以其仁之味辛與皮之酸味相濟自不至酸斂過甚服之作脹滿也

鄒潤安曰傷寒論中凡遇欬者總加五味子乾薑義甚深奧經云脾氣散精上歸於肺是故欬雖肺病而其源實主於脾惟脾家所散上歸之精不清則肺家通調水道之令不肅後人治欬但知潤肺消痰不知潤肺則肺愈不清消痰則轉能傷脾而痰之留於肺者究莫消也乾薑溫脾肺是治欬之來路來路清則欬之源絕矣五味使肺氣下歸於腎是欬之去路去路清則氣肅降矣合兩藥而言則爲一開一闔當開而闔是爲關門逐盜當闔而開則恐津液消亡故小青龍湯及小柴胡湯真武湯四逆散之兼欬者皆用之不嫌其

表裏無別也

萹藤解

萹藤味淡性溫爲其味淡而溫故能直趨膀胱溫補下焦氣化治小兒夜睡遺尿或大人小便頻數致大便乾燥其溫補之性兼能潛精秘氣患淋證者禁用三期四卷醒脾升陷湯後曾詳論之

鷄內金解

鷄內金鷄之脾胃也其中原含有稀鹽酸故其味酸而性微溫中有銻石銅鐵皆能消化其善化痰積可知內經謂諸濕腫滿皆屬於脾蓋脾中多迴血管原爲通徹玲瓏之體是以居於中焦以升降氣化若有痰積氣化不能升降是以易致脹滿用鷄內金爲臟器療法若再與白朮等分並用爲消化痰積之要藥更爲健補脾胃之妙品脾胃健壯益能運化藥力以消積也且爲鷄內金含有稀鹽酸不但能消脾胃之積無論臟腑何處有積鷄內金皆能消之是以男子女眩癱之癥瘕久久服之皆能治愈又凡虛勞之證其經絡多瘀滯加鷄內金於滋補藥中以化其經絡之瘀滯而病始可愈至以治室女月信一次未

見者尤爲要藥蓋以其能助歸芍以通經又能助健補脾胃之藥多進飲食以生血也

附案

瀋陽城西龔慶齡年三十歲胃脘有硬物杜塞已數年矣飲食減少不能下行來院求爲診治其脈象沈而微弦右部尤甚爲疏方用鷄內金一兩生酒麴五錢服數劑硬物全消奉天大東關史仲堦年近四旬在黑龍江充警察暑長爲腹有積聚久治不愈還奉求爲診治其積在左脇下大徑三寸按之甚硬時或作疼呃逆氣短飲食減少脉象沈弦此乃肝積肥氣之類俾用生鷄內金三兩柴胡一兩共爲末每服一錢半日服三次旬餘全愈奉天海龍秦星垣年三十餘胃中滿悶不能飲食自覺賁門有物窒礙屢經醫治分毫無效脈象沈牢爲疏方鷄內金六錢白朮赭石各五錢乳香沒藥丹參各四錢生桃仁二錢連服八劑全愈星垣喜爲登報聲明

奉天大東關宋氏女年十九歲自十七歲時胃有瘀滯作疼調治無效寢至不能飲食脈象沈而無力右部尤甚爲疏方鷄內金一兩生酒麴黨參各五錢三稜莪朮知母各三錢罌鷄（俗名紅娘子）十五個服至八劑大小二便皆下血胃中豁然其疼遂愈

鹽山龍潭莊李氏婦年近三旬胃脘舊有停積數年不愈漸大如拳按之甚硬不能飲食左脈弦細右脈沈濡爲疏方鷄內金八錢生箭耆六錢三稜莪乳香沒藥各三錢當歸知母各四錢連服二十餘劑其積全消

友人毛仙閣治一孺子自兩三歲時腹卽脹大至五六歲益加劇而目黃瘦飲食減少俗所謂大肚痞也仙閣見三期三卷期頤餅方後載若減去芡實可治小兒疳積痞脹大人癥瘕積聚遂用其方（方係生鷄內金細末三兩白麵半斤白沙糖不拘多少和作極薄小餅烙至焦熟俾作點心服之）月餘全愈

愚之來奉也奉天稅捐局長齊自芸先生爲之介紹也時先生年已七旬而精神矍鑠公餘喜觀醫書手不釋卷歲在戊午天地新學社友人將衷中參西錄初期稿印行於奉天先生見書奇賞之適有局中書記之夫人患癥瘕證數年不愈寢至不能起牀向先生求方先生簡書中理衝湯方（方載三期八卷）與之且按方後所註若身體羸弱脈象虛數者去三稜莪尤將方中雞內金改用四錢服至十餘劑全愈先生遂購書若干徧送友人因聯合同志建立醫院延愚來奉矣

### 穿山甲解

穿山甲味淡性平氣腥而竄其走竄之性無微不至故能宣通臟腑貫徹經絡透達關節凡血凝血聚爲病皆能開之以治疔癰放胆用之立見功效並能治癥瘕積聚周身麻痺二便閉塞心腹疼痛若但知其長於治瘡而忘其他長猶淺之乎視山甲也

疔癰初起未成膿者愚恆用山甲皂刺各四錢花粉知母各六錢乳香沒藥各三錢全蜈蚣三條服之立消以治橫痃（魚口便毒之類）亦極效驗其已有膿而紅腫者服之紅腫卽消膿亦易出至癥瘕積聚疼痛麻痺二便閉塞諸證用藥治不效者皆可加山甲作嚮導友人黃星樓謂身上若有血箭證或金傷出血不止者敷以山甲末立止屢次用之皆效蛤粉炒透用惟以之熬膏藥用生者

### 蜈蚣解

蜈蚣味微辛性微溫走竄之力最速內而臟腑外而經絡凡氣血凝聚之處皆能開之性有微毒而轉善解毒凡一切瘡瘍諸毒皆能消之其性尤善搜風內治肝風萌動癩癧眩暈抽掣癱瘓小兒臍風外治經絡中風口眼歪斜手足麻木爲其性能制蛇故又治蛇癩

及蛇咬中毒外敷治瘡甲（俗名雞眼爲未敷之以生南星末醋調敷四圍）用時宜帶頭足去之則減力且其性原無大毒故不妨全用也

附案

一媪年六旬其腿爲狗咬破受風周身抽掣延一老醫調治服藥十餘日抽掣愈甚所用之藥每劑中皆有全蝎數錢佐以祛風活血助氣之藥大致順適而未用蜈蚣因爲疏方用生黃芪六錢當歸四錢羌活獨活全蝎各二錢全蜈蚣大者二條（方載三期七卷名逐風湯）煎服一劑抽掣卽止又服一劑永不反覆

奉天小西邊門外煙卷公司司帳陳秀山之幼子年三歲周身壯熱四肢拘攣有抽掣之狀渴嗜飲水大便乾燥知係外感之熱引動其肝經風火上衝腦部致腦氣筋妄行失其主宰之常也投以白虎湯方中生石膏用一兩又加薄荷葉一錢勾藤勾二錢全蜈蚣二條煎湯一盅分兩次溫飲下一劑而抽掣止拘攣舒遂去蜈蚣又服一劑熱亦退淨

奉天北陵旁那姓幼子生月餘周身壯熱抽掣兩日之間不食乳不啼哭奄奄一息待時而已忽聞其鄰家艾姓向有幼子抽瘋經愚治愈遂抱之來院求治知與前證彷彿爲其

係嬰孩擬用前方將白虎湯減半爲其抽掣甚劇薄荷葉勾籐勾蜈蚣公數仍舊又加全蝎三個煎藥一盅不分次數徐徐溫灌之歷十二小時藥灌已而抽掣愈食乳知啼哭矣翌日又爲疏散風清熱鎮肝之藥一劑全愈隔兩日其同族又有三歲幼童其病狀與陳姓子相似卽治以陳姓子所服藥一劑而愈

奉天小西關長發源胡同吳姓男孩生逾百日周身壯熱時作抽掣然不甚劇投以白虎湯生石膏用六錢又加薄荷葉一錢蜈蚣一條煎湯分三次灌下盡劑而愈此四證皆在暮春上旬相隔數日之間亦一時外感之氣化有以使之然也

一人年三十餘陡然口眼歪斜其受病之邊目不能瞬用全蜈蚣二條爲末以防風五錢煎湯送服三劑全愈

一小兒生數日卽抽綿風一日數次兩月不愈爲疏方用乳香沒藥各三錢硃砂全蝎各一錢全蜈蚣大者二條共爲細末每小兒哺乳時用藥分許置其口中乳汁送下一日約服五六次數日全愈後所餘藥又治愈小兒如此證者三人因將其方載於三期七卷名之曰定風丹按蜈蚣原節節有腦善理腦髓神經是以有以上種種諸效

按蜈蚣之爲物節節有腦乃物類之至異者是以性能入腦善理腦髓神經使不失其所司而癩癩之病自愈諸家本草多謂用時宜去頭足夫去其頭卽去其腦矣更何恃上入腦部以理腦髓神經乎且其頭足黃而且亮饒有金色原其光華外現之處卽其所恃以治病有效之處是以愚凡用蜈蚣治病而必用全蜈蚣也。有病噎膈者服藥無效偶思飲酒飲盡一壺而病愈後視壺中有大蜈蚣一條恍悟其病愈之由不在酒實在酒中有蜈蚣也蓋噎膈之證多因血瘀上脘爲有形之阻隔（西人名胃癭謂其處凸起如山石之有嵒也）蜈蚣善於開瘀是以能愈觀於此則治噎膈者蜈蚣當爲急需之品矣爲其事甚奇故附記於此

#### 水蛭解

水蛭味鹹色黑氣腐性平爲其味鹹故善入血分爲其原爲噬血之物故善破血爲其氣腐其氣味與瘀血相感召不與新血相感召故但破瘀血而不傷新血且其色黑下趨又善破衝任中之瘀血蓋其破瘀血者乃此物之良能非其性之猛烈也本經謂主婦人無子因無子者多係衝任瘀血瘀血去自能有子也特是其味鹹爲水味色黑爲水色氣腐

爲水氣純係水之精華生成故最宜生用甚忌火炙衷中參西錄二期八卷理衝丸論水蛭尤詳宜參觀

凡食血之物皆能破血然他食血之物皆以嘴食血而水蛭以其身與他物緊貼卽能吮取他物之血故其破瘀血之力獨優也至方書多謂必須灸用不然則在人腹中能生殖若干水蛭殊爲無稽之談曾治邑城西傅家莊傅壽朋夫人經血調和竟不產育細詢之少腹有癥瘕一塊遂單用水蛭一兩香油炙透爲末每服五分（若入煎劑當用二錢）日再服用完無效後改用生者如前服法一兩猶未服完癥瘕全消逾年卽生男矣此後屢用生者治愈多人惟氣血虧損者宜用補助氣血之藥佐之三期八卷理衝湯後載有用水蛭治驗之案宜參觀

蝎子解

蝎子色青味鹹（本無鹹味因皆醃以鹽水故鹹）性微溫其腹有小黃點兩行之數皆八夫青者木色八者木數原具厥陰風木之氣化故善入肝經搜風發汗治瘧癩抽掣中風口眼歪斜或周身麻痺其性雖毒轉善解毒消除一切瘡瘍爲蜈蚣之伍藥其力相得益

彰也 按此物所含之毒水卽硫酸也其入藥種種之效力亦多賴此中其毒螫者敷以西藥重曹或鹼皆可解之因此二者皆能制酸也

### 附案

本村劉氏女領下起時毒甚腫硬撫之微熱時愚甫冠醫學原未深造投藥兩劑無甚效驗後或授一方用壁上全蝎七個焙焦爲末分兩次用黃酒送下服此方三日其瘡消無芥蒂蓋牆上所得之蝎子未經鹽水浸醃其力渾全故奏效尤捷也

又鄰莊張馬村一壯年中風半身麻木無論服何藥發汗其半身分毫無汗後得一方用藥房中蝎子二兩鹽炒軋細調紅糖水中頓服之其半身卽出汗麻木遂愈然未免藥力太過非壯實之人不可輕用

### 蟬退解

蟬退無氣味性微涼能發汗善解外感風熱爲溫病初得之要藥又善托疹癰外出有皮以達皮之力故又爲治疹癰要藥與蛇退並用善治周身癩癬癢若爲末單服又善治瘡中生蛆連服數次其蛆自化爲其不飲食而時有小便故又善利小便爲其爲蟬之蛻

故又能脫目翳也

按蟬退之能發汗者非僅以其皮以達皮也如謂以皮達皮卽能發汗何以蛇退不能發汗蓋此物體質輕而且鬆其肉多風眼中含輕氣與空氣中養氣化合自能生水（輕一養一化合卽成水）不待飲水而有小便是以古人用蚱蟬（卽蟬之身）亦能發表以其所含之輕氣多也其蛻之能發汗亦以具有輕氣耳

羚羊角解

羚羊角天生木胎具發表之力其性又涼而解毒爲托表麻疹之妙藥疹之未出或已出而速回者皆可以此表之卽表之不出而毒氣內陷者服之亦可內消爲其性原屬木故又善入肝經以治肝火熾盛至生眼疾及患吐衄者之妙藥所最異者性善退熱却不甚涼雖過用之不致令人寒胃作泄瀉與他涼藥不同愚生平用此救人多矣三期疹毒門霍亂門皆有重用羚羊角治愈之案可參觀至於犀角亦可治吐衄表麻疹而此時眞者極少且其功效亦不如羚羊角也五期一卷中載有羚羊角辨可參觀

血餘炭解

血餘者髮也不煨則其質不化故必煨爲炭然後入藥其性能化瘀血生新血有似三七故善治吐血衄血而常服之又可治勞瘵因勞瘵之人其血必虛而且瘀故金匱謂之血痺虛勞人之髮原入心血所生服之能自還原化有以人補人之妙則血可不虛而其化瘀之力又善治血痺是以久久服之自能奏效其性又能利小便（金匱利小便之方有膏髮煎）以人之小便半從血管滲出血餘能化瘀血生新血使血管流通故有斯效其化瘀生新之力又善治大便下血腥臭腸中腐爛及女子月信閉塞不以時至

#### 附案

愚舅家表弟年十二歲大便下血服藥不愈寢至下血腥臭又寢至所下者雜以脂膜且有似爛灸醫者諉謂不治後愚往診視其脈數而無力投以滋陰補虛清熱解毒之劑煎湯送服血餘炭一錢日服兩次旬日全愈至於單用之以治吐血衄更屢次獲效矣

製血餘炭法 用壯年剃下之髮鹼水洗淨再用清水淘去鹼味晒乾用鐵鍋炮至髮質皆化爲膏涼冷軋細過羅其髮質未盡化者可再炮之

#### 指甲解

指甲一名筋退乃筋之餘也剪碎炮焦研細用之其味微鹹具有開破之性瘡瘍將破未破者敷之可速破內服能催生下胎衣鼻嗅之能止衄血點眼上能消目翳 愚自製有磨翳藥水（方載二期八卷）目翳厚者可加指甲末與諸藥同研以點目翳屢次奏效

# 衷中參西錄第四期第五卷

西藥

阿斯必林

Aspirin

又作阿斯匹靈

阿斯必林爲白色針狀結晶其純係服晶而無粉末者佳其原質爲撒里矢爾酸及硝酸化合故其味甚酸其性最善發汗散風除熱及風熱着於關節作疼痛其發表之力又善表疹疹其退熱之力若少用之又可治虛勞灼熱肺病結核

按阿斯必林在西藥中爲晚出而其功用最著其性少用則涼多用則熱溫病初得用一瓦白糖沖水送下可得涼汗而解若傷寒初得用瓦半生薑紅糖煎湯送下可得熱汗而解風熱留於關節作疼痛者先服一瓦或一瓦強白糖水送下令周身皆出汗後則每服半瓦不令出汗日服三次或三次中有一次微似有汗者亦佳如此數日其疼可愈若其人身體虛弱者可用生懷山藥六七錢煮作茶湯送服若脾胃虛弱者可用健補脾胃之藥煎湯送服大抵皆疼之因熱者宜之而因寒者不宜也至于善表疹疹尤有奇效曾治一幼女溫病旬餘不愈先用涼藥清其熱熱退仍煩躁不安後與以阿斯必林發出白痧若干而愈又曾治一少年溫病陽明腑實脉雖有力而兼弦投以白虎加人參湯大熱已

退精神轉形騷擾亦與以阿斯必林徧身出疹而愈至于初病用之發表而出痧疹者尤不勝紀也至于虛勞發熱脈數屢用滋陰退熱之藥不效可於服湯藥後少服阿斯必林（一瓦可分四次服）不令出汗日服兩次則發熱與脈數必易愈又治肺結核證可用阿斯必林硃砂等分粉甘草細末與前二藥相併之分量同水和爲丸桐子大每服十丸或多至十二三丸日服三次

安知必林 *Antipyrinum* 省作安比又作安替派林

安知必林爲白色無臭結晶性之粉末或爲光澤如脂肪之白色小葉狀結晶味微苦此藥由煤瀘用化法而得爲其解熱最有功效故亦名解火冰凡肺勞發熱陰虛發熱外感寒溫發熱疹癩發熱間歇熱再歸熱皆能治之又能鎮急性關節痲質斯鎮疼鎮癢愈偏正頭疼及氣管炎肋膜炎瀉道炎一切熱證然治外感之熱仍宜與中藥石膏知母諸藥並用治內傷之熱仍宜與中藥地黃玄參諸藥并用西藥治其標中藥治其本標本並治奏效必速也每日用數回每回之量○、五多可至一、○小兒斟酌少用外用可爲皮下注射劑及灌腸劑

治熱性諸病關節痲質斯及神經痛 安知必林三、○桂皮舍利別二〇、○水五〇、○右混和視病之輕重或日服三回爲二日之量或日服六回爲一日之量

治加答兒性肺炎之高度發熱 安知必林二、○單含二〇、○水一〇〇、○右調和每三句鐘服一食匙按安知必林具有發表之性人服之間有發疹者然非若時氣之疹藥力歇後卽消爲其具有發表之性服之亦能出汗而其祛風之力究不如阿斯必林故其治關節痲質斯遜於阿斯必林而其鎮痛之力勝於阿斯必林

別臘蜜童 Pylamidonum

本品爲白色微細之結晶係奇美企兒亞米度及安知必林相合製出其功用同於安知必林而非常峻烈其解熱之力較強於安知必林三倍且其力持續甚久爲解熱之妙藥對於腸窒扶斯之熱尤有佳良之效果能使全身熱狀輕減睡眠安靜神識明瞭並治一切臟腑炎證皆有確實之效驗又爲鎮痛要藥凡頭筋骨痛痠兼神經痛坐骨神經痛三又神經痛等皆能治之其用量每次〇、一至〇、五

治腸窒扶斯 別臘蜜同一、二分爲十二包每兩時服一包

安知歇貌林 *Antifebrinum* 省文歇貌林又作阿司炭尼利

安知歇貌林爲無色無臭之菱角板狀及小葉狀結晶微含燒味其原質爲有機酸與亞尼林之化合爲解熱之要藥是以有退熱冰之名實驗其退熱之力較安知必林強四倍服後能使人之溫度降下三度脈搏亦減少治急性關節癱麻質斯神經疼偏正頭疼女子月經疼外用於創傷療法爲撒布藥制止其化膿用量每次〇、二五至〇、五

治肺勞發 安知歇貌林〇、〇五至〇、一白糖〇、三混和一次服三時服一次

治腸窒扶斯(寒溫發熱時)安知歇貌林〇、二五白糖〇、五混和一次服一日服四

次 按安知歇貌林退熱之力最優而稍有發表之性曾治一五六歲幼女外感灼熱苦於服藥強灌之則嘔吐遂與以安知歇貌林十分瓦之三和以乳糖爲一日之量俾分三次服下因甚忙碌不暇爲之分包切囑其到家自分之後竟忽愚所囑分作兩次服下其周身陡然盡涼指甲嘴唇皆現青色其父急來詢問愚曰此無恐須臾即愈矣果其父回視安然已愈愚於斯自咎不慎後凡以西藥與人俾作幾次服者必定分作幾包

又治一三歲幼童因失乳羸弱發熱後又薄受外感其熱益甚爲近在比鄰先與以安知

歇貌林十分瓦之一弱俾和以白糖一次服下至一點鐘許周身微似有汗其熱頓解遲半日其熱又作又與以前藥服後仍如舊翌日又與以安知歇貌林十分瓦之一弱仍和白糖服下迨微汗熱退後急用生懷地黃煎湯一兩大鍾俾分兩次溫服下其熱從此不再反覆蓋此證有外感之實熱兼有內傷之虛熱以安知歇貌林退其實熱卽以生地黃退其虛熱是以病能全愈也或疑西藥恐有難與中藥並用之處此原近理而愚恆中西藥並用者因確知其藥之原質及其藥之功用而後敢放胆並用也

弗那攝精 *Phenacetinum*

本品爲無色有光澤小葉形結晶係巴拉尼篤羅弗諾兒與那篤倫滷液製成其功用類似安知歇貌林而性較和平在有機性新藥中能保其地位者也其解熱鎮痙鎮痛之效無一不與安知歇貌林同服其○、二五已能減熱服其○、四至○、六卽大能解熱無不快之副作用然於虛熱之肺勞家宜斟酌配慎用恐因出汗致虛脫形狀

撒里矢爾酸那篤留謨 *Natrium Salicylicum* 省文撒曹又作鈉柳礬

本品爲白色無臭鱗屑狀結晶或結晶性粉末味甘鹹而稍帶辛辣其原質存於楊柳外

皮中後又可用硼酸鈉池炭養強治三者化合而得性涼而散善治急性癱瘓質斯退熱消炎鎮神經疼偏頭疼又善治糖尿證卽消渴外用敷癩瘡及膚瘙癢

治急性氣管炎新傷風欬嗽 柳酸一、○白糖一、○混和爲一包臨臥時作一次服

治糖尿病 柳酸 臭曹 重曹各一五、○混合分作十三包每次服一包日三次

撒魯兒 *Salolm* 又作撒婁

本品爲白色結晶形如砂粒或粉末每百分中有柳酸六十分石炭酸四十分嘗之無味嗅之微香爲解熱之品用於關節癱麻質斯及赤痢虎列拉皆有效力又具有防腐之力治膀胱加答兒及淋濁外用治潰瘍爲撒布藥又可爲喉舌諸病含嗽藥其用量每次○、五至一、○

按撒魯兒治淋之效力不如骨泮波而清熱之力過之淋證初得多含有熱性治以骨泮波佐以撒魯兒最爲得宜

規尼涅 *Chininum hydrochloricum* 卽金鷄納霜

本品其原質存於規那樹皮中其樹產於南美及非洲用其皮製爲霜有再製以鹽酸者

名鹽酸規尼涅省文曰鹽規爲光澤白色細鉞狀結晶有再製以硫酸者名硫酸規尼涅  
省文曰硫條狀似粉末微有光澤味皆極苦皆善退熱（一種鹽規較優）對於間歇之熱  
尤宜故爲治瘧疾之特效藥又能增長胃液多進飲食能增大紅血球使血脉充足故又  
爲健胃養血要藥其退熱之力對於肺炎及腸壅扶斯之熱亦能奏效雖爲退熱之藥實  
爲補益之品其用量自〇、五至一、〇  
治漫性貧血 鹽規一、〇 硫酸〇、五 單含三〇、〇 餾水一七〇、〇 混合爲一日  
之量分四次服

按規尼涅西人謂治腸壅扶斯之熱然愚曾治一童子溫而兼瘧東醫屢治以規尼涅不  
效後愚用白虎湯清溫病之熱而間歇熱仍在繼用鹽規一瓦半於熱未發之前十句鐘  
作兩次服下間歇之熱亦愈由斯見規尼涅治寒溫之熱遠遜於生石膏也且自此病治  
愈後因悟得規尼涅原可爲治瘧疾良藥而恆有屢次服之不愈者其不必兼有溫病  
之熱亦恆先有伏氣化熱若在夏秋之交又恆有暑氣之熱留中但特屢用規尼涅以退  
其熱藥力原有不足之處是以愚凡治瘧遇脈象洪實者必先重用生石膏清之而後治

以規尼涅無不愈者近治友人陳麗生君初秋病瘧麗生原知醫自覺熱盛用生石膏二兩煎湯以清其熱至發瘧之日於清晨又服規尼涅一瓦弱其日瘧仍發且瘧過之後仍覺心中發熱口苦舌乾大便乾燥小便短赤因求愚爲診治其脈象左右皆弦原是瘧之正脈惟其右部弦而且長按之甚硬知其陽明鬱有實熱因自言曰昨服生石膏二兩心中分毫未覺涼且大便仍然乾燥小便仍然短赤者何也答曰石膏微寒本經原載有明文兄之脈火熱甚實以微寒之石膏僅用二兩以清之其何能有濟乎今欲治此瘧宜急用生石膏細末一斤煎湯兩大碗分多次徐徐溫飲之覺火退時卽停飲不必盡劑翌晨再服規尼涅如舊量瘧卽愈矣麗生果如法服之其瘧遂愈所煑石膏湯已盡量飲盡大便並未滑瀉然此時蓄熱之甚重者也若其輕者於服規尼涅之前先用生石膏一二兩煑水飲之則所蓄之熱可清再服規尼涅以治其瘧自易易也

烏羅特羅賓 *Urotropinum*

本品爲白色結晶性之粉末無臭氣味初甘後略苦係鹼化與猷毛地海相合製成有利尿溶解尿酸及防腐之效善治膀胱炎腎盂炎爲散劑或和於曹達水（卽水中少加曹

達) 而用之若寒溫之熱在半表半裏宜同規尼涅用之其用量一日二次每次〇、五至一、〇

鹽酸 *Acidum hydrochloricum* 又作鹽強酸

本品爲格魯兒水素瓦斯之水溶液係澄明無色之液在火氣中則發白霧熱之則全行發揮若用鹽酸一分釋以餾水二分爲處方常用之鹽酸藥房名爲稀鹽酸若用時仍須以餾水釋之能制胃中異常發酵夏月下利及一切發熱之證此屬劇烈之品貯藏宜密治急性胃加答兒 稀鹽酸一、五餾水一八〇、〇皮舍二〇、〇調和每食後服一食匙

鹽酸歇魯茵 *Heroinum hydrochloricum* 又作赫羅印

鹽酸歇魯茵爲白色結晶性粉末微有苦味係用莫兒比涅與鹽化亞舍知爾加熱而製爲歇魯茵又以歇魯茵溶解於鹽酸而得之常爲莫兒比涅及古埤乙涅之代用品於氣管支加答兒爲鎮制欬嗽刺戟之用於肺勞者之欬嗽尤有良效惟不可配合於重炭酸那篤留謨及亞爾加里性藥質同服此屬劇烈之藥宜用暗色瓶貯藏其用量〇、〇〇

一至〇、〇〇三

治氣管支喘息 安知必林〇、五鹽酸歌魯茵〇、〇〇五至〇、〇一乳糖〇、三  
共研發作時作一次服

治急性胃加答兒（疼痛時用之）鹽酸歌魯茵〇、〇五鹽水一〇、〇調爲皮下注射  
料用半筒至一筒

旃那葉

Folia Sennae

舊譯作辛那

森那

俗名瀉葉

旃那葉狀如小淡竹葉淡綠微帶黃色無臭無味產於印度伊及等處之次明科其性能  
增進大腸之蠕動又能增添胆汁（胆汁注於腸者多則大便易通）所以善通大便燥結  
爲緩下之品實無猛烈之性不至傷人氣分兼治女子月閉若煎服浸服（煎之一沸卽  
可浸之宜用蓋碗浸飲兩次）其用量自二、〇多至三、〇爲末服之自一、〇多至  
二、〇

治大便秘 旃那浸二〇、〇一五〇、〇硫苦三〇、〇覆盆子舍二〇、〇右調  
和每二時服一食匙

蓖麻子油 Oleum Ricini 省作蓖麻油亦作蓖麻子油

蓖麻子油爲大戟科植物種子之脂肪乃極濃厚之液晶瑩透徹近於無色有微帶黃色者味微辛其油不爲腸壁所吸收且滑能去着味辛又善開通故腸中之凝皆可隨之而下爲通腸結之要藥兼治赤痢及腸急性加答兒（腫疼）用量每服一五、〇多至三〇  
○用開水一鍾將油浮其上飲之

治赤痢及性腸加答兒 蓖麻油一五、〇至二〇、〇薄荷油一滴作一次服

按蓖麻子在中藥原爲劇烈之品壯人止服五粒若服過五粒即可吐瀉交作而西人製爲油其性轉平和聞西人製此油時屢次將其浮頭之沫取出想其劇烈之性皆在於沫去其沫卽所以去其毒也愚治多日大便不通徧服他藥皆不效者恆重蓖麻子油八錢服後並不覺瞑眩大便遂卽通下又不至傷人氣分其性甚和平可知惟胃氣不降者（胃氣以息息下降爲順）服後間有惡心之時若欲防其惡心作嘔吐可用生赭石細末三錢與蓖麻子油並服既可止嘔吐而其通便之力亦愈大若不欲服生赭石末者可用生赭石細末一兩煎湯一大鍾將蓖油調其中服之然既用赭石麻油分量亦宜斟酌少

用

硫苦 又名鎂硫強礬 *Magnesium Sulfurium* 又作鎂磺養

硫苦爲無色稜柱狀或細鍼狀之結晶味苦微鹹微辛用朴硝同硫酸製出故俗名洋朴硝爲下藥中清涼之品不但瀉有形之積並能瀉血液腸管中諸火熱善治大便閉結小便砂淋急性胃加答兒腸炎腎炎女子子宮炎熱性痢疾脚氣又善瀉三焦水道之水因其性寒有降下之力兼有助腸蠕動之能故有種種諸效也其用量自一〇、〇至三〇、〇若接觸於乾燥大氣卽稍稍風化宜密封貯之

治熱性赤痢 硫苦二〇、〇苦丁(用陳皮龍胆各五分豆蔻二分所浸之酒)一、〇  
鱉水二〇〇、〇混和一日三次二日分服

治脚氣 硫苦二〇、〇稀鹽酸一、〇鱉水二〇〇、〇混和一日三次二日分服  
治砂淋 硫苦一〇、〇火硝一〇、〇混和分三次服爲一日之量

按硫苦爲西醫最常用之藥且其服法恆一刻鐘服少許使藥力接續不斷其效尤易

甘汞

*Hydrargyrum Chloratum* 名亞格魯兒汞 又名水銀粉 *Calomelas* 卽

加路宋

甘汞其製法種種不同有以四分昇汞與三分水銀製成者有以硫酸酸化水銀三分水銀食鹽各一分製成者爲白色微帶黃色之重粉末在大氣中不變化酒精及依的兒皆可能溶解之着着於粘膜及潰瘍面呈腐餌作用以少量續內服則現水銀之固有作用而流涎多服可通大便秘少服亦可通小便又善消除霍亂(西人名虎列拉)毒菌及梅毒入骨遺傳性梅毒能制腸胃之發酵故善治赤痢初起小兒夏月下痢用之尤宜也惟不宜與貌羅謨化合物沃度化合物含青酸之藥物等同服

處方

治虎列拉 甘汞○、二乳糖○、三混和爲一包每二十分鐘服一包

治腦充血 甘汞○、五乳糖○、五作一次服

治赤痢 甘汞○、五乳糖三、○共分爲四包先服一包與蓖麻子油二○、○同服  
然後每三時單服甘汞一包

治遺傳性梅毒 甘汞二、○白糖一○、○分十五包朝夕各服一包

食鹽 Sodium Chloratum

食鹽即格魯兒加醫謨非海中所出之鹽火硝中所出之鹽也其鹹亞於海鹽爲硝之性善消善通故食鹽亦具通消之性內服可促胃液分泌并百布聖之析出以助澱粉性及蛋白性食物之消化外用爲注射料可愈霍亂當血脈閉塞之時以之注射於血管其鹹也能益血（血味鹹）兼能除菌（凡毒物淹鹹則毒滅）而其流行性又能通血脉之閉也又用爲灌腸料可通燥結以其通消之性既能開結而其鹹寒之性又能軟堅潤燥也

抱水格魯拉爾 Chloralum Hydratum 又綠養冰 又作哥拉

抱水係亞舍答兒亞爾埏非篤三格魯兒之化合物爲無色透明菱角系之結晶味微苦有竄透性之臭氣爲催眠藥之最有力者其性能麻痺腦筋故能制止癇瘋及諸般抽掣痙攣諸證屬劇烈之藥感觸日光則呈酸性反應在溫處亦稍揮散宜避日光在冷處貯藏有心臟疾患者不可多用一次之極量爲二、〇一日之極量爲六

治小兒急驚瘋 抱水一、〇

按抱水治癇風實強制其腦筋不使妄行藥力歇後仍然反覆愚治癇風恆用抱水與臭

剝臭素安母紐謨各一瓦共研分二次服爲一日之量強制癩風不發又每兼服中藥以除病根愈者甚多其法詳於赭石條下

貌羅謨加儂謨 *Kalium Bromatum* 一名臭素加里 省文臭剝

貌羅謨安母紐謨 *Ammonium Bromatum* 一名臭素安母紐謨 省文貌安

貌羅謨那篤儂謨 *Natrium Bromatum* 一名臭素那篤儂謨 省文臭遭

貌羅謨加儂謨其原質爲鹽基係貌羅與加儂謨相合製成爲光澤白色之結晶性骰子形味鹹而兼辛乃麻醉鎮痛鎮疼藥也在神經系統能呈鎮靜作用故爲神經性諸病及癩癩病之特效藥至神經不眠酒客譫妄妊婦嘔吐產婦急癩小兒急驚癇攣踏舞遺精等證用之皆有效然多用長用則傷胃腸損記憶知覺並粘膜腫皮膚起疹此爲平和之品尋常服量自一、〇至二、〇若治癩瘋初起日服五、〇至三週可漸增至一日一〇、〇 臭素安母紐謨爲無色結晶或白色結晶性之粉末味同臭剝 臭素那篤儂謨爲白色結晶性之粉末二藥之主治與用量大概與臭剝相同以其皆爲鹽基之藥也因治法不同其性亦微有異那篤儂謨不甚損人記憶知覺傷胃則甚於臭剝至安母紐

謨則鮮害胃腸故宜爲臭剝那篤個謨之伍藥醫者處方恆三者等分用之

按此三種藥統名貌羅謨亞爾加里鹽性原相似而實以臭剝爲主愚恆單用之功效頗著以治夢遺不眠可於臨睡時服一瓦半以鎮諸疼可服兩瓦以治破傷後劇疼可服三瓦使傷處麻痺其疼立止若用其漸漸加多以治癩瘋之法亦恆有效然愚治癩瘋恆以西藥治其標中藥治其本則奏效尤速至於制劇甚之嘔吐愚常用臭剝兩瓦再用赭石細末煎湯送之較單用臭剝者更效驗

依的兒 Aether 一名伊打

依的兒由硫酸及酒精製出爲無色透明流液具有極強之揮發性有特異之香氣嘗之有熱力易於燃着用時宜遠火其作用大半似嚼羅芳謨用於外膚爲局部之麻醉品初覺灼熱繼則清涼又繼則全無知覺若由鼻吸其蒸汽可使全身麻醉其用法詳於外科手術書若外服對於一切虛脫狀態及忽然昏倒用之可以興奮回蘇又善治痙攣嘔吐諸般疼痛消胆石及石淋用量三滴至五滴服法或滴於白糖或盛於膠囊

按依的兒爲麻醉之品實具奮興之性猝然昏倒者服之或可奏回蘇之功至虛脫之證

其下脫者或亦可用之若其人孤陽上越元氣游離現種種上脫之證此藥斷不宜用此等證閱山萸肉解自知治法

噶羅芳謨 Chloroformi. 又作哥羅芳

噶羅芳謨爲易於流動澄明無色之液味熱而甘以化學家言之其原質係三格兒美金兒在皮膚上之作用類依的兒然揮發之性少故今人起清涼及失知覺之力稍遜於依的兒除依的兒之外若吸其蒸汽爲最佳之全身麻醉藥內服所主之證亦與依的兒相同服其少量兼能流通血脉其極希薄之液（卽噶羅芳謨水）爲最良之防腐藥

治胆石 噶羅芳謨五、○濃厚酒精四○、○護謨和劑一五○、○調和日服三次  
每次一食匙 按此方可兼治石淋

治女子月經困難 噶羅芳謨一、五樟腦、○二依的兒一、五密兒拉丁一、五護謨漿一、○水五○、○調和每十五分時服一食匙

按用噶羅芳謨等藥俾人全身麻醉以便手術間有性命危險西醫研究其故各有論說而紛不一致以愚所見聞者凡有危險多在氣分虛弱之人曾在鄰村張家寨治一少婦

大氣不陷證服藥十餘劑始愈隔二年又至其處乃知此婦因手背生瘡西醫欲用手術先薰以蒙藥竟未蘇醒因其向日大氣之陷者雖復而其大氣究欠充實也愚所見聞罹此險者非僅此人而胸中大氣之虛弱大抵類於此人欲施蒙藥者尙其有鑑於此而先詳覈其胸中大氣之虛實哉

實芟答里斯葉 *Folia Dioitalis* 俗名毛地黃 一作地治達利

實芟答里斯葉係歐洲所產玄參科二年生草之葉葉體縐縮而薄爲長卵圓形長三十仙迷廣十五仙迷爲心臟強壯藥最有效力鎮制心機亢進兼有利尿作用於心臟諸病及炎性諸證均爲要藥用量一次〇、〇二至〇、一五極量一次爲〇、二通常多爲浸劑藥局製有實芟答里斯丁幾(酒也)

治肺炎脉甚頻數者 實芟葉浸(〇、一至〇、五)一〇〇、〇覆盆子舍一〇、〇調和一日間分四次服之

治心臟衰弱脉數無力 實芟葉浸(〇、五至一、〇)一〇〇、〇斯獨落仿司丁幾一、〇嗟舍一〇、〇調和分三次至六次服

按助心之藥能使脈跳動有力其跳動或因之加速至治脈數之藥或爲麻醉之劑或爲退熱之品又皆能使跳動減數至實芟答里斯能使脈搏舒緩更能使脈體充實眞善於理心之藥也

斯獨落仿斯精 *Strophal Tinum*

斯獨落仿斯乞幾 *Tinctura Strophal*

斯獨落仿斯精係白色結晶性之粉末其原質存於熱帶亞斐利加所產夾竹桃科蔓生灌木之種之中其作用頗似實芟答里斯用於心臟筋肉衰弱心臟瓣膜障害肺葉腫脹呼吸有礙腎臟發炎瀉水不利者皆爲要藥其用量一次〇、〇〇〇二至〇、〇〇〇五

斯獨落仿斯丁幾係用斯獨落仿斯子一分浸於酒精十分所製之黃色苦味液醫者多用此代斯獨落仿斯精其用量一次二滴至六滴

治腎炎水腫 斯獨落仿斯丁二、〇一日服三次每次五滴至十滴

治加答兒肺炎 斯獨落仿斯丁一、〇至二、〇橙皮舍二〇、〇醃水一八〇、調

和日三次每服一食匙

安母尼亞茴香精

*Spiritus Ammoniacae foeniculatus*

安母尼亞茴香精爲澄明微黃色或黃色之液以入水中則如乳色之白味微鹹有芳香之氣其原質存於鹿角茸中鹿角茸之補力賴有安母尼亞火山之旁亦可取之製以茴香則溫補之力愈大服之如飲醇酒令人面色頓紅是以腦寒虧血者宜之寒痰留滯者宜之其用量自五滴至十滴

治小兒吐瀉 安母尼亞茴香精一〇、〇依的兒精一〇、〇調和半時服三滴至七滴

治肺臟萎縮 安母尼亞茴香精二滴至五滴和於饌水而用之

安息香酸那篤儂謨

*Natrium Benzoicum*

本品由安息香酸精製而出爲無色無晶形或結晶性粉末蓋安息香酸爲安息香脂主要之成分占芳香酸類之第一位有防腐滅菌之功效而內服則刺戟粘膜誘起炎症吸入其粉末則噴嚏欬嗽製爲那篤儂謨則無斯弊且能利痰治尿酸兼有助人奮興作用

其用量每次〇、三至一、〇

治小兒吐瀉 安息香酸那篤儼謨〇、五再鱈酒精二、〇單舍一五、〇鱈水一〇  
〇、〇共調和每一時服一小兒匙至二小兒匙

含糖白布聖 *Pepsinum Saccharatum*

含糖白布聖係吃乳小豬小牛之胃液攪糖製成白色澱粉味甘性微溫最能增益胃液  
消化飲食爲最和平之品多服少服皆可然日日服之以化食則脾胃生依賴性將有不  
服之卽難於化食之時若欲久服者以健補脾胃之藥輔之則無斯弊

按白布聖消食之力仍不如鷄內金然加以糖製其味甘甜雖似澱粉水沃之仍爲清液  
以治小兒最易服食愚恆用生山藥末熬粥送服此藥兩瓦最能治虛勞發熱或喘或嗽  
或飲食不化乳糜身體羸瘦若不能多服粥者可煮生山藥濃汁與此藥同服

石炭酸 *Acidum Carboicum*

本品自石炭中製出係細長尖銳無色之結晶相集團結而爲塊有特異之臭氣及如燒  
之味爲防腐消毒最要之藥制止發酵之力最強以本品或濃厚溶液接觸於皮膚粘膜

則局部呈白色而失感覺終則成爲痂皮而剝離遇胃腸異常發酵及糖尿等可內服一次之極量爲○、一一日之極量爲○、三外用於諸般創傷之療法以百分之三之溶液爲製造綑帶之料百分五之溶液爲外科手掌及器械消毒之用然內服之時往往起中毒作用侵神經中樞由呼吸器麻痺而致死其吸收於創傷或粘膜者亦往往起中毒證狀是不可不注意者也

治頑癬 石炭酸五、○橄欖油一○○○、○調和爲塗擦料

硼酸 *Acidum Boricum* 又作硼強酸

硼酸卽由硼砂製出爲無色鱗片狀結晶其性之涼過於硼砂而其防腐消毒之力亦勝於硼砂故能制腸胃異常發酵消化不良潤大便秘小便除膀胱膿性炎以之吹於咽喉敷於皮膚可愈腫疼和軟膏以敷潰排膿生肌與皓礬同用又可爲點眼藥原爲平和之品過服能令人嘔吐其用量○、五至一、○外用洗滌含漱防腐或消炎每水一○○○、○可加藥二、○

治咽頭加 硼酸九、○錫水三○○○、○調和含嗽

治諸般熱性瘡 硼酸二〇、〇華設林八〇、〇爲膏敷之

治熱性眼疾 硼酸二、〇皓礬一、〇和以水〇〇、〇點之

單寧酸

Acidum Tannicum

名鞣酸

本品爲黃白色無晶形粉末或爲帶光澤鱗屑片有最強收澇之味感觸日光卽漸呈黃色或褐色其原質存於沒食子及五倍子中其收澇之性能止一切血證凝固血液及分泌物之蛋白質又善治淋證久不愈者不宜與鐵劑金屬鹽類膠類等混用恐成不溶性之化合物

治腎臟炎尿中多含蛋白質或兼溺血證者 麥角〇、三單寧酸〇、〇三護謨散〇  
五混和爲一包與以六包一日服三次每次一包

單那爾並

Tannalbumin

本品爲黃褐色無味之粉末係蛋白質化單寧酸而成服之不甚溶解於胃中至腸始分解爲蛋白質及單寧酸呈單寧酸之收斂作用故不害胃之消化機能爲腸之收斂藥本品淡而無味適於小兒之治療專用於大小腸加答兒腸濾囊之潰瘍轉機（下痢膿血

粘膜腐爛者爲腸潰瘍轉機者轉而有生機也）夏期小兒之下列等證其用量每次〇、五至一、〇小兒斟酌少用

治小兒急性消化不良 單那爾並〇、五爲一包與以六包每服一包二日分服

硫酸亞鉛 *Zincum Sulfuricum*

本品爲硫酸化鉛而成係無色透明稜柱形結晶或細鍼形結晶微有酸濇之味其性於無恙之皮膚不呈作用然有與蛋白質化合之性能與分泌物及固有之蛋白質共成蛋白質化鉛是以能限制分泌而奏治炎證之效也此藥內服者少外用之處極多奏效亦顯著以一分溶解於水五分對於頑固性及出血之潰瘍各粘膜之糜爛性及肉芽性粘液漏等用爲塗敷劑及綳帶藥其稀薄者之溶液對於鼻粘膜之疾患可吸入鼻中對於慢性耳漏則注射於耳中對於急性後之淋證則注射於尿道對於慢性膀胱炎及膀胱出血則注射於膀胱對於咽喉粘膜之疾患又可爲含漱藥其溶液稀之又稀者又可爲點眼藥其內服之量每次〇、〇一至〇、〇二

按硫酸亞鉛點眼甚佳善去努肉及風泪眼疾先用溫水溶化用少許點眼上若覺疼再

攪以水以點後微疼爲度

幾阿蘇

*Kroosotum*

蒸木油卽結列阿曹篤

幾阿蘇以精錫山毛櫟樹乾蒸而得之色淺黃與洋橄欖油相似味微辛似有煙薰氣味每百分中含有怪阿寇六十分幾蘇四十分故名幾阿蘇常用者多由煤滷而得力稍弱此藥最有防腐之力爲肺病結核勞嗽之特效藥其抑制腐敗發酵之力遠勝於石炭酸其一次極大之用量爲〇、五一日極大之用量爲一、五

按幾阿蘇爲治肺病第一要藥愚恆用幾阿蘇甘草末各六瓦鏡面硃砂三瓦混和分作一百二十九丸每服四丸漸加至六七丸日服三次以治肺勞嗽結核再以治肺病之中藥湯劑與之並用屢奏奇效

過滿俺酸加里

*Kalium Hypermanganicum*

一作錳強鈎又鈎錳上礬

本品爲棕色稜柱形結晶有金屬樣光澤遇潮則發酵變其原質以之敷於肌膚發劇強之灼熱大有防腐解毒之功兼能逐除惡臭爲洗滌惡臭潰瘍之防腐藥洗滌之水用千分之一至千分之五內服可治糖溺證

治惡臭鼻淵 過滿俺酸〇、二釐水五〇〇、〇調和爲吸入料

百露拔爾撒謨 *Balsamum Peruvianum* 一名必魯脂

百露拔爾撒謨係美國一種蛾形花科屬樹皮部所得之物製成暗褐色之液香氣佳快味辛而帶苦外敷善掃除疥癬消滅毒菌

治白禿方 百露拔爾撒謨五、〇酒精一〇〇、〇混和爲塗敷料一日二次

麥角 *Secale Cornutum* 耳臥達 一名了葛 又名霉麥 又作麥奴

麥角係霉麥上所生之菌長約寸許粗如韭薙微彎似角形色紫黑有豎紋作瓦壘形管之餘味微辣具有收斂之力能制止諸臟腑出血而以二便下血及女子血崩尤效然多服之能激動子宮使之痙攣若有孕者胎轉被逼而出製爲流膏可皮下注射外用於直腸脫痔疾等爲坐劑而用之係劇烈之品大者一枚研細可作三次服若製爲越幾斯服之一次之極量爲〇、二一日之極量爲〇、六

治女子血崩月經過多 麥角〇、五至一、〇白糖二、〇共研細分三次服爲一日之量

麥角製爲越幾斯(膏也亦名耳臥達)有濃稀二種濃者卽麥角越幾斯宜於丸劑稀者名麥角越幾斯流膏一名霽麥耳臥達水膏宜用於水調服及注射料二種皆褐色

治肺出血 麥角越幾斯一、○單寧一、○阿片末○、三用甘草末爲丸二十粒每三時服二粒

治吐血衄血 麥角越一○、○芳香硫酸一○、○調和以十滴至三十滴和於一酒杯之水頻頻飲之

治流產血崩便血 麥角越二、○用甘草末調之適可爲丸分作二十九每服一丸日服三次至四次

治一切血證注射法 麥角流膏二、○錫水八、○爲皮下注射半筒至一筒血淋禁用

按麥角治血證注射較內服尤效然其效處在能收縮諸血管使之細小此純屬治標之品遇血證之劇者宜用之以收目前之功而繼用治本之藥以清其本源使病因之根柢剷除血證自永愈矣

斯智普智珍功用似麥角而較爲優勝乃麥角之新製劑也其用量同於麥角按麥角愚嘗嚼服小者一枚以試其藥力服後移時覺會陰穴處有收縮之力由此知其收斂血管之力必甚大所以善止下血曾治一婦人因行經下血不止經醫多人診治逾兩旬所下之血益多已昏厥數次矣及愚診視奄奄一息已不言語其脈如水上浮麻不分至數遂急用麥角寸長者一枚和乳糖研粉又將拙擬固衝湯（載二期八卷）煎湯一大鍾送服其血頓止由此知麥角之能力後則屢次單用之以治下血亦頗能隨手奏效至其流動稀膏之注射愚未嘗用乃因注射生弊愚嘗治愈兩人一人年近三旬因大便下血甚劇西醫注射以流動麥角膏其血卽止而血止之後四十餘日未能起床自覺腹中氣化不通肢體異常痠懶飲食減少有日甚一日之慮診其脈象沈澀知係瘀血爲恙也俾日用三七細末三錢空心時分兩次服下服至三日後自大便下瘀血若干其色紫黑至五日所下之血漸少至七日大便時已不見血矣從此停藥不服病亦遂愈

又治一婦人年過三旬因患血崩經西醫爲之注射流動麥角膏後其血卽止血止之後亦月餘不能起床飲食減少將成勞瘵診其脈澀而無力亦俾日服三七細末後亦下瘀

血若干而愈夫服麥角者不至瘀血而製爲稀膏注射恆多瘀血者蓋因所注射之量過當也若預防此弊當於注射之後卽服三七末數次自能安然無恙矣愚因治此兩證後再用麥角末爲人治下血時迨血止後亦俾服三七末數錢愚向有中西藥原宜相助爲理之論載於五期二卷今觀三七之與麥角不益確然可信歟

醋酸鉛

*Plumbum Acet-cum*

鉛糖

一名鉛霜

又作鉛醋礬

醋酸鉛爲鍼狀板狀之白色結晶其酸而兼甘在鉛化合物中占最要之地位欲用金屬藥收斂者多用之爲其收斂之力最優故善止血於胃腸出血咯血等用之皆有特效外用爲含嗽劑灌腸劑點眼水在藥局爲製造鉛醋之用製造諸鉛鹽類亦用之爲基本其用量一次之極量爲○、一一日之極量爲○、三其接觸大氣之時往往吸收炭酸宜密栓貯藏之

治吐血 鉛糖二、○鹽莫○、一白糖二、○合研分作十包每二時服一包

治急性腸加答兒 鉛糖○、五糖水一○○、○混和用三分之一以攝氏三十八度溫之爲一次灌腸料

按醋酸鉛之力長於治吐衄以其質重墜且性涼也嘗治一少年仲春吐血爲調方治愈次年仲春病又反覆其脈象弦硬左部尤弦硬而長知係肝木乘旺過於上升而血亦隨之上升也遂用廣三七細末三錢攪以醋酸鉛十分身之二俾分作三次服再用生杭芍八錢甘草三錢煎湯送下(湯藥遞煎二次以送二次藥末)服藥兩日其血卽止又爲開柔肝滋陰之藥俾再服數劑以善其後至今三年病未反覆蓋醋酸鉛爲金屬之藥金能制木又復涼而重墜原與吐衄之證相宜更伍以最善治吐衄之三七而又用涼肝之芍藥緩肝之甘草煎湯送服是以效也

沃度仿謨 *Podofornium* 卽沃仿末 又名磺碘

沃度仿謨爲金樣光彩黃色小葉狀結晶味淡微甘有燒臭氣係沃度之化合物在治療上有最確實之防腐功效內用現和緩之沃度作用而稍呈麻醉作用其用量一次之極量爲〇、二一日之極量爲〇、六外用宜作軟膏敷於瘡面於創傷療法尤爲重要之藥繃帶料多用之

治膿瘍 黃典五〇、〇依的兒二五〇、〇酒精七五〇、〇混以浸五〇〇、〇之

脫脂綿燥後爲充填瘡孔之用 又黃典一〇、〇儼里設林一〇〇、〇調和爲瘡孔注射藥 又黃典一、〇依的兒一〇、〇混和爲塗布料

沃度加儼謨 *Kalium Pototum* 舊譯鈹碘省文沃剝

沃度加儼謨爲白色乾燥方形結晶有特異之辛鹹味其原質存於海水及海產動植物或礦泉製法於加里海液中溶解沃度同時取其生成之沃度酸鹽以木炭還元之而成在變質藥中獨占最優之品故凡瘰癧瘤贅結核流注胃癌（卽胃口長疙瘡致胃窄隘有礙飲食在胃上口者成膈食在胃下口者成反胃）改變形質之證服之皆能變還原質以治梅毒始二三期皆著確實功效凡臟腑炎證久服他藥不愈者可服此藥久之皆能愈也

治療瘰方 沃剝一〇、〇臭剝二〇、〇龍胆末三〇、〇混和分作七十二丸每服三丸日服三次 按此方去龍胆末並治胃癌胃瘻在胃上口爲膈食在胃下口爲倒食 按此分服分量水溶化服之

治梅毒方 沃剝八、〇硫苦三、〇苦丁五、〇罌水一五〇、〇混和溶化貯封分十

六次服日服三次

沃度丁幾

*Pinctum Nodi*

舊譯海礁酒

本品爲暗褐色之有沃度之液臭氣係用沃度所製之酒內服者甚少外用之塗敷則甚廣若肋膜炎關節炎橫痃癩癬等皆可爲塗敷料若內服一日數次每次一滴至三滴可治妊婦嘔吐此屬劇烈之藥宜密貯置冷處

重碳酸那篤儼謨

*Natrium Bicarbonum*

省文曰重曹

本品爲白色之結晶塊或粉末乃亞爾加里類金屬之化合物對於消化器之加答兒性疾患等用之最多較諸儼謨鹽爲無害爲亞爾加里藥中首屈一指之藥物善治胃酸分泌過多食後吞酸消化不良蓋其性與鹼相近(可作藥用)故能制胃腸異常發酵也其用量每次用○、五至二、○

骨湃波拔爾撒謨

英名哥拜巴油

*Balsamum Copaivae*

膏湃波拔爾撒謨爲熱帶南美利加所產決明科之樹脂西人謂樹脂爲拔爾撒謨其色淡黃或作褐色其味苦而兼辣微有香氣爲治淋第一要藥能護水道粘膜頗有墮廢之

力其用量每次一〇、三服

按骨湃誠爲治淋良藥而對於初起有熱性者尤宜愚恆用甘草末調之適可作丸桐子大硃砂爲衣每服二十九日三服以治淋證初起極效若淋證帶血者可用鮮小蘗根煮湯送服

萹澄茄末 Pulvis Cubedae

萹澄茄似胡椒之末誠實者氣味亦類胡椒而不若胡椒之熱其苛辣戟刺之性亦減於胡椒至西人所製之末又兼甘苦之味本是中藥西人用以治淋證白濁及女子白帶甚效且有利小便之功用並治膀胱內皮發炎日久不愈其用量每服二、〇至四、〇日二次若小便因熱不利者宜少用

按萹澄茄性平宜於慢性淋證若久不愈者可用萹澄茄六瓦和以骨湃波三瓦爲稠膏分三次服爲一日之量以之治白帶亦甚效

白檀油 Oleum santali 又作檀香油

白檀油者爲微黃色稠厚之油係前印度及印度羣島所產之檀科白檀木心蒸餾而得

之發揮油也其香氣特異而竄透長久留存稀釋之芳芬似薔薇味苛烈稍苦對於急性淋疾及淋毒性膀胱炎奏效較著一日三次每次二十滴少和以薄荷油而用之或以其二、〇入於膠囊日服二次一次服三個至五個

西藥新出品

滅痢仁 *Melysin*

本品首先發見者爲日本東京大學教授森島庫太氏由石蒜之蔥根中抽出一種植物性鹽基定名利可林其後有柯氏者又固定二原子之水素於利可林中定名曰西特羅利可林最近更經藥物學家之詳細研究證明鹽酸西特羅利可林於臨床上用於阿美巴赤痢病人確有消退症狀之實力由此固定滅痢仁卽以鹽酸西特羅利可林爲主分主治症狀空阿美巴赤痢 肺實司托買（肺病二期滑瀉）膿毒性腸遲緩習常性便利者（俗名煙後痢）亦有捷效

用法及用量 在阿美巴赤痢每回注射一管於皮下每日或隔日行之如此注射三四回後大便可以恢復正常粘液或膿汗等均卽消退

療治肺實司托買時每日或隔日或隔二日施行皮下或靜脈注射一次用於其他痢疾  
治療每日行皮下注射一次

### 附 錄

天津大陸廣告公司毛國卿君患習常性下痢纏延六個月醫治未效初每日下痢四五  
次米樣粘液便後自覺小腹抽痛及肛門奇痒每便後自以食鹽水洗滌肛門始得痒止  
至後漸便爲白灰色膿樣汁投愚診治知其已服多藥未效遂試用滅痢仁施行肩甲三  
角筋肉注射翌日來診自述腹痛減輕餘如前繼續注射滅痢仁一管次日下痢便數已  
減三次連續注射第四次後腹痛及肛門奇痒無惟每日只便二次糞汁亦改爲黃粘液  
汁膿樣物已無注射第六次後大便恢復正常囑其飲食慎重事隔月許亦未反復

英租界廣德里唐姓素有嗜好大便時患燥結非用通便藥不易解下去秋因服蓖麻子  
油過多至使大便滑瀉不止雖吸多量鴉片亦無效遂延醫調治諸藥亂投轉爲溇瀉每  
日六七次不等臨瀉前腹覺抽痛卽瀉便少許如是延至月餘由友人指導投愚診治詢  
其經過如前初與(阿爾細林)(詳後)一、五分三次服同時注射滅痢仁一管翌日便

減痛無如是繼續注射內服五日後諸症若失遂停止注射單與阿爾細林二日量內脈以善其後秀章

加德明 *Gadamin*

加德明樟腦水溶液也樟腦對於急性血行障礙及呼吸障礙之醫療價值各國醫家所公認然從來所用者專爲樟腦與油劑製成溶液（樟腦與油最易溶化通常所用者皆樟腦油製劑）使之注射皮下肌肉組織吸收油質極其緩慢奏效期亦緩且注射局部時現疼痛及化膿之弊今之加德明乃樟腦與蒸餾水製成不但肌肉吸收速奏效尤爽亦無局部劇痛及化膿之弊於急性患者用之最爲相宜

應用範圍 血行器障得呼吸困難虛脫肺炎深部氣道咯痰作用之無力及痙攣本品俗稱救急針亦曰強壯針

巴畢那兒 *Pavinal*

本劑爲嗎啡可地因之代用品然無嗎啡烈毒性之副作用其對於鎮痛鎮靜鎮咳興奮性之不眠症較嗎啡效力迅速而稀少其他之流弊於疝痛潰瘍火傷創傷手術後等症

諸疼痛誠有良效此外於戒煙尤爲善品至於應症之用量尤宜注意通常用量（〇〇五至〇、〇一）一瓦千分之五至百分之一爲一次量

愛服寧 [Eranin]

愛服寧本品係由中藥桔梗屬 (Campanulaceae) 植物所抽出之 Saponin 其赤血球

溶解作用比遠志根之 Saponin 約強兩倍故其效力準確然毒甚微且無副作用蓋遠志根吐根等服用以後每致食慾不振惡心嘔吐時有所見惟本劑並無此弊

主治症候 急性慢性氣管之肺炎百日咳肺結核氣管支喘息其他咳嗽咯痰諸疾患

對於一般呼吸臟器疾患咳嗽如氣管支炎流行性感冒咳嗽處方

- (一) 愛服寧粉二、〇 阿斯匹林一、五 毛地黃粉〇、四 一日三回分服 (二) 愛服寧粉二、〇 別拉米童〇、四 巴畢那兒〇、〇 一日三回分服 (三) 愛服寧液四、〇 巴畢那兒〇、〇 一杏仁水三、〇 安母尼亞茴香精一、〇 餾水一一〇〇、〇 一日三回食後分服

對於小兒咳嗽疾患之處方如氣管支肺炎流行性感冒(一)愛服寧液一、五橙皮舍八、○餽水一○○、○一日數回分服(二)對於百日咳處方一(一愛服寧粉○、六龍胆末○、五加爾茂精○、五(詳後頁)共分四包一日分服(二)愛服寧液一、○杏仁水一、○餽水五○○、○一日三回分服以上三方應用於小兒

痾好司 Exidos

本品乃由純良高林土無水甘油硼酸薄荷油冬青油等諸成分配合而成之最新無害巴布劑也

應用範圍 塗布後適度刺戟其局部使表層血管擴張深部血管收縮而改善局部血液循環減輕局部之疼痛與充血併有調整肌肉及神經系之機能與吸收腫脹滲出液之兩大作用本劑對於一切炎症性疾患及充血跌打損傷等確有偉大之消炎退腫止痛滲出液吸收諸作用可速解病人之苦痛而後發揮其治療作用

主治證疾 肋膜炎腹膜炎盲腸炎其他胸腹部炎症而與其他治療藥物同時併用奏效尤其顯著癱麻質斯神經痛跌打損傷腰痛肩痛肌肉痛關節炎中耳炎耳下腺炎扁

挑腺炎乳房炎施局貼布

對於月經困難時於來潮前二十四小時塗布礙疴好司於腹部下（即臍下）鬆縛繃帶至經行良好時爲止（務宜厚塗）或取紗布包做球狀塞腔道深部於球末端聯留長線於腔道口外備易取出

本品之特徵依其溼性及滲透壓以增進患部之血行及淋巴循環而促毒素之排除併可減輕充血及疼痛使熱下降並能減少影及於過勞心臟之血壓弛緩筋肉及神經系使病人感覺爽快迅速爲安靜而得自然之睡眠

本品使用法 先宜加溫將原裝鐵罐未開蓋前放置熱水盆中約五分鐘取出開封用之然對於凍瘡火傷卽用冷品不宜加溫一晝夜交換一二回足矣

阿爾細林 *Alstina*

本劑爲胃腸疾患之吸着療法之新發明所謂吸着劑者乃富於吸收有害細菌及有毒物質之藥劑故其療法作用僅屬於物理的範圍而已然垂垂至今已見解一新以爲胃腸疾患吸着劑之優劣標準已不可專恃物理的強大吸着能力爰下記各項條件（一）對

於有害細菌毒物有强大吸着力(一)對於消化機能上之必要酵素百布聖等其吸着力務求可能的薄弱(二)吸着有害細菌以後同時能抑制其發育增殖或具殺菌作用(四)在生活體內各部之水素伊洪濃度下得發揮前記諸有效作用阿爾細林即適合前記諸條件而研究製成其內含之成分即銀炭末一分鹽化銀哇酸四分配合而成乃幾無臭味之灰黑色極細粉末其售品有顆粒狀劑及糖元片劑二種服用均極便利又片劑中含阿爾細林○、一五瓦

主治證狀 單純性下痢腸內異常醱酵急慢性腸加答兒赤痢傷寒霍亂等傳染性腸疾患之下痢腸結核之下痢腸內有細菌潛伏者胃酸過多胃潰瘍用量通常一回○、五一日一、五(片劑一回四片一日十二片)食後三小時服用  
在重症急性中毒者務以使用大量爲佳即每回宜服二至三瓦

### 附 錄

阿爾細林謂吸着劑者即收縮之意義然其收縮暗附着殺菌力也總而言之借其吸着之力撲滅一切有害毒菌其專於胃腸有斯效因胃腸粘膜有助其發揮之能力也愚友

王振林夏暑嗜食瓜果偶因不慎致染暑瀉初自用諸升補之品瀉雖止而轉爲下痢醫治旬日未效向愚詢方令其日服阿爾細林一、五一日分三回服連服三日下痢遂愈（此案取胃腸消毒之意也）秀章

克利西佛 *Cresival*

克利西佛係新發明之化學藥品其主要成分爲克蘭沙硫酸化鈣其功力與幾阿蘇怪阿蕊二藥和合之功力完全相同且或過之故治氣道各種痰證及發炎等患非常靈效乃治肺病中最有價值之品

本品特點專能化痰凡患咳嗽兼有濃度黃灰痰者用之尤佳而痰不易出者及久咳咳陰作痛等證用本品立顯痰活氣平吐之亦易疼痛漸消痰化咳嗽亦自止也又小兒患咳嗽服之最宜 其主治證狀流行性感冒瘁證呼吸困難驚咳肺炎慢性氣證支炎病後咳陰久咳頑痰不化等證兼有預防及治療之特能故宜於起病之初卽服本劑並須久服不輟

用量成人每日三四服每服一調羹小兒每日三四服每服一茶匙用同量之水或茶湯

等和服

附錄

蔣姓小兒六歲患感冒咳嗽初其家長未以爲然至隔十餘日咳嗽漸劇聘醫調治投以清表降金之劑連服十餘日罔效惟夜嗽類如鶴鳴骨蒸勞熱腹脹瀕尿善食無飽食多則嘔投愚診治以克利西佛一五、○安知比林○、六水六○、○日服三次連服三日嗽減燒無去安知比林加人工鹽三、○連服六日諸證若失（本品對於諸般咳嗽與武田牌愛服寧併用其効尤著）

柯桂秋伶人也專工武生每於登台演戲時遍體淋汗繼則喘嗽實因勞動過力肺受機能工作過敏性之損傷則作喘嗽因患斯疾請假延醫調治醫治年餘時好時犯經人介紹來所求治於愚爲擬一方用克利西佛一二五、○（卽原裝量一瓶）愛服寧液一〇〇、○（卽原裝量一小瓶）橙皮舍利別四五〇、○（卽一磅）以上三種混成爲一大瓶每日服四次（食前服）每次服二羹匙同時繼服麥精魚肝油一羹匙約三星期服完病遂全愈登台獻藝亦不作喘嗽矣至今月未嘗反覆秀章

撲瘧母星

Plasmoquine

本劑爲人工造成之希奴林誘導體毫無苦味另有含金鷄納霜之一種凡金鷄納霜不治之瘧疾或金鷄納霜有特別異性感應者用本劑代之頗著良效

例如胎婦忌用金鷄納霜因其有害胎胞惟撲瘧母星毫無疑礙然撲瘧母星複劑雖含金鷄納霜但其量至微亦決無傷胎之慮也久用金鷄納霜有習慣性者改用撲瘧母星可免此弊然對於最險惡之黑水病據多數學者研究由於濫用金鷄納霜之故凡遇此證皆改用撲瘧母星不獨可代金鷄納霜兼亦可使黑水病逐漸全愈又此藥毫無苦味亦大有關係因不能服丸藥之人及小兒皆可以茶湯調服不似服金鷄納霜之困難也凡服大量金鷄納霜有敗胃耳鳴頭暈等等不快之副作用而服本劑則無此尤其善處金鷄納霜但能殺無性增殖之幼蟲而撲瘧母星兼能殺有性之半月形幼蟲故用撲瘧母星治間日瘧三陰瘧皆勝於金鷄納霜治日日瘧(瘧瘧)殺無性增殖幼蟲不如金鷄納霜而殺有性增殖之幼蟲遠非金鷄納霜所可及以此凡瘧瘧患者服此兩藥之一者皆可暫愈然金鷄納霜不能止其繼續傳染而撲瘧母星則能保其不復發以此繆倫思

氏教授發明用撲瘡母星複劑以治瘡瘡功效準確兼有持久之功

主治一切瘡疾瘡瘡日日瘡間日瘡三陰瘡疾以及因患瘡而生之併發證如痞瘡黑水病之劇熱又可解金鷄納霜之毒

用量撲瘡母星及複劑參觀其原裝內附帶之說明亦可依證之輕重隨時酌用

雷佛奴耳 *Rivanol*

本劑爲外科萬能之品無論何種重大外證不用開刀不須服藥但用本劑治之無不奏效迅速誠爲外科無上之珍品

形狀及性質 鮮黃色細粉無臭味在熱水中較冷水易溶化液體用火煮亦不防害藥性惟久受光線作用則顏色變紫

自歐洲戰役後醫家漸重用消毒防腐劑化學大家毛更羅氏悉心研究後發表凡微生物傳染之病皆可用化學療法治之遂於醫學中闢一新途徑凡侵入身體中之微生物（細菌）皆可就其侵入或居留之處而用化學消毒劑殲滅之且分毫無損於人之肌

膚

毛更羅氏依此途徑憑藉無量數獸類實驗兼借助於化學家及動物學家而造成一種消毒劑將人身中一切致病之細菌殲滅而絲毫不損任何肌膚及臟腑以此對於癰疽膿瘍各證有萬應之功效

雷佛奴耳 係從亞克雷定製出統治一切外證本劑最優良之點一爲毒性極微二爲毫無惡臭三爲毫無刺激性其他消毒劑俱有強烈之刺激人身組織質注射創口痛苦異常惟雷佛耳奴全不刺激組織質注射處并無痛楚凡用本品溶液沖洗創口以及行浸漬注射等等如分量適當毫無禁忌據實地試驗以極濃厚溶液約一比四百倍注射兔之關節內毫無害於該畜之健康

凡外證已成形之大膿瘍而不願受開刀之痛苦者可用空管針先將膿液抽出後注射同量之雷佛奴耳液入內(溶液成分由一比一千至一比五百倍)如此繼續行之數次其紅腫即速退而痛楚亦立止且由顯鏡檢查可證明細菌亦完全絕跡其功力可謂快矣用此法治療乳炎(即乳癰)尤爲得當對於陰道後大癰(陰道穀道間之膿瘍)即卵巢膿瘍如可由陰道內放膿者亦可以注射雷佛奴耳之法治之

用雷佛奴耳治瘡癰天癰（如砍頭癰、搭背、胃脘癰之類）橫痃、便毒、汗腺膿瘍、熱瘡、暑豆、膿瘡、瘡、黃水瘡以及肛癰等證尤著奇效。凡上述各膿瘍可用深處消毒法將本品溶液注射根盤周圍之肉如其時瘡之中央柔軟者即為中心膿已成熟之證可用空針將中央軟熟處之膿液抽去並注射入等量之雷佛奴耳溶液又凡結核性之腺瘍如癰癧之類亦可用抽膿注射法治之上述溶液皆為一比一千倍之溶液內加奴佛加因半成（奴佛加因代替局部麻醉藥而無異性副作用）

附錄

梁某山東蓬萊人丁卯年秋來津營商偶患傷寒證像奇重經醫多人治之未效病危朝夕幸經道友于君東川介紹壽甫翁為之診治服藥未幾轉危為安患者重病將癒忽左額顳骨下紅腫按之堅硬未三日疼痛異常中軟周盤奇硬自覺內部已化膿經壽甫翁介紹愚為之療治其外證內證仍由壽甫翁調理其氣血兼化瘀生肌之劑愚外治法以抽膿注入雷佛奴耳液未旬日內外證全癒矣由此想見本劑消毒防腐之功能誠不虛

言秀章

握母納丁 Omadin

本劑爲一切傳染病急治要藥兼能使病證經過良好乃血清界第一新發明醫家不可須臾離之萬應良藥也

摩西教授竭數十載精思始發明一種普徧免疫注射劑能統治一切危險傳染病卽握母納丁是也內含三大刺激要素

一爲蛋白質乃從各種非致病之分裂菌體中提出曾歷用各種動物試驗證明其防病免疫功用靈速非常且毫無弊害

二爲類脂肪乃從獸類膽液中取出按類脂肪治療 *Lipodtherapy* 爲近年最時新之

治療法卽此物一種已有普徧免疫之功力

三爲獸類脂肪最富於感應性能使身中生相當之免疫素

握母那丁舊名百病注射液猶言百病統治也其實此藥亦是一種科學產物茲將專治之病證指明以便依據按當今醫學博士摩西氏研究對於蛋白質治療類脂肪治療其大體卽研究免疫性療法人體中原有之免疫之抵抗而以此補助其不足是也普治之

證急性傳染病如猩紅熱感冒肺炎氣管支肺炎感冒腦炎傷風傷寒「奎扶斯」丹毒赤遊風大頭瘟疔瘡走黃血中毒腐血證產熱小產腐血寒熱痲痧「瘡子」喉蛾各種癰癤無名腫毒大疽（砍頭癰胃脘疽之類）中耳炎腹膜炎大腸證胆囊炎一切熱性病及急性慢性傳染病等皆可著效用法及用量本品係製成注射液每管二瓦專供肌肉內注射之用每日注射一次或二次每次注射一管成人嬰孩用量相同繼續注射以愈爲度毫無他弊握姆那丁兼爲預防病變之用故注射宜早宜數

附錄

天津城內任家胡同馮姓小孩十歲患肺炎延醫多人均用降金清肺之劑治之未效綿延月許週身增燒夜喘不眠經彼鄰介紹來所診治愚與愛服寧液內服兼注射握姆那丁於肩甲三角筋肉部翌日來診喘燒俱減如是內服愛服寧液注射握姆那丁四日後週身燒退夜稍喘而能眠共計注射七次喘嗽皆無又隔日行注射握姆那丁一次按日仍服愛服寧以善其後統計二星期始告痊癒

天津城內鼓樓西九道灣胡同張姓女孩十三歲身患熱病晝夜奇燒體溫已達攝氏表

四十一度○三經多醫診斷有謂乾血癆初期者有謂血枯者有謂受重風邪者有謂內熱發燒者西醫謂假性熱病有謂結核病者其說不一諸藥亂投終歸無效至後來所求治愚診其脈每分鐘七十六次體溫攝氏四十一度○三飲食兩便如常而體溫如是之高脈象未現實熱左右思想莫得病之實際不敢冒昧立方遂以百全之藥試用之當時注射握姆那丁一管翌日診視脈象如前而體溫降至三十九度六繼續注射次日脈仍如前體溫降至三十八度○二又續注射一管轉日體溫降至三十七度五統計注射四次體溫降至三十七度○一至停注射候兩日後體溫亦未復升由此即癒此證可謂怪矣握姆那丁之功能可謂奇矣 秀章

佛里霜 Valisani

佛里霜爲補腦安神固腎劑乃溴素甘松（纈草）龍腦（冰片）之合劑在鎮定劑中功效最爲美備專治神經衰弱心悸怔忡煩躁不寧經痛子宮寒冷以及舟車暈眩等一切病又各種神經病無不可治誠固本扶元補虛却病之妙藥加以不傷腸胃久服無弊氣味甘芳病人喜服尤其優點

用量每日三次分服每服一(二粒)至膠樣球)

凡拉蒙 Veramon

本劑爲內服止痛鎮靜藥主治一切神經痛如偏頭痛風濕痛三叉神經痛坐骨神經痛肩背牽痛腰脚不利以及梅毒脊髓癆之類  
內科痛證如肝胃氣痛胆石腎石作痛心瘳痛癌痛等類婦科及產科痛經經淨期中小腹腰痛證卵巢卵管痛等產時陣痛(服凡拉蒙無礙於生產)產後痛小產後痛等無不藥到痛止誠爲止痛專藥

蘇潑拉來寧 Suparenin

蘇潑拉來寧係取副腎內分泌液精製而成其質地純淨功力靈準遠在「阿得列那」林之上強心止血起死回生功用無匹誠救急之神方補心之仙液也  
形狀本品原係白色極細結晶粉粒在水中本不溶解茲特製成溶液及可溶之藥片等隨時可化用

功用在大腎臟之旁有小核名副腎其汁周流身中調劑血脈經醫家發明副腎之汁有

收束血管增進血壓及強心止血之力故由法普唯耳坑廠用化學方法造成精製副腎液粉子（蘇潑拉來寧）尤比天然副腎液之功力爲佳乃強心強脈之要藥止血斂津增長血壓比市售之腎上副櫛精高出萬倍乃防虛脫養精血最佳之劑因此等藥粉極易受潮腐變故特製成千分之一鹽化蘇潑拉來寧液出售可爲內服及注射之用凡內科牙科產科以及喉鼻各科無不視爲第一要藥其最佳處爲質地純淨功力持久久藏毫無流弊

主治內服醫腸胃出血痢疾傷寒使血肺病吐血產婦嘔吐每服千分之一溶液十滴皮下注射醫風疹哮喘血虛及注射六〇六之後加入麻醉藥以防虛脫治眼用可助麻醉藥退紅絲治耳鼻治尿道皆可用

靜脈注射可以強心強血防虛脫乃一切大病中救急要藥又能爲局部止血之藥能使一部分之血管完全收縮使此一部皮肉全然無血開刀時多利用之以免有失血或脫血之患凡紅眼用淡蘇潑拉來寧溶液點之能令立刻之間使紅退盡眼白如平常人但此不過一時之局部正血之作用耳蘇潑拉來寧所以能止血者因其能使血管收縮也

因此血管收束作用能使血壓增加甚高故對一切虛脫沉澀之證雖脈絕肢冷用蘇潑拉來寧液注射皆能使之復活卽該溶液注射於心包膜中之法也

庫阿可斯 *Chaiacose*

總論 專治肺癆兼補諸虛百損風行全球馳名已久乃肺癆病家唯一之救星

形狀及性質 庫阿可斯係醬紫液體氣臭宜人滋味可口此係用「所買妥司」*Somatose* 及八成庫阿哥硫酸化鈣 8% *Chaiacalcium Sulphonate* 合製而成其內不含絲毫酒精性質中正和平人人可服

功用 庫阿可斯中所含所買妥司滋補之力極大乃肺癆病人最佳之滋養料其所含庫阿可斯結合體專走肺經能滅菌消毒除滯化痰乃搜滅肺癆蟲之唯一良劑此藥之於治癆實兼有治療與補養兩種功用故爲專治肺癆唯一要藥

按肺癆一病俗稱怯證或名內傷其證候非常纏綿故療治之藥既須能療補兼施又須常服無害因此證決非服一劑兩劑藥可告全癒者也在各種庫阿可(或名怪阿惹)製劑中唯此庫阿可斯最爲無害故能供久服計日見功毫無流弊

加以其中所含所買妥司有健胃養身之功服之胃納日佳飲食增進元氣自然恢復其  
收功尤爲偉大

庫阿可斯性最和平毫無刺激性除治肺癆外兼治一患癆氣管疾患其滋養力量且過  
於肉蛋白質在滋補藥中亦首屈一指

又其所含之庫阿可斯硫酸鈣有殺癆蟲之力故能兼理胃腸疾患凡因患癆病而生腸  
胃病證如胃納呆滯腸膜結核虛寒下泄不止者服庫阿可斯可保速愈

主治 肺癆肺熱證吐血咳血乾咳氣喘盜汗肺炎肺結核癩串久咳多痰肺管發炎呼  
吸艱難百日咳流行性感冒以及一切呼吸器諸疾患

用量 每次服一羹匙日服三四次於食時或食後用溫水或牛乳或茶調和服之小兒  
減半

得福兒 Thyrol 卽依打注射液

本劑爲百日咳治療專藥在市上所販售者實已汗牛充棟不勝枚舉就中尤以依打製  
劑一種因確能減輕痙攣性之咳嗽且對於食慾與睡眠同時又有極好影響故其同質

異名之注射劑最爲一般小兒科界所應用然依打注射療法効固卓著而臨床應用之時以其疼痛難堪實未能連續注射加之時有硬結(壞疽)缺點亦誠不少是以利用注射一法殊不足以發揮依打對於百日咳之療法本能此則可爲浩歎者也

惟近據東西學者之研究謂依打之注射療法其作用與效果既無遜於注射而治療上安全與簡單則勝於注射療法者也不知凡幾故百日咳之依打療法其漸由注射而改行注射也宜矣

又接近來依打注射療法所應用之藥劑均爲依打洋橄欖油而徵諸臨牀醫家之經驗則謂以依打洋橄欖油用於乳兒時恆有惹起下痢者仍不無美中不足之憾焉今者日本武田製藥廠特製吸收甚易全無刺激之依打乳劑一種卽得福兒在百日咳依打療法言之爲最進步的合理製劑

强巴苦諾恩 Bagnon-stark

本劑爲鹽酸金鷄納霜之二五%濃厚注射液故雖注射二瓦而已能供給〇、五之鹽酸金鷄納霜於體內乃有効便利之藥劑也其注射方法專爲臀筋注射無痛亦不認不

良作用

強巴苦諾恩之內容 巴苦諾恩二瓦（一管）中含有鹽酸金雞納霜〇、五瓦二五

% 與烏來唐 Trehal 〇、五瓦（二五%）

強巴苦諾恩之作用不僅能奏解熱的效果同時對於一般證狀能使大轉佳境對於全身循環機能能有極好影響對於呼吸困難亦能使之順利

主治 急性肺炎尤如對於格魯布性肺炎之初期（發病後在四晝夜以內者）其效果最著即一面能奏頓挫的解熱之效一面能減短其治療日數

加答兒性肺炎亦為本療法之極好適應證其發病後經過相宜時日能與握姆那丁併用之尤佳流行性感冒使之注射能立行挫其病勢麻拉利亞（瘧疾）在發病初期迎其發作時前注射本品立奏安靜

用量大人每日一次每次二瓦（即一管）小兒酌減

盧蜜拿 Luminal

催眠安神功力靈速專治劇烈不眠兼治癲癇偏頭風止抽搐乃不含溴素之催眠靈藥

一性質 盧蜜拿係尿素製品 (Phenyl-ethyl-malonyl-hanshoff) 乃將著名安眠聖佛羅拿 (Veronal) 中之一個愛替兒易爲弗呂兒系成此新劑其力較佛羅拿爲強藥盧蜜拿在水中全不溶解惟在淡鹹性溶液中極易溶故在腸液中消化甚易

二功用 盧蜜拿係有力之安眠劑較一切安眠藥爲強兼有止痛之功力

盧蜜拿治癲癇 (卽羊癲風) 及偏頭風極有功效曾經過各大名醫十餘年之實驗而證明盧蜜拿治癲癇及偏頭風之功力遠在一切溴素劑之上而毫無副作用如用之得法中間有一定間斷時期雖經月經年用之皆不致發生流弊

久用盧蜜拿有須注意者二點

一宜用小劑量多頓不可用大劑一次服

二在服藥時期中宜時時服菓子鹽或人工鹽等清腸

盧蜜拿之作安眠劑用除與他種安眠良藥 (如阿特靈佛羅拿) 替換用外兼能治高度不眠證精神病不眠證及因痛失眠之類兼治酒狂及煩躁譫妄癡癲等振奮現象戒煙人用之尤宜兼治婦科子癇及小兒之百日咳亦甚有奇效

今將盧蜜拿之五大特色臚舉於下

(一) 奏效迅速而可靠其力較佛羅拿尤大

(二) 全無臭味易於吞服

(三) 無刺激性於消化器尿道不致有礙

(四) 此藥有與納配成者名納盧蜜拿可爲皮膚注射藥然易還潮宜密封

(五) 可止多數病之疼痛

三治證 精神性不眠證 劇烈不眠證 心神煩躁 歇司的里神經昏亂病 發狂

癡癲 羊癲 神經病 癱證 嗎啡癮 兼治偏正頭風 奏效如神

四服法 不眠證服法 每次服○、○五至○、三g 用溫湯吞服發狂煩躁服法

每次服○、三至○、四格蘭姆其精神病證最劇者每次可服至○、六格蘭姆

羊癲及偏頭風服法 每次服○、○五至○、一格蘭姆每日一次須久服不輟婦孺

弱體須酌減

育維寧 Juvenin

壯陽道健筋力補腦強身固精種子功力靈速效用在育亨賓之上乃最新發明固本壯陽唯一妙劑既可內服又可注射

一性質 育維寧 *Juvenin* 乃改良之育亨賓 *Yohimbin* 係砒劑士的年劑與精製育亨賓三藥混合而成者也有注射液及藥片兩種

二功用 育維寧係滋補虛損長養精神之聖藥兼能健壯陽道故治陰虛陽痿之證能標本兼施功速而久德國名醫渴龍飛 *Dr. A. Kronfeld* 曾用治天關之男女多人亦能黍谷春回復知人道之樂故各國醫家均推爲固本壯陽聖劑尤以治因神經衰弱或身體虛耗而房事不振之證爲最有功效

按育亨賓本爲近代壯陽良藥舉世共知無庸贅述惟是育亨賓之功力甚弱且不能持久故治天關陽痿宮冷及不堅早洩等證無顯著之功效神經病人用之尤不易見功故德國神經病專科醫家用育亨賓時皆與所拉純及士的年同用俾其功力增強而持久惟以三種藥劑同用分別注射手續非常煩瑣醫家病家皆苦不便育維寧之發明係經無數專家費若干年之研究始發見米替砒酸在砒劑中最爲無毒並無副作用無論注


射或內服口中皆不發生蒜臭加以性質功力持久能補精血本元用之與育亨賓合併可使育亨賓之力量加長至於士的年一品自古即用爲壯陽之劑乃與奮劑中之健將專補神經系使與米替砒酸化合其藥力更爲到地對於體力精神兩虧之病人尤爲相宜而有極大之效用故育維寧固本壯陽之功力既靈速且持久兼能補腦強身久服毫無流弊緣其中所含之砒量及士的年量至微雖妄用亦不足爲患也

三治證 男婦情慾不振無論生理的或心理的皆可治 陽痿不舉 精冷早洩 陰虛宮冷 不孕無子 精神愉快 怔忡心悸 手淫過度 腰酸腳軟 生殖器發育不全 男女天閹酒色虧耗 精關不固 無夢自遺 一切與慾失常之證用此藥標本兼醫立能恢復生人樂趣兼治婦人痛經及經期不調等證兼補諸虛百損

四用法 內服注射均可內服用藥片每日服三片午後一片臨臥兩片注射每日一次最好醫法先用注射每日一針約注射十針後與以藥片內服每日一片漸加至每日四片然後退回共服完五十片後再與注射十次

秀章素習西醫恆慕中醫之理多參哲學不拘拘於形迹之間而未其得師資實難識

門徑也乃不意歲在丙寅壽甫先生在陸軍爲軍醫處處長秀章適爲先生從事因得日在先生之側見先生恆以西法斷病以中藥治病莫不立起沈疴若偶遇病之至險至奇者又恆中西無所標榜而獨出心裁以製妙方先生之於醫可爲神明變化者哉秀章見聞既久因得稍識中醫門徑臨證之際亦效先生中西並用而亦屢次奏效也慨自西醫之入中國也中西醫士恆生齟齬而先生獨能博採兼收取西醫之長以補中醫之短是其江海之量卓異之識誠有迥異恆流者宜乎醫界同人羣推先生所著之衷中參西錄可爲醫學開新紀元也且先生長於養生（與衛生不同）欲人人皆能養生以却病故書中於養生之道三致意焉今先生七旬有二矣精神腦力分毫無異少年白晝因應診忙碌燈下著書恆至夜半黎明又復早起蓋凡書中養生之道先生皆實行有驗而後筆之於書非徒託諸空言也今先生因素所著衷中參西錄第四期已盡售而欲購此書者日益加多因卽原本將中藥增加若干復命秀章所於出之西藥選錄若干以附載於從前西藥之後秀章因將曾用其藥治驗之案附誌數則於後非自誇耀也惟欲世之用其藥者見有舊案可爲標準則用時無庸遲疑也



中華民國二十一年孟秋下旬出版

定價銀幣壹圓陸角一次買五部者外贈一部郵買者不加郵號費

內務部註冊立案給版權

著者 鹽山張錫純壽甫

參訂者 天津楊秀章學忱

參校者 天津劉誠柱砥平

發行處 天津中西匯通醫社

天津東門裏路北  
號發家胡同北

印刷處 天津華新印刷局

東馬路六吉里內  
電話五局三三八

附記

衷中參西錄前三期合編價兩圓叁角一次買五部者外贈一部郵買者不加郵號費

衷中參西錄第五期價兩圓一次買五部者外贈一部郵買者不加郵號費

衷中參西錄第六期一名志誠堂醫案價壹圓陸角一次買五部者外贈一部郵買者不

加郵號費右書三種加四期爲一全部一次買全部者廉價柒圓

#41

11232

